

牧齋初學集

一

牧齋初學
集

四部叢刊初編集部

牧齋先生初學集序

歲癸未冬海虞瞿稼軒刻其師牧齋先生初學集一百卷既成先是先生再寓書於余寄示近所著獨言及高陽行狀屬余序其文甚切而余方退讓未遑蓋先生身雖退處其文章為海內所推服崇尚翕然如泰山北斗雞林蛋戶有能知愛之者願欲俾鄉里窮僻衰耄之夫嗷然弁其首有不詳而笑其妄且誕乎此余之所為不敢也古人有言文章千古事得失寸心知先生之文惟先生自知之又曰人之相知貴相知心以余相從之久相得之深而先生虛已下問晨夕不厭凡一詩之成一文之構無不哆口抵掌祛形骸忘嫌忌所謂以仁心說以公心辨以虛心聽當其上下千古直舉李杜而下三唐詩名家傑作一一夫口品隲商榷論次之而今迺曰不敢序先生之文又不呀然相視而失笑者乎蓋余識先生于未第時一見而莫逆于心且三十年矣始同養痾于拂水辛酉先生瀾關反命相會于京師時方在史局分撰 神廟實錄兼典制誥杜門注籍不泛為詩文及再出而巨

瑯專恣正人摧陷先生且削籍歸矣戊辰今上登極召起田間方且柄用而僉倖力齟齬之旋復放歸遂招余耦耕湖山之間若將終身焉者已而橫被誣奏權奸下石身禁囹圄命如懸髮而先生嗜學益力覃思逾深嘉定施孟翔除武昌推官歸語余云曾兩候見獄中憫其園戶秋隘暑雨踟躕殆非人所居而先生朝吟夕諷探曠洞微孜孜不厭一如平日方與其徒瞿生友人劉敬仲談藝和詩余時心甚危之恐為讒夫媒孽以為謗訕先生聞之初不以余為過慮也凡自天啟甲子削籍出都門及今上召對免歸各有七言律詩二三十篇頌繫雜詩多至數百首其所遭罹禍患愈迫切而其文章光燄愈昌大宏肆奇怪險絕變幻愈不可測又且怨而不懟憂而不攝得風人諷諭之致而不失溫柔忠厚之意自非具大根有定識真能信前因通宿命何繇捐人我遺得喪怛然浩然一至是哉余觀先生早荷 神廟登進在承明著作之廷回翔禁林親侍 熹廟講幄雖其屏棄明時未獲大用 今上臨軒側席每為再三嘆咨其

文章不可不謂顯達矣晚而以其忠猷嘉謀無由入告左右著為嚮言三十首以垂于後不惟其愛君之深憂國之切隱然溢于言表而救時匡世之畧亦已見其一斑藉令不遭斷齧不惟謗讟日晝詔于密勿之地視師于戎馬之間何以老而能學窮而益工使文章必傳無疑若今日哉昔白香山不序元微之集而悉見于所寄通州論文書以余衰病不復能東下就見終老聊叙平昔以當一夕之談而已不可謂序也冬月長至後新安布衣友人程嘉燧述于松園山居

吳郡門人徐增敬書



錢受之先生集序

履齋諸君子之言曰聖人時動必奔題也又云君子身奇志不天下不親焉顧子與海虞先生未之親暱也觀面之何曾不夫志之不二其所親更身甚于此者噫亦稱奇矣答之君子先憂而後樂今之君子先樂而後憂夫憂樂無常亦惟其世耳處今之世憂人之憂曰甚于一日不得不以答之無憂者為足樂也周元公曰學者須尋顧子樂趣夫顏氏之樂豈不在乎簞瓢陋巷哉至于魯邦之間則吾夫子以四代之禮樂刑度相與博授非羣弟子所敢望也不求後館之以技鄭嚴遠佞人為致疑乃今之世則為淫靡之習傾危之人者比之矣顧子平生之經濟在于畏匡子在回何敢允之一言雖聖人無死地但不知當時夫子何以過宋而宋人不知顏回何以在後而不死于陳氏曰為投顏回同道似又以民溺民欲之憂與簞瓢陋巷之樂其敢一也故曰憂樂無常論其甚不已予與海虞先生之別在亦屢更矣當其可樂者憂者存焉當其可憂則已亦難于獨樂矣樂行憂違君子未嘗以隱居為樂也曠乎其不可拔子與先生當其勉之庶天下後世知吾受之詩興又如嚴君平不能前見而已若謂動之火固靜之火若謂曉之火固是之則又非子與受之非奔息子持世者也惟樂心于世者亦盡數又庶足以苟之者哉時崇禎甲申中蘇節吏第曹夢陸賦始識 仁柳書

讀牧翁集七則

錢牧翁集成以余能讀其文索余叙之每吮毫和墨神氣輒索因思蘇黃同世山谷終身服膺坡老之文然未嘗為叙其見於題跋者往往有之余亦竊附於此為題數則以告世能讀牧老之文者

流俗之文每變愈下良以志趣凡近了無拔俗之韵不思力與古人作敵耳間以私智舞文古法益復蕩然故世所競尚之文余鮮有讀至終篇者蓋繩以我法至十數行未有不敗矣獨至虞山文見輒神思清發宿累都捐久而酣暢益深懷古之思歐陽率更見索靖碑寢臥其下三宿不能去此解故須旦莫遇之未易與近人道也

文之有法如松直棘曲鶴白鳥玄眼橫鼻豎夫苟因其固然天地萬物俱為妙道之行也然嬰兒自旋見屋廬轉以正告之爾自眩矜屋實不轉彼必不信蓋未能立於不傾之地耳近時惟虞山文尺寸必謹於成法至委折奇致不煩繩削而自合如駭雞枕四面視之皆正豈若院體

書以無復增損為法耶

桓宣武入蜀有老吏曾供事武侯者宣武詢之云諸葛公定以何為長吏對以未見其長但每事停當耳近人詩文間亦有長處恨苦不停當故不能欺余老吏也余所服牧齋詩文特以其停當耳

錢牧老語余言每詩文成舉以示柳夫人當得意處夫人輒凝睇注視賞咏終日其于寸心得失之際銖兩不失毫髮余嘗以李易安同趙德甫每飯罷坐歸來堂烹茶指堆積書史言某事在某書某卷第幾葉第幾行以中否勝負為飲茶先後中則舉梧大笑或至茶覆懷中不得飲而起每思閨閣之內安得有此快友而夫人文心慧目妙有識鑒似此易安猶當讓出一頭地惟朝雲謂子瞻一肚皮不合時宜此語真為知已然則公與柳夫人故當相視而笑也

悲傷忠憤之志盤屈糾纏而無以自遂其於政事之得失邪正之消長不以一身禍福易其憂國之思含悲負痛殷然而無以自解故奮筆於楮端鋒銛芒豎感慨淋漓刺人於眉睫之間而

休人於志氣之微一篇亦見數行亦見如獅子殺物若大若小一付以不欺之力以此知文須有為而作若其無謂可以不作也

歐公云花之絕為牡丹然而不實果之絕為荔枝然而非名花雖然二物者惟不兼物之美故能各極其精晁無咎以為詩文難兼亦自如此余固未以為然余讀牧翁文體氣高妙以為至矣而詩波瀾老成亦極其妙庖丁奏刃衆虛合於森林之舞以無厚而入有間故可通之養生也

西昌蕭士璋書

牧齋初學集目錄上

第一卷 還朝詩集上

神宗顯皇帝挽詞四首

泰昌皇帝挽詞四首

歸女詞四首 寄陸大參

渡江二首 題褚家堡公館

清流關和尹員外 滁州懷李長蘅

滁陽王廟 臨淮田舍題壁

彭城次坡韻四首 徐州雜題五首

滕縣寄長蘅 鄒縣謁孟廟

大風發穀城山 發荏平 河閒柳二首 刁酒二首

和范致能燕山道中絕句八首

白溝河 范陽驛 琉璃河 大洞 良鄉 盧溝 瑯琊中 會同館

附錄舊詩

送福清公八首 補齊西巡歌四首

許墅寄董崇相四首

疊韻答季穆四首 再疊韻四首

第二卷 還朝詩集下

入朝呈同館 送宣大董侍郎二首

送劉編修頒詔朝鮮十首

昌平州

陪祀定陵二首

恭謁長陵

西山道中二首

碧雲寺

香山寺二首

經筵記事十首

寄東江毛總戎

過易水

宿汶上

渡淮寄里中游好四首

北上懷吳中故人六首

王五鳳 李長蘅 王汝士 文文起 周景文 鄭謙止

寄嚴太守二首 書徐州官舫二絕句

河決彭城方議改築賦詩一章

驛壁代書

次陶路叔韻

雨中過清流關

夜過磨盤嶺

王師二十四韻

趙滕縣祠堂

新嘉驛和袁小修題會稽女子詩三首

初祖折蘆圖

第三卷 歸田詩集上

乙丑五月削籍南還十首

哭何季穆九百二十字

答徐大謝餉參 贈星士

答李貫之

投老

惆悵詞三首

峽蝶詞四首

小至夜泥飲

寇白

程將軍挽詞

瞿五丈挽詞四首

王川子歌

休休歌示漢月

蠟梅六首

饋魚二首

寒夜聞姬人語

丙寅除夕

第四卷 歸田詩集下

丁卯元日

元日自和前韻

書石屋語錄

元夜點燈小飲

雨中邀諸人看燈

次韻徐于有憶

徐于原倡 附見

再和前韻

柳絮詞六首

次韻徐于故妓二首

題畫寄王侍御五言十韻二首

雀羅 蝶夢

寄張吏部四十韻

苦雨數

雨不止二首

張季挽詞

邵叟

謝于潤甫送酒

酒垂盡而孟陽至

報顧秀才索飲

與秀才飲酒

以頂骨飲器勸酒

短歌答韓孟郁

次韻答文啓美二首

代鶴答

贈竹深堂鶴附見詩

和徐于悼松二首

孟陽載酒勸飲

答孟陽慰失子

亡兒後圻所築月臺

登茅山三首

烏亡兒設醮

茅山懷古六首

謝于昭遠寄茶

丁卯孟秋聞享太廟作

十五夜

八月十四夜

答徐于見懷

十七夜

續彭仙翁登高詩

謝徐二餉饅蟹

九日答徐于

聞大行皇帝遺詔二首

聞登極恩詔有述二首

答徐于聞詔二首

丁卯十月書事四首

羣孤行

舟師歎

第五卷 崇禎詩集一

元日立春

夜步虎丘橋

繇橫山抵光福

冒雨游玄墓

阻雨光福

折梅

紅梅

看梅登茶山屋銅井

衆香庵

歸舟卽事四首

虎丘秋月圖

悼鶴二首

得鶴二首

依韻徐于喜見

和花朝

仙山樓閣圖

花朝排韻二首

春雨

春雲

春雲

春晴

仲雪折梨花見贈

雪裏桃花

飲海棠下

寒食集津逮軒

代徐于贈伎

看徐于別妓二首

復官誥贈內二首

三月三日十二韻

送張老

第六卷 崇禎詩集二

見方狹未題壁

戊辰應召十首

十一月初十日召對感恩述事二十首

壽房海客十四韻

次韻示張藐姑

疊韻藐姑送酒

戊辰除夕

第七卷 崇禎詩集三

贈書

贈書

贈書

代書硯答

答書硯

飲酒七首

三疊韻送稼軒

張五 睢陽五老圖次韻

八月十二夜 十三夜

十四夜 十五夜不見月

十七日即事 次韻答李茂初三首

眼鏡篇送張異度 紅葉

寶嚴灣楓林 登南巖抵破山即事

題長蘆畫 冬夜觀劇歌

徐于挽詞二首 贈汪景謨二首

除夕次孟陽韻 辛未元日

新歲次韻二首 人日次韻

言樹堂詩 感秋二首

送侯主事入賀 讀汪三詩

戲題鍾伯敬茶訊詩

星士生子 送人之廣東

王德祿小像四首 辛未除夕

第十卷 崇禎詩集六

壬申元日 人日寄張藐姑

卜肆行 汪烈婦歌

寄答孫功甫 仲夏觀劇四首

負郭 得萊城解圍報

贈萬尊師

石田翁畫奚川八景圖歌二首

東臯種菊詩四首

送座主王文肅公子淑扈歸秦一百韻

壬申除夕 癸酉元日

乙亥中秋祥琴次韻四首

閒坐 北客

仙壇唱和詩十首 答白叔德樸

送陸孟鳧 答越卓凡

陸宣公墓道行 張明府小像四首

贈翁朔州二首 送華山道者

陳氏壽燕四首 游虎丘諸山四首

上茂苑相公二首 寄謝曹能始

次劉漁仲韻二首 葛將軍歌

張老二首 贈王二溟方伯二首

贈倪太公十四韻 識字行

第十一卷 桑林詩集

清江浦遙寄 漂母祠

黃河 俳體示士龍

答士龍二首 清河三首

宿遷

示士龍

泉林

早發二首

春盡日

齊河懷古四首

耿濟鎮 晏城 高唐城 定慧寺

禹城道上

東壁樓懷德水

德水贈詩附見

張太公壽讌詩

柳枝十首

別王鹿年

題畫二首

美人調鸚鵡圖 山陰逐棹圖

欲別東樓去四首 雄縣文稼軒韻二首

第十二卷 霖雨詩集

姚方伯復官

送丘俞二將軍

獄中雜詩三十首

郊城二首

費縣三首

泗水二首

登岱五十韻

遠問盧德水

德水送芍藥

次韻德水見贈

張太守送酒

代贈十六韻

荷花辭十首

贈程魯瞻

杏花宮人圖

李將軍挽詞二首

贈孫道人

再次十二首

生日詩三首孫吏部 劉司空

送何士龍南歸一百韻

梁生寫真二絕句

送陳崑良

寄侯豫瞻提學

五芳井歌

萬戶部小像

如此過兩年

答潘朗士二首

新阡八景詩有序

拂水回龍 湖田舞鶴 石城開障 箭闌朝宗 杏石參天 會湖落日 團桂天香 紫藤衣錦

山莊八景詩有序

錦峯晴曉 香山晚翠 春流觀瀑 秋原耦耕 水閣雲嵐 月隄煙柳 梅園野堂 酒樓花信

題畫二首牧馬圖 射虎圖

咏雪三十韻

次韻劉敬仲六首

續次四首

倪戶部

寄許文玉

郭胤伯過訪

張將軍挽詞二首

若活一百年

昔我年十七

歲暮懷孟陽

除夕示楊之易

第十三卷 試拈詩集上

元日讀史記六首 華山廟碑歌

松談閣印史歌 人日

次吳德輿韻六首 何處生春早二十首

書四靈詩 書梅花集句

讀漢書寄陳侍郎 題王孟端畫

上无後二首 送傳給事

送劉宮諭 端哥

反風行 送僧游峨眉

過應侍御小飲 贈胡泌水

送路侍御二首 題杏花邨圖

夢與長蘅談詩 徐孃歌

寄侯縉部 題大鳥圖

送南臺侍御二首 平臺行

次韻荅項宮諭 玉堂雙燕行

姬太僕墓道歌 送楊侍御二首

送任侍御二首 王郎行

題劉宮諭畫三首

春山觀瀑 秋山讀書 墨梅

次韻荅王芥庵 文啓美入直二首

登封行

第十四卷 試拈詩集下

中秋餞馮爾賡使君八首

題張于度屋壁

謁高陽少師公於里第感舊述懷十首

王師二首 苦憶東樓上四首

贈別謝太宰 汶上道中

曲阜道中二首

恭謁孔林先聖廟一百韻

濟上逢項仲展 淮上舟中

家人拏舟相迎 廣陵二首

硯山詩 送蕭季公歸秦和

次韻于惠生二首 除夕偕孟陽守歲

第十五卷 丙舍詩集上

己卯元日文韻 簡蕭伯玉

東鄰 喜季公却廻

疊前韻有寄 題滄桑對奕圖

歸來泉歌 徐典公過訪

示張元喆 曲江歌十絕句

寄張御史二首 送別蕭伯玉十首

羽林僧

春夜

上巳日

寒食山行

上冢

呈陽美相公四首

寄范司馬二首

四月初六日送春

拂水競渡曲十首

顧侍郎過訪

二哀詩

次韻無題二首

荷葉鼎詩

中秋五首

重題斷句八首

聽青琴理絃子

瑤臺歌

寄郭胤伯

長筵歌

于廣文挽詞

送黃子羽二首

陳眉公挽詞

歲暮雜懷八首

除夕

第十六卷 丙舍詩集下

庚辰元日次韻

次韻答曹能始二首

觀美人手跡七首

題長蘅畫冊

小築詩十章

和徐二遠歌兒二首

寄李次公

迎春曲

雪中楊伯祥過訪

寄尹子求二首

寄尹西有

題女郎畫二首

送會霖裳二首

送張王筍中丞四首

送林自名二首

春夜聽歌十首

乞蘭詩

黃牡丹四首

次韻茅孝若五首

有客

第十七卷 移居詩集

移居八首

雜憶詩十首

夜汎西湖

得盧德水書却寄

寄德水

孫光甫再守泉州

答陳先輩二首

哭魏叔子二首

鄭節母詩四首

茅止生挽詞十首

次韻七夕二首

題畫寄香山

與姚叔祥論詩戲題十六首

中秋大雨

次韻三首

九日宴集

短歌送林銓

次黃石齋見懷四首

嘉禾舟中二首

宿駕湖

吊李玄白

題南湖勺園

第十八卷 東山詩集一

半野堂答河東君見贈

初贈詩

孟陽次韻

冬日泛舟有贈

疊韻再贈

次韻奉答以復詩

孟陽次韻附見

寒夕文讌疊韻

孟陽次韻惜別附見

冬至日感述示孫愛

迎春日泛舟

和春日詩

春日我聞室作

除夕山莊探梅

庚辰守歲

次韻

辛巳元日

次韻

新正過山莊

元夜虎丘西溪

次韻

次韻示河東

有美一百韻

駕湖送牧翁之新安

西溪看綠萼梅

夜集胡休復故第

西溪鄭庵

題仲芳畫冊

橫山江氏書樓

看梅贈吳仁和

題江道闇蝶庵

春分日橫山晚歸

簡方昌化

望天目山

奉和三首

和陌上花三首

登齊雲巖四首

響雲閣

抵天門宿梅梅庵

謁玄天太素宮

第十九卷 東山詩集二

發瀟口徑楊千抵祥符寺

浴湯池留題四絕 奉和四首

宿桃源庵作短歌 夜雨

雨不止題壁

小樓看天都峯瀑布

天都瀑布歌

登殊砂庵登老人峯

憇文殊庵

文殊院夜起看月

下雲梯逕蓮華峯

登始信峯上石筍砦

遲天平砦登煉丹臺

飯慈光寺抵湯口 出湯寺抵瀟口

湯池

天都峯

蓮華峯

石筍砦

鍊丹臺

慈光寺

宿方方石書館

過方司馬故第

題孟陽長翰山居

過釣臺

第二十卷 東山詩集三

合歡詩四首

催雜詞四首

贈田國威

燕譽堂秋夕

秋夕話舊事

中秋出游二首

依韻奉和二首 長千行寄鄭應尼

高中丞乘城詩八首 贈痔醫

牧齋初學集目錄下

第二十一卷 雜文一

春秋論五首 跋尾

第二十二卷 雜文二

雞鳴山功臣廟考上下

致身錄考 書致身錄考後

書金姬傳後 書建玉皇閣疏後

第二十三卷 雜文三

嚮言上十五首并序

第二十四卷 雜文四

嚮言下十五首

第二十五卷 雜文五

書瀛國公事實 書沈伯和逸事

書盧孔禮事 書鄭仰田事

丁丑獄志 徽士錄

東征二士錄

第二十六卷 雜文六

書錢塘大慈山甘露院二牒後

再書二牒後 記司馬溫公神道碑

龍川二書後題 孝譽先生私諡議

顧孝廉請贈議 吳中名賢續議

放生說 袁祈年字說

陸符字說

第二十七卷 雜文七

富責主人文 楚女對

書武林禳夷事 節婦文氏旌門頌

節婦韓氏旌門銘 節婦金氏旌門銘

新安呂氏節孝銘 雙節堂銘

義塚碑銘 第五公畫像贊

駝碇硯銘 琴銘

杖銘二首 泚野關關壯繆廟銘

第二十八卷 序一

開國功臣事略序 開國羣雄事略序

重輯桑海遺錄序 國史名山藏序

新刻十三經注疏序

蘇州府學志序 鄉約序

取節錄序 建文忠編序

南昌趙氏族譜序 雙鳳顧氏族譜序

宋文憲護法錄序 陽明近漢語要序

華嚴懺法序 蕭伯王解起信論序

心城全集序

第二十九卷 序二

方正學文集序

蘇門六君子文粹序

本草單方序

編文諸家文集序

兵略序

參籌祕書序

春秋匡解序

左匯序

說文長箋序

洪武正韻箋序

鄭氏清言序

宋氏誠意錄序

于氏日鈔序

姚黃集序

瑤華集序

破山寺志序

沒寧錄序

麟旨明微序

第三十卷 序三

少師高陽公奏議序

侯榮康公奏疏序 梁少保邱忠錄序

鄒忠介公奏議序 范司馬參機奏疏序

趙文毅公文集序 耀州王文肅公集序

顧端文公文集序 顧宮諭文集序

徐司寇畫溪集序 何香山文集序

第三十一卷 序四

湯義仍文集序 李君實文集序

劉司空詩集序 劉咸仲初藁序

范異羽詩集序 黃鶴嶺游恒山詩序

孫楚惟詩序 孫紫冶詩序

孫幼度詩序 孫靖自文序

楊澹如詩稿序 陶不退閉園集序

陶仲璞遊園集序 劉將軍詩集序

第三十二卷 序五

嘉定四君集序 虞山詩約序

徐元歎詩序 黃子羽詩序

華開修詩草序 越東游草序

會房仲詩序 鄭孔肩文集序

王元昌北游詩序 王元昭集序

黃孝翼蟬窠集序 邵幼青詩序

邵梁卿詩序 朱雲子小集序

張孟恭江南草序 馮班詩序

陳遜詩集序 徐子能詩序

黃蘊生經義序

第三十三卷 序六

一樹齋集序 張益之存詩集序

黃德操詩集序 徐仲昭詩序

蔣仲雄詩序 張異度文集序

嚴印持詩稿序

琴述序

三嚴作朋集序

來氏伯仲詩序

秦槎路史序

王署初編序

賀中泠淨香稿序

瑞芝山房初集序

南游草序

林六長虞山詩序

戴初士集序

秋懷唱和詩序

東壁遺稿序

錢集之遺稿序

鄭聖允詩集序

士女黃皆今集序

第三十四卷 序七

兵使馮公督學福建序

大司馬李公參贊機務序

宮傅黃公奉詔存問序

錦衣吳公進秩一品序

贈左君擢西臺序 贈涇陽張儀昭序

送段含素辟召還商城序

兵使高君留任序 何推官考績序

第三十五卷 序八

趙靖江考績序 楊縣丞歸雲南序

送瞿起田令永豐序 賀朱進士序

贈別方子玄序

龔崇德考滿序

定海范氏雙節序

汪母節壽序

李祥符考績序

賀文推官詩序

瞿少潛字序

贈侯朝宗序

第三十六卷 序九

壽福清公六十序

文文起六十序

李本寧七十序

史太嘗六十序

鄒彥古七十序

畢封君八十序

江侍御六十序

黃憲使八十序

侍御汝瞻八十序

陳中丞六十序

謝象三五十序

宋太公七十序

水豐程翁七十序

范太公八十序

沈翁八十序

第三十七卷 序十

李貫之七十序

于潤甫七十序

于潤甫八十序

康文初六十序

贈汪君序

溧陽彭翁序

陳孟孺七十序

周翁八十序

壽何峯縣序

趙敘州六十序

鄒孟陽六十序

嘉禾黃君序

開谷禪師七十序

第三十八卷 序十一

侯母段宜人序 顧母王夫人序

畢母孫太夫人序 林母吳太夫人序

馬母李太孺人序 吳母程孺人序

黃母張夫人序 益都任氏雙壽序

角東陸氏壽讌序

第三十九卷 序十二

方太夫人鄭氏序 姚母文夫人序

楊母侯孺人序 周忠介夫人序

太倉張氏壽燕序 何母丘太孺人序

松陵張氏壽燕序 徐母王夫人序

潘母湯節婦序 毛母戈孺人序

第四十卷 序十三

昨非庵日暮序 時子求期思集序

石田詩鈔序 歸文休七十序

陳孺人七十序 寶應李侯壽燕序

吳白雲遺集引 陸鯤庭集引

袁伯應南征詩引 純師集序

孫子長詩引 馮已蒼詩序

第四十一卷 記一

高陽孫氏閨門死節記

應天軍門軍器庫記

福建布政司修造記

蘇州府修學記 景寧縣改建儒學記

憺歸閣記 徐州保我亭記

錢湛如祠堂記 復介石書院記

第四十二卷 記二

重建青蓮寺碑 龍樹庵記

瑞光寺興造記 黃鶴山永慶寺記

武林報國院記 資慶院重修記

徑山種樹記

第四十三卷 記三

重修素心堂記 願志堂記

蓼庵記 聊且園記

保硯齋記 白教諭遺愛記

儀孟劉母銘旌記 泐法師靈異記

兵忠武畫像記

第四十四卷 記四

重修維揚書院記 鄭氏復祭田記

虎丘雲巖寺重修大殿記

采陽姜氏一門忠孝記

韓斬王墓碑記

第四十五卷 記五

耦耕堂記

朝陽榭記

秋水閣記

明發堂記

花信樓記

留仙館記

王紫軒記

匪齋記

第四十六卷 記六

游黃山記九首并序

第四十七卷上 行狀一

特進光祿大夫左柱國少師兼太子太師

兵部尚書中樞殿大學士孫公行狀上

第四十七卷下 行狀一

孫公行狀下

第四十八卷 行狀二

太子太保禮部尚書王文肅公行狀

左諭德贈詹事繆公行狀

第四十九卷 行狀三

朝列大夫管公行狀

第五十卷 墓誌銘一

楊忠烈公墓誌銘

贈大理寺卿鹿公墓誌銘

贈太僕寺卿黃公墓誌銘

贈太僕寺少卿顧公墓誌銘

第五十一卷 墓誌銘二

郭文毅公墓誌銘

贈太子少保李公墓誌銘

祭酒馮公墓誌銘

贈兵部尚書徐公墓誌銘

張評事墓誌銘

第五十二卷 墓誌銘三

兵部侍郎孫公墓誌銘

南京工部侍郎葉公墓誌銘

贈太僕寺少卿姬公墓誌銘

御史李君墓誌銘 給事侯君墓誌銘

劉訓導墓誌銘 郝延長墓誌銘

齊孝廉墓誌銘 王秀才墓誌銘

第五十三卷 墓誌銘

譚太僕墓誌銘

許府君墓誌銘

左扶溝墓誌銘 郭平樂墓誌銘

錢鞏昌墓誌銘 謝府君墓誌銘

曹府君墓誌銘 徐府君墓誌銘

劉府君墓誌銘 張君墓誌銘

第五十四卷 墓誌銘五

李長蘅墓誌銘 王淑士墓誌銘

沈無回墓誌銘 李玄白墓誌銘

張元長墓誌銘 金子魚墓誌銘

張異度墓誌銘 徐元修墓誌銘

聞子將墓誌銘 周府君墓誌銘

第五十五卷 墓誌銘六

徐元晦墓誌銘 邵茂齊墓誌銘

瞿元初墓誌銘 何季穆墓誌銘

王季和墓誌銘 馮嗣宗墓誌銘

李緝夫墓誌銘 繆采璧墓誌銘

趙靈均墓誌銘 張孟舒墓誌銘

張叔子墓誌銘 何仲容墓誌銘

第五十六卷 墓誌銘七

按察蕭公墓誌銘 參政陳公墓誌銘

長史何公墓誌銘 按察徐公墓誌銘

徐沔陽墓誌銘 陸朝列墓誌銘

陸平陽墓誌銘 孫府君墓誌銘

王通判墓誌銘 天河公生墳志

第五十七卷 墓誌銘八

浦君鎔墓誌銘 張義卿墓誌銘

夏君墓誌銘 龔府君墓誌銘

龔府君墓誌銘 陳則輿墓誌銘

陳府君墓誌銘 繆君墓誌銘

王府君墓誌銘

第五十八卷 墓誌銘九

陳母張氏墓誌銘 錢太宜人墓誌銘

宜人陸氏墓誌銘 趙太孺人墓誌銘

黃孺人墓誌銘 吳安人墓誌銘

顧恭人墓誌銘 徐孺人墓誌銘

第五十九卷 墓誌銘十

秀才孫鈴妻王氏墓誌銘

金孺人墓誌銘 張太宜人墓誌銘

趙孺人墓誌銘 黃孺人墓誌銘

湯孺人墓誌銘 張母黃孺人墓誌銘

第六十卷 墓誌銘十一

贈太僕少卿徐君墓誌銘

張昭子墓誌銘 鄒孟陽墓誌銘

姚君墓誌銘 金文學墓誌銘

朱府君墓誌銘

第六十一卷 墓誌銘十二

顧瑞文公淑人朱氏墓誌銘

沈節婦墓誌銘 唐君平墓誌銘

趙敘州墓誌銘 蔣斷事墓誌銘

毛君墓誌銘

第六十二卷 神道碑銘一

趙文毅公神道碑

左都御史曹公神道碑

高忠憲公神道碑

贈太僕寺卿周公神道碑

第六十三卷 神道碑銘二

傅文恪公神道碑

禮部尚書蕭公神道碑

慈谿馮氏先塋節孝碑

封兵部尚書李公神道碑

左布政王公墓碑

第六十四卷 神道碑銘三

兵部右侍郎梅公神道碑

第六十五卷 神道碑銘四

兵部尚書申公神道碑

南京刑部尚書沈公神道碑

右副都御史錢公神道碑

徐氏先塋神道碑

第六十六卷 墓表一

臨安王給事墓表 王季木墓表

宋比王墓表 琅邪王府君墓表

叅政沈公墓表 副使張君墓表

趙郎中墓表 顧勤衛墓表

張益之墓表 姚處士墓表

李德遠墓表 吳君俞墓表

張李公墓表

第六十七卷 墓表二

南海黃夫人墓表 澤州王氏阡表

丁氏墳前石表辭 孫安人墓碑

房母太宜人墓表 劉氏二節婦墓表

瞿太公墓版文

第六十八卷 塔銘一

慈山大師廬山五乳峯塔銘

聞谷禪師塔銘 洞聞禪師塔銘

鶴林法師塔銘

第六十九卷 塔銘二

雪浪大師塔銘 一雨法師塔銘

汰如法師塔銘 竺璠禪師塔銘

第七十卷 傳一

呂講經傳 程尚書傳

雷孝子傳 吳孝子傳

丁節婦傳 孝女荆觀傳

楊烈婦傳 顧節婦傳

第七十一卷 傳二

朱鷲傳 徐霞客傳

萬尊師傳 王淵生小傳

第七十二卷 傳三

瞿元立傳 顧仲恭傳

第七十三卷 傳四

梅長公傳 張進諫傳

第七十四卷 譜牒一

請誥命事略

刻先君子古史談苑目錄後序

先太淑人述 外庶王母墳銘

亡兒壽考墳誌 亡妹合葬誌

第七十五卷 譜牒二

春池府君行狀 忠甫令甫墳誌

令甫錢君墓表 節婦徐氏墓誌銘

陳孺人墓誌

第七十六卷 譜牒三

御史錢府君墓表 鄭令人墓誌銘

純中秀才墓誌銘 觀伯墓誌銘

何澤縣合葬誌 陳府君合葬誌

第七十七卷 祭文 祭于忠肅公文 祭趙端肅公文

祭傅文恪公文 祭高陽公文

再祭高陽公文 祭安邑曹公文

祭南昌相公文 祭孫文介公文

祭唐太嘗文 祭翁太嘗文

祭王方伯文 祭于惠生文

祭徐元晦母文

第七十八卷 哀詞

潘僉事哀詞

石義士哀詞

姚孝子哀詞

尹長思哀詞

翁太常哀詞

瞿少潛哀詞

宋稽勳哀詞

第七十九卷 啟 帳詞 書

賀福清公啟

答方長治啟

賀任侍御帳詞

上高陽師相書

答唐訓導論文書

與京口老僧書

與卓去病論經學書 稼軒跋附見

第八十卷 書 帳詞

復陽羨相公書

報長安諸公書

答鳳督馬公書

上應撫鄭公書

回金正希館丈書

永豐詹京兆七十帳詞

第八十一卷 疏

五臺山藏經塔疏

西方蓮社疏

化城寺大殿疏

一樹庵佛殿疏

徑山大悲閣疏

天峰寺修造疏

華山寺募緣疏 虎丘修造募緣疏

開元寺萬佛閣疏 北禪寺興造疏

嘗熟縣募建聚奎塔疏

書西溪長老冊 追薦謝耳伯疏

馬卓去病募飯疏

第八十二卷 贊 偈

佛母大準提王菩薩贊

關壯繆畫像贊 愁山大師真贊

清源何氏圖譜贊 王氏世德贊

仰田高氏真贊 張元長真贊

張異度贊 劉西佩僧相贊

御史汝瞻畫像贊 瞿元立畫像贊

宋主事畫像贊 五老石贊

題滕公遜像 張李二生小像贊

張中吳真贊 大悲觀音像贊

畫阿彌陀佛偈 慈門書華嚴經偈

第八十三卷 題跋

跋淳熙九經二則 讀左傳隨筆五則

書史記項羽高祖本紀後二則

跋季氏春秋私考 跋禹貢解

跋王右丞集

讀南豐集

讀蘇長公文

題中州集鈔

題懷麓堂詩鈔

書李文正東祀錄

題歸太僕文集

第八十四卷 題跋二

記北盟會編鈔本

記月泉吟社

跋汪水雲詩

跋王逢梧溪集

跋朱長文琴史

題續吳都文粹

跋趙忠毅集

跋傅文恪集

書王損仲詩文

題王和仲手簡

跋董侍郎文集

書賀府君墓碑

跋同年會卷

書姚母旌門頌

跋高存之邨居詩

書竹林畫卷

題張天如立嗣議

書寇徐記事

題孟陽贈汪生序

題張子鵠行卷

書嘯道人自敘

書于廣文崇祀錄

第八十五卷 題跋三

跋宋版左傳

跋前後漢書二則

跋坡書陶淵明集

跋張司業詩集

跋東坡志林

跋東坡詩注

跋渭南文集

書東都事略

跋宋版文苑英華

跋草憲東谷二集

跋顏魯公詩

記清明上河圖

題楷書千文

題中書科書卷

跋董玄宰赤牘

跋玄宰書杜詩

題長蘅畫

題劉媛畫大士

跋一笑散

題徐生小令

題程孝直印譜

題誥命墨刻

書黃中允劉招

題棘中丞詩

題張子建詩

題鴈字詩二則

題張日水詩

題長蘅書劉賓客詩

第八十六卷 題跋四

書法寶三書後

跋傅文恪大事狂言

跋雪浪書黃庭經

跋慈山大師大學解

書壁峯禪師塔銘

跋血書華嚴經後

跋清教錄二則

石刻楞嚴緣起

跋老米記魯公事

記峨眉仙人詩

題放生閣賦

書放生池冊

題佛海卷二則

題同學會言

題獨寐寤言

題顧與治詩

題胡白叔六言詩 書吳太雍文

第八十七卷 奏疏 議

巳巳勅明謝恩疏 丁丑就繫訟寃疏

剖明科場始末疏 戊寅放歸謝恩疏

辛巳遵旨回話疏 輸丁議

稿審議 優免議

調用鄭帥議

第八十八卷 制科一

萬曆庚戌廷試策一道

第八十九卷 制科二

會試論一首 表一首

策五道

第九十卷 制科三

天啓元年浙江鄉試錄序

論一首 策三道

第九十一卷 外制一

外制集序

皇后冊文一首

內閣十九道 詹事四道

宮坊翰林十二道

第九十二卷 外制二

都察院二十四道 大理寺十道

太嘗寺四道

第九十三卷 外制三

太僕寺三十五道 尚寶司十道

贈官誥命五道 疏尾

馮有經贈禮部右侍郎 附論祭文一道

石茂華追贈資德大夫

洪文衡贈工部右侍郎

第九十四卷 外制四

給事中二十五道 御史二十七道

第九十五卷 外制五

吏部八道 戶部七道

禮部九道 兵部二道

刑部八道 工部一道

大理寺四道 中書舍人一道

恩蔭官六道 兩殿中書八道

第九十六卷 外制六

南吏部侍郎六道 南通政八道

南光祿十一道 南御史十道

第九十七卷 外制七

南吏部一道 南戶部九道

南禮部八道 南兵部五道

南刑部五道 南工部二道

第九十八卷 外制八

布政司十一道 按察司三十二道

第九十九卷 外制九

知府三道 同知通判七道

推官三道 知州八道

第一百卷 外制十

知縣二十五道

第一百一卷 太祖實錄辨證一

太祖降誕 皇覺寺禱神
上入濠城 滁陽丈夫人
彭趙稱王 李善長掌書記
徐達為鎮撫 馮國用典親兵
太平城下之戰 俞張九六
汪同東降 胡深不叛石林
太祖馬吳國公

第一百二卷 太祖實錄辨證二

劉基至建康 康茂才遺書
陶安知黃州 曹良臣來附
李察平遺使 明王真破嘉定
中書省御座 鄒陽洪都死事
韓成戰死 舟膠淺
楊山之戰 追封胡大海

陳友定不屈

第一百三卷 太祖實錄辨證三

陶安遺封 楊暉伏誅
僧使日本 汪興祖封侯鐵索

廖水忠沈小 明王 薛顯復棘
吳慎子蒙封 黃彬不書平
廢江廣洋粉 胡陳謀反事蹟

第一百四卷 太祖實錄辨證四

昭示奸黨三錄 辨李善長獄詞

第一百五卷 太祖實錄辨證五

朱亮祖杖死 胡美伏誅
鄭遇春復爵 顏敬襲爵
曹國公恩典 封征南十二侯
梁國公胡顯 考誤 審屏伏法
吉安三侯伏誅 胡海坐黨
周德興伏誅 鄭曉好引釋史
宋賴二公伏法

第一百六卷 讀杜小箋上

讀杜詩寄盧小箋序

游龍門奉先寺至洗兵馬十七則

第一百七卷 讀杜小箋中

晚出左掖至張舍人遺織成二十三則

第一百八卷 讀杜小箋下

諸將至收京二十四則

第一百九卷 讀杜二箋上

讀杜二箋上

讀杜二箋上

讀杜二箋上

讀杜二箋序

行文昭陵至戲為六絕句二十一則

第一百十卷 讀杜二箋下

收京至聶耒陽書致酒肉十則

注杜詩略例

牧齋初學集目錄下

牧齋先生初學集目錄後序

吾師牧齋先生以命世異才蚤登上第入承明
著作之庭高文典冊炤耀四裔小言長語殘膏
賸馥猶足以衣被海內沾丐作者年及強仕道
明德立閱天人之變通性命之理鑽研經史沈
浸載籍古今學術之升降文章之流別皆一一
究其源委擊其掌節一旦櫛櫛箱篋篋胥二十餘
年之詩文舉而付之一炬自時厥後凡有撰述
師友千古與世抹撤不復以譁耳目膏唇舌為
能事久之聲光鬱郁學者望走歛集若百川之
赴海相率購求其全集以為師資先生每引歐
陽公譏和凝之言以拒之先生為文每削彙式
相輒手鈔而藏之先生不能禁也乃固請於先
生出其所繕寫釐為一百卷鏤梓以公之當世
先生力禁之不得復手削其什之四五命其名
曰初學集而俾式相敘其後式相嘗聞先生之
言曰六經文之祖也班馬補也昌黎河東廬陵
南豐眉山繼別之宗子也昌黎不師班馬廬陵
不師昌黎眉山不師廬陵精神血脉亘千古而
行乎其間者皆其冢適也有宋淳熙以後以腐

爛焉理學其失也陋本朝弘正以後以剽賊爲古學其失也倍揚扝今古別裁譌僞討論先正之緒言追考六經班馬之譜牒其在茲乎其在茲乎吾壯而失學今老矣雖稍識其塗徑而力已不逮也蓋先生之自誦如此旋觀先生之文初變於曆啓之交規摹經營不失宗黍其規矩繩尺猶可尋也已而學益博思益深氣益厚自唐宋以迄金元精營管蠅撮合於尺幅之上方軌橫鶩而未知孰爲後先修詞持論崇尚體要金科玉條凜不可易至於諷諭時政磨切當世或正而若反或戒而若頌微詞諷諫層見側出擬譏變化雖作者亦或不知其所以然此亦古人所未有也癸酉居太夫人喪讀華嚴經益嘆服子瞻之文以爲從華嚴法界中流出戊寅春嶽冬頌繫卒業三史反復封禪平準諸篇恍然悟華嚴樓閣於世諦文字中子絲之稱子瞻曰讀釋氏書深悟實相博辨無礙浩然不見其涯也先生其幾矣乎先生之詩以杜韓爲宗而出入于香山樊川松陵以迨東坡放翁遺山諸家才氣橫放無所不有忠君憂國感時嘆世采苓

之懷美人風雨之思君子飲食燕樂風懷謔浪未嘗不三致意焉太史公之論離騷也必原本國風小雅其斯爲先生之詩已矣嗚呼先生之文其亦可謂至於斯極者矣歟然不自有退而以初學自命揚子謂壯夫不爲曹公稱老而好學先生之所存豈猶夫文人才子飾鞶帨而矜名譽沾沾自喜者可同日道哉式耜束髮負笈先生之門三十餘年晚而共刊章之禍效古人請室受書所謂知我於桑落之下者也承先生之命不辭固陋輒書其所聞於先生者如此學者讀先生之集熟閱其著述之指要因是而進於古人邇其源流啓其關鍵庶幾六經班馬之學昌明於末世而先生之苦心於斯文者其不徒矣乎如其不然以是爲謏聞動衆猥與流俗之文專行數墨比長挈短則作者之志隱矣雖度置斯集束而弗觀可也崇禎癸未九月朔日門人瞿式耜再拜謹述

牧齋初學集卷第一

遷朝詩集上 卷奉昌元年九月盡一年

九月初二日奉

神宗顯皇帝遺詔於京口成服哭臨恭賦挽詞

四首

竹符頒郡國王几罷音微率土悲風動敷天泣
露晞清霜明祕器紅葉掩容衣慟哭江城暮秋
笳起落暉

其二

太姪胎而教甘盤學後臣 指江陵張相 管齋嘗念母

步禱為憂民靜攝周函夏分封斷鬼神南郊傳

累德哀策屬何人

其三

在宥羣方理高居庶物新天為摧醜虜 白平

覓地不愛金銀 言開井 楊柳深宮月梧桐別院

春昇平多故事載筆詢遺民

其四

北極升遐日南徐慟哭時拳髻生有願臨穴死

無期侍從朱衣隔臚傳王筆遺奔喪吾豈敢亦

欲報恩私

九月十一日次固鎮驛恭聞

泰昌皇帝升遐途次感泣賦挽詞四首

御極恩方布登遐詔已刊生存臣子恨死孝

帝王難鳳闕秋霜滿龍樓夜雲殘見星吾敢後

慟哭向征鞍

其二

妖星頻貫掃白氣久纏綿將作荒三殿 上謂修

材官哭九邊 上登極即飭 起居宮掖祕清削御

容傳國史微何代三朝并一年 時至議改元未

者年以

其三

丹地飛章日青宮側席時憂危宗社並訶護鬼

神知禁近終難問彌留竟可疑盈朝董狐筆執

簡欲何施

其四

憑几將傳命垂衣尚視朝重陰才見曉偏雨不

崇朝德自三旬著功難百世禘吾君幸有子十

六誦唐堯

嫁女詞四首

余初登第旋奉先人諱里居奉母垂十有一年

乃詣闕補官是時 神廟上賓國論喧 虺遠寇
隙突別母北上中心惻愴而作是詩也

中堂何喧闐明燭耀銀缸箱簾啓葦蕤刀尺聲
碾碾大姊裁羅襦小妹熨袴褶鄰女贈錦段雙
雙繡鴛鴦阿母髻婆娑篝燈理中裳阿母向我
言撫汝嬌且長十載遠汝家頓頰類娼婦輕軒
宵在門重整嫁時裝女行欣有家阿母心內傷
牽衣告阿母背指燈燭光女身如明燭影在阿
母旁

其二

有家亦云久結縵在高堂云胡背君子不得奉
尊章歸寧十餘載道路阻且長欲絕忍棄捐欲
往河無梁戰身事慈母顧影守惟房獨坐親圖
史行步施珩璜懷哉采芘詩誦彼汜露章豈若
魯潔婦陌上行採桑菟絲生陂田終不慕高岡
芙蓉悴秋風其名為拒霜我生不有命胡為怨
空床

其三

空床雖獨守終然念所天主人良高臥誠獲偷
晏安新突誰與徙井臼或不完祭祀廢春割寇

盜隳牆垣百憂攪我心逼遯不得言槌床復倒
枕豈為兒女歡終身一與齊棄捐未相關况我
非棄婦何能不沈瀾不見漆室女倚柱起長歎

其四

長歎亦何為會合當有期懷君雙明珠中夜生
光輝沈淵何足悼光彩諒不虧縞衣與棊中理
我嫁時衣絃服及春風何能待秋時醜婦憎明
鏡衆女疾蛾眉琴瑟貴靜好閉戶理朱絲行行
遠阿母回頭涕漣洒翩翩辭歸燕向我飛差池

吳門寄陸仲謀大參

步屨相呼倒接離東阡南陌夜歸遲檀槽奏罷
翻新曲擘燭燒殘覆舊棋燕賞花時無主客催
徵酒社有文移謝公底事情懷惡只為中年有
別離

渡江二首

京江南北路不到十餘年歲月看如此風波意
眇然浮生催渡客宦况釣魚船何事眉山老歸
期只問田

其二

東坡金山詩云我謝江神
豈得已有田不歸如江水
山城如畫裏一櫂亦悠哉鈴塔晴相語魚龍靜

不飛澄江千嶂見秋水片帆開約略金山寺會聽粥鼓來

儀真西十里褚家堡公館壁版晉江李伯元作修館記其文有宋元名家風致李未嘗以文章名於世其文集亦不傳感而題其後

漆版摩娑字半湮蟲絲鼠跡暗承塵文章頗似褒城驛可有停車點筆人

過清流關讀尹二員外嘉賓題壁詩云莫道時清關失險勇夫重閉自春秋歐陽公曰漠然徒見山高而水清其意尤可感也

輒書短歌繼之
南滁介恃江淮土清流一關作門戶山環徑複路研然萬馬盤空忽軒舞關門懸雷通并輪透迤中原去莫捍臨濠王氣芒碭雲後却前迎勢凌亂我來吊古清流關并關四望山屏顏山高水清如昨日戰壘剗削沙蓬閒清流失據輝鳳死十五萬人刳羊豕降 已分樹石頭釣絲何用量江水承平天地無 北巾車春糧從所適勇夫重閉自春秋尹生之言使我憂

過滁州懷李三長蘅長蘅偕上公車愛滁陽山水有異時吏隱之約故及之

十五年前再往還停車猶記並開顏風霜宛爾如君秀泉石依然笑我頑行役總歸鴻爪跡懷人仍在馬蹄閒環滁官舍琴臺畔柱笏知誰解看山

南滁望濠陽王廟遂趨臨濠道中感而有述

我車出南滁遂走臨濠道帝鄉多白雲王侯盡宿草緬懷濠陽王一旅起備保真龍潛魚服椒塗附蘿薦家人畜 帝后 天子呼翁媪遺業資龍興殘軀沒雲擾廟貌良已隆血胤終莫考麗牲碑版傳立馬墓田香嘯歌感牧豎惆悵詢父老我觀草昧初羣雄覩大寶逐鹿分犄角探龍競鱗不真人信天授詎能一劍掃牧羊蕩秦灰銅馬啓漢造赫赫高光業驅除豈云小濠陽追王陳亮都紀年沙史存有諱忌國往無繼紹故事亥豕譌殘書蠹魚飽善哉秦楚際遷史著月表寄語石室人放失事搜討
臨淮田舍題壁贈王鶴年

坦腹便便晉十圍鐵衣拋却臥牛衣恨君不度
三岔水生取

歸

彭城道中寄懷里中游好次坡公在徐寄

邦直子繇之韻四首

少小論交杵日閒十年漂泊共郊原燈窗颯颯
秋風急簾閣蕭蕭暮雨喧笑口嘲轟中角塾書
籤狼藉酒杯翻停車欲作相尋夢睡眠揩時淚
已吞

其二

臺頭急雨懷邦直東閣淒風對子繇偶到彭城
尋舊事轉於行役起離憂竊紅吾谷楓霜豈收
淥西湖菰水秋料得諸君嘗共醉不知曾話阿
儂不

其三

料峭西風汴泗閒江東應念袂衣寒軟紅三尺
新闌夢嫩綠千章舊釣灘拂水鶯花春寂寂彭
城風雨夜漫漫情知五百年閒事銅狄摩娑不
忍看

其四

十日京江不滯留故人趣別我先憂髻鬢喜作

班荆語短許空期彈缺游擁髻風情傳後閣胡
床談笑憶南樓掉頭終擬隨公等浩蕩春波戲
白鷗

徐州雜題五絕句

彭城十日水奔流太守行呼吏卒愁河復詩成
無一事羽衣吹笛坐黃樓

其二

重瞳遺跡已冥冥戲馬臺前鬼火青十丈黃樓
臨泗水行人猶說霸王廳

其三

柳老花殘木葉秋西風斜日總牽愁天涯大有
多情客不忍經過燕子樓

其四

磨盤嶺過出淮東桿索如雷百丈洪陸走要知
山下路舟行莫使滿颿風

其五

鴉軋爭看濟渡舟人如鳧鴈集汀洲褰衣減蹀
君休笑自古黃河是濁流

丁未春與李三長蘆下第竝馬過滕縣賈
酒看花已十四年矣感歎舊游如在宿昔

作此詩以寄之

滕縣春來花萬樹花白花紅花
 央煙霧交加嫩紫欺艷陽
 灼燦繁英炤日暮今我來時秋
 已老柳禿槐黃隕霜露風雨依稀
 下第身鶯花指點停車路與君
 過此十四春日月如梭事錯互
 青春作伴更幾迴紫陌看花是
 前度花開花落下成谿征人合
 杳從此去花前掉臂去復來
 縱見花開有何趣美君真作淡
 蕩人閒即牽舟湖上住山僧扣
 門分盤餐榜人刺舟乞絹素西
 湖煙水收淥波靈隱霜林放紅
 雨征途茫茫君倘憶清夢悠悠
 我難赴推尋舊跡如見君花白
 如銀咏君句長蘅寄余詩云穀城山好青如黛勝縣花開白似銀沈吟感歎日欲
 西為君酌酒田文墓

鄒縣謁孟子廟

巋然駟國里廟門鎖蒼翠鬱盤
 千年宮檜栢留浩氣末學紛壇
 壇講堂開馬肆妾婦充朝著從
 橫樹師帥獲禽良已詭率獸一
 何恣嗚呼七篇書無乃墜於地
 棟宇自古昔誰與任塗墜下車
 淚泫然再拜濕階祀

大風發穀城山

驅車穀城山劉風旋如塊崖端
 殷崩雷石角噫眾籟合杳饑鷓
 號排蕩飛鷓退首塗失西東亭
 午轉冥晦天窄危徑裏日蕩浮
 埃外輿諄徒侶錯馬旋尾鬣對
 跼步蹴石根却行壓人背登頓
 鳥道半經巨蟻封內歇鞍方問
 塗息肩始一喟行看日車斜坐
 喜坤軸在行邁固有時冥升信
 多晦善哉前車戒斯言旅人昧

發荏平過高唐州

今日宜行旅天清日融融徒御
 行且歌人馬欣相從朝發魯連
 邨却過平原封顧此風日美念
 彼道路窮駕車役童豎束燎責
 老翁袒肩驚肉鞍頓足嗟骨春
 弓劍趣傳遽竿牘疲郵筒使車
 風颯杳飛騎塵冥濛民勞思小
 康財盡歌大東嗟我亦何人晏
 坐安車中

河閒城外柳二首

日炙塵霾轍跡深馬嘶羊觸有
 誰禁劇憐春雨江潭後一曲清
 波半畝陰

其二

長條垂似髮髮拂馬眠衣總不
 堪昨夜月明搖漾處會牽歸夢
 到江南

佟宰餉刁酒戲題示家純中秀才

刁酒沾唇味許長河閒才得一杯嘗儂家酒譜
卿知不記取清甘滑辣香

其二

北酒盈尊菜滿盤每因西笑憶長安如今又想
南茶喫悔擲槍旗上馬鞍

和范致能燕山道中絕句八首

吾郡范文穆公成大以乾道六年使金自渡淮

至燕山塗中有絕句詩一卷自白溝河抵會同

館凡八首則余入畿南所經歷道也吊古憂時

感歎天水金源遺跡援筆屬和情見乎辭庶幾

效矇替之義焉

白溝河 范詩注云在安肅北十五里閭

才丈餘古亦名巨馬河本朝與遼人分界

處

遼宋分疆一線流白溝人說是鴻溝兩河三鎮

全輸却殘局休論十六州

范陽驛 范注云涿州驛牆外有尼寺二

鐵塔夾塗如雪俯瞰驛中

朔漠風來語鐸鈴浮圖如雪夾郵亭使臣中夜

頻欹枕替戾岡音或可聽

琉璃河 范詩云琉璃河上看鴛鴦注云

在涿州北三十里極清泚茂林環之尤多

鴛鴦千百為羣

花石網殘花鳥稀乾干山雀幾時歸琉璃河上

乘輅客愁見鴛鴦對對飛

灰洞 范注云在涿北燕南之閒兩旁皆

高岡無風而塵土全集不辨人物

燕南涿北殺愁人灰洞無風自起塵一片江南

圖畫裏西湖秋月石湖春

良鄉 范注云燕山屬邑驛中供金栗天

生子皆珍果又有易州栗甚小而甘

攬轡嘗新一歎嗟山梨易栗帶胡沙宜春小苑

芳菲日首葡萄菊屬內家

盧溝 范詩云草草與梁枕水低蓋文穆

過時此橋尚未堯石

已割燕雲却罷休使車容易度盧溝桑乾河水

與梁下依舊長流繞汴州

鷓鴣巾 范注云金接伴使田彥臯所製

蓋胡服也

鷓鴣貂鷓總紛紛中惘何會遺去虜人冊使南來恭謝此不知誰戴蹋鷓中

會同館 范注云燕山客館也遼人館本

朝使已謂之會同館

攬轡乘輅使指同攬轡錄致能使金所撰也大

燕賓館宇雜華風會朝青海班三恪莫訝胡兒說會同

附錄舊詩

吳門送福清公還闈八首 甲寅

都門祖帳藹如林却望彤墀淚不禁出處頻煩
明主念安危何限老臣心夢回漸覺朱衣遠身
退初知白髮深林下有人君側少知公未忍說
投替

其二

上帝高居儼肅雍中書退食敢從容舉朝水火
和羹苦于野玄黃戰血重四海憂來頻緩帶隻
身朝罷每扶筇可知報主心如醉久矣愁聽長
樂鐘

其三

介圭乎望錫河山忍聽優歌枯苑閒春盡親王

將就國夜分御札尚封還赤心自愬繁千折丹地頻驚扣九關羽翼已成商老去漢庭容易點朝班

其四

聖母上賓遺詔出普天開讀淚并流楚宗係累泣相見 高廟衣冠欣出游楚宗因高帝十王
兀自天親改削珠厓何日罷征求楚宗至是得釋王
卿筆如椽大筆盈懷袖莫忘山東父老憂說一條列捐曠

其五

甘陵南北久分岐鷓鴣鴛鴦雍容彼一時抗疏有人盈瑣闥顧名無闕省呆恩牛怨李誰家事白馬清流異代悲八載調羹心赤苦臨行諄復外庭知

其六

傳宣鈴索待中宵夙夜寧知帝座遙自分朴忠要 聖主何煩激切擬先朝之國特大臣相
犀虎豹紛相伏白簡魚龍莽自驕擗檣篋箱留諫草欲令惇史記唐堯要伏闕公不可

其七

拂衣歸揖武夷君九曲僊山 帝許分釣碼自

携新煉石臥床還弄舊書雲朝班改隸三元會
錫命裁成十賚文斗柄瞻相仍在手幔亭光氣
夜氤氳

其八

閩海爭傳岳降神匝天弧矢護生申契丹使亦
知无老回純占應見大人代許孤忠留一柱
帝思着德撫三辰吳門咫尺鄰閩閩珍重東山
五畝身

繡斧西巡歌四首為徐季良先生作乙卯

繡斧西巡不暫停猿啼宇怨蜀山青胡床襪被
蕭然去片石留為劔閣銘

其二

楚霧已煙蜀道遙每瞻參井數中朝知君未愜
澄清思又過清江萬里橋

其三

清時指佞豈塗窮既筆看他御史聽莫道一鳴
都斥去能言鸚鵡在雕籠

其四

監察繇來比蜀椒不應開口在中朝遷官解道
如甘子甘子心頭苦自饒

夜泊滄野關却寄董太僕崇相四首戊午
滄野關前薄暮過孤裝窮客免譏訶榜人莫訝
逢迎少津吏繇來殿最多同牛生推過雨洗鑄
射慧水迎風倚權按吳歌十年漂泊中宵夢怕
聽霜林振鳥窠

其二

闔廬城下雨蕭蕭有客方舟共策遠謂崇相也直北
總憑山海障自東莫斷懿河腰鑽刀可忘降夷
狡賜劔還防宿將驕更說天街多客宿起占箕
尾坐中宵

其三

吳兒誰復說韓徐勛業空傳琬琰書近見閩中
董應舉頗推吳下呂純如身經海道千盤險血
濺貂璫十指餘但使羣公皆女輩不才甘自老
樵漁

其四

宿火熒熒冷不除酒溫時復點殘菹更長細聽
關門析燭短麤繙海漕書下水帆幅過越嶂中
宵絃管接姑胥清平時節繁華地撲被孤蓬信
所如

疊前韻荅何三季穆

通籍金閨數載過閒門羅雀省人訶春心駘蕩
花閒少秋髮續紛酒後多但說艱危三太息每
逢朋舊一悲歌五湖只在蒹葭畔漁火衝寒警
鴈窠

其二

衝車格格馬蕭蕭天下徵兵盡度遼係累行人
傳禿節參夷降將詫橫腰每憂畢口星非舊誰
禁苑頭氣不驕報國自慙無一寸坐聽替史度
寒宵

其三

年來災沴逼楊徐碩鼠會占草木書有羣鼠渡江之異占
在草木子湖海憂危惟汝獨菰蘆豪傑更誰如燈窗
俛首心堪折書案籌邊淚有餘春暖洞庭蝦菜
好可能削跡共佃漁

其四

氛稔冥冥歲逼除行吟自採澤邊菹星占未解
靈臺奏雲物真慙太史書鐵鎖樓船還建業龍
衣御酒自姑胥裁詩共有河山淚感激飛騰我
不如

除夕再疊前韻和季穆寄黃二子羽之作
兼示子羽

除夜閒門冷落過桃符土梗也相訶爾衛姓氏
投人少韓愈文章逐鬼多暮燕頻煩春社語却
難愁絕夜分歌五行記異憑誰驗鸛鶴年年識
舊窠

其二

隕霜猶未殺菅蕭約略年光轉次遶低亞梅花
先索笑欠伸楊柳欲舒腰冰侵綈几書籤冷衣
覆香篝侍女驕煨芋焚枯吾事足莫將風雪厭
寒宵

其三

黃簾綠幕漏徐徐短檠頻挑夜勘書執苑叢殘
根莠在文人凋謝槿花如金華絕學吳黃後全謂宋文憲公吳淵穎黃文獻文憲之師也太僕遺編歐柳餘謂范山歸熙甫
寄語吾徒須努力張羅休效一囊漁

其四

殘雪流澌入砌除歲華荏苒度鹽菹人情簡點
惟除目世事參差似曆書仕路無因同鼠穴儒
生何計勒狼胥眼中二子非凡鳥且共翱翔尺

鳩如

牧齋初學集卷第二

還朝詩集下起天啓元年甲子
西盡四年甲子

入朝有作呈詞館諸公

朝朝侍漏侍金輿
往往衝寒對玉除
每向候人分宿火
却隨堂吏憇周廬
長鳴共苦龍雞早
夾立爭看仗馬如
傳語詞垣數君子
冰銜三字不堪書

送兵部董侍郎漢儒總督宣大二首

幽并兩道建牙中
列帳蕭然靜朔風
千隊市場來種馬
百年御幄護槐龍
軍前揮扇油幢碧
閣裏傳籤畫燭紅
挿漢一山屏障外
更煩前箸策遼東

其二

素囊游牧近雲中
挾賞連兵勢漸雄
併鎮規圖傳往牒嘉靖中宣大山西督撫有三鎮併守之議
擺邊殘卒臥雕弓
中朝但出金繪計
胡婦頻仍玉冊封
屈指中興功第一
雅詩吾欲嗣車攻

送劉編修鴻訓頒詔朝鮮十首

陽江水綠兔山青
鴻範猶傳舊典刑
新傳五行歸論奏
清朝訪落待橫經

其二

復國威靈薄海濱龍承虎節炤青春東藩遺老
爭垂淚又見 神宗舊史臣

其三

金函玉節日邊行遼海榮光接漢京黑水殘波
休作浪黃河已馬 聖人清

其四

七略傳書在漢庭高文典冊竝崢嶸 皇家不
用閒詞賦未許雜林讖姓名

其五

箕子墓對檀君祠墓前山色滿城陴知君繫馬
無窮思正是春風麥秀時

其六

平壤城邊戰骨叢更聞麗婦哭征東熙寧雅樂
君須訪兼采夷歌備國風 宋熙寧中命樂工采樂於高麗

其七

寶文清燕集襟裾飛閣臨川類石渠試按圖經
問遺跡翰軒莫忘訪遺書 寶文清燕皆高麗秘閣臨川問其聚書楮

所之

其八

屬國山川斥堠連咨諏命使豈徒然圖經舊說
宣和好不載陪臣贈和篇 宋餘魏有奉使高麗者以馬失體

其九

逆奴四路拒 王師一鼓兼聞創屬夷應有
聖朝哀痛詔滿城忠義鬼先知 余議頃詔朝鮮祭東征陣亡屬夷而問部無言及者

其十

自古論兵貴伐交出奇左掖搗奴巢詞臣歸獻
平夷捷并與衰連一解嘲 東使余以次當行謀議故未章及之

昌平州唐劉去華故里

不見前朝諫議祠春風古道長茅茨千秋流恨
成甘露兩宇驚心是北司烽火中宵傳紫塞風
靈盡日望彤墀登朝自顧顏何厚欲枕明朝鬢
有絲

清明日陪祀

定陵恭述二首
紗燈玉斧儼垂旒慟哭珠襦悶一丘是日清明

射揚柳經年寢廟長梧楸金銀氣白二泉曉環

珮風清別殿秋今上移宮之後御在衣冠還竝兩宮遊

其二

清秋灑淚送宮車兩露今陪秩祀初路寢裳衣
憑几在新宮楹考工疎寢殿柱下流赤水如
將作之過深居尚想神光杳未命如傳燿火餘
非災異也

恭謁

長陵

文皇神武唐宗後靖難功成戰血殷鐵騎至今
趨朔漢玉衣終古鎮燕山峯迴屏障諸陵拱日
落旌旗萬馬還姚榮瑞卜長陵云勢前後北征
多侍從承平忝竊史臣閒

西山道中二首

上陵何美得幽期夢裏西山慰我思泉石雨枯
惟有骨鶯花春老尚無姿歸鴉禁鑰愁偏急羸
馬斜陽喜竝遲來往鷓鴣紛接武祇應倦羽獨
差池

其二

望裏青山開復遮數峯缺處有人家溝渠流出

垣牆水籬落飄來禁苑花夕炤對街宮樹直晚
風旁掠酒帘斜軟紅塵土原如許一入東華便
可嗟

碧雲寺

丹青臺殿起層層玉碣雕闌取次登禁近恩波
蒙葬地內家香火傍禪燈西山諸寺皆司禮大
豐碑鉅刻書元宰諸大碑版皆館碧海紅塵問
老僧禮罷空王三歎息自穿蘿徑拄孤藤

香山寺

千峯匝匝更分明稠複岡迴一徑清天遠夕陽
連海色山空晚院聚鐘聲雲從石磴中閒出月
向香臺下界生萬壘煙巒攔檻外不知何處與
身平

其二

仙仗宸游杳莫攀夕陽騎馬歷孱顏來青禁扁
傳金母宋青軒扁秀色香山動玉顏
神宗辛酉山額謂侍佛火自依新月上齋鍾猶
臣香山獨有秀色

出莫雲閒定陵松栢呼風急知有神靈扈從
還

經筵記事十首

緋几牙籤進御初 天顏肅穆不曾舒
案頭回得 重瞳眇白髮詞臣跪展書

其二

元老延登講幄新 文華祕殿啓埃塵
袖中儀注中官訝嘖嘖 詞垣尚有人
講廷初啓中官聚語 譁然余講論儀注出 爲欲容

其三

初日瞳矐炤直廬 兩行山立聽傳呼
侍班卿相皆元老 直殿將軍是武夫

其四

文華後殿軟輿迎 九五齋中對穆清
今日講官誰稱肯 東班庶子最分明
是日高陽公 進講誠意章

其五

儒生今日近 天家銅尺書籤歷
復斜歸去天香滿 衣桁袞袍袖
正文加展書官袍袖每按 拂印水先華誇馮

儒臣 至榮

其六

棕棚東掖拜恩榮 列俎雕盤法酒清
不比尋常賜茶飯 人言天子請先生

其七

御氣氤氳繞玉皇 西清旭日射衣裳
侍臣身在 爐煙裏 頌賜何煩漚
手香展書官內府頌賜漚 手香今不可得矣

其八

金鶴鑪然異域香 侍臣却立正相望
如今鶴去人猶似 引頸無言 御座旁
金鶴香爐下展書 官對立之處今鶴 去不問 爲人盜

其九

天矯槐龍想玉除 槐廳無復史官居
蓬山芸閣吾能說 只是閒窻讀道書

其十

宋室西羌縛鬼青 邈英書殿正橫經
遼陽會獻奴兒誠 定有神書撼索鈴

寄東江毛總戎 文龍

鴨綠江頭建鼓旂 開關百戰壯軍威
青天自許孤忠在 赤手親擒叛將歸
夜靜舉烽連鹿島 月明傳箭過鼉磯
紛紛肉食皆臣子 絕域看君臥鐵衣

春日過易水

驅車信宿驛程閒 雙鬢蕭騷春又還
易水到來偏易感 酒人別去更相關
暮雲宮闕愁心繞 落日

日衣冠古道閑，老大不堪論劍術。要離墳畔有青山。

癸亥元夕宿汶上

薄靄春泥黯黯吹一燈，風雨夜何其愁依短檠。聽更漏悶撥寒爐，記歲時好景良宵渾棄擲。暗塵明月費尋思，猜殘燈謎無人解，何處平添兩鬢絲。

甲子秋北上渡淮寄里中游好

登車感盛騁何方，歎息虛名愧服箱。世上癡兒難了事，吾曹小子自成章。丹楓數里明殘照，紅柿千林熟早霜。拂水西湖釣游處，定知清論滿滄浪。

其二

少壯真非把阮時，俊游今已歎衰遲。逃禪定入遠公社，乞食還過漂母祠。問對秋鷹藏老手，閒臨春鏡簡新絲。天涯我亦憐同病，落日蒼涼有所思。

其三

世事閒來細忖量，不如高臥味差長。楮牙牙隘多奇疾，食宿相兼之好方。
東家子富而惡西家子貧而美里女謂其

母曰欲東家食西家宿也細雨秋蠅尋舊冊，微風春燕試新粧。故人別後應憐我，頭白關山一夜霜。

共四

千年王氣萃榆榆，渦口淮流竝拱趨。禹會於今朝，王帛霸朝空自斷。
上荆塗周世宗征淮以荆朝岡有王氣命斷之後分茅總列中都志，聚米三百年而太祖出。誰披遼海圖，入國下車三歎息。有人稿項在菰蘆。

客塗有懷吳中故人六首

王同知孟夙

衣鉢蕭然寄石盂，又乘單舸上匡廬。生平尚有須眉在，踪跡真成鶴鷺如。蓮葉漏殘秋雨後，菊花香澹夜禪初。郵亭莫笑奔趨數，也是雲堂一宿餘。

李先輩長蘅

鎖院文章京雒塵，篝燈每共話酸辛。青袍奉母誰如子，席帽趨時自有入。精舍繙經招淨侶，晴窗鬪墨赴閒身。明年相約桃花水，一笑清溪整角巾。

王僉事淑士

吳趨車馬競，懷北郭。嗔喧中有幽人獨，寐言紅藥授書。

懷北郭草木心居詩門，青燈讀易想南園。南園元鶴

寓石欄注易處也君，齋心梵夾時繙閱。抱膝

長編自討論，安得丹鉛從所好。與君風雪閉重

門淑士懷長蘆詩云彷彿

文狀元文起

蕭然襍被出都城，此日班行繁重輕。不是翰林

增諫草誰令，天子放門生。堦前警鶴語琴德

竹裏遷鶯和友聲，綠浪紅欄佳麗地。思君白月

招柴荆

獨鶴雞羣自寡儔，三閒老屋日西頭。夜抽架笑

隨兒讀，展榻園蔬享婦羞。共許清通持水鏡，還

期淳朴挽風流。三原舊事吾能記，老嫗携錢出

買油狀忠裕云與王三原隣拉每夕見老嫗携數錢出買油也

鄭吉士謙止

疏草流傳重石渠，身為教學在田廬。百篇自可

尋師友，室運堪給婦除赤壁襟。期風月笛台

州醞藉畫詩書，耗磨歲月多能事。莫違蕭瑟鬢

寄嚴道微太守二首

侍帝官如滿籍初，一麾況復早懸車。蒲團已悟

拈花案尺素，爭傳倒薤書。仙館巖崖君舊築，樵

陽圖籍我新疏。吳門採藥應相待，侯棗陽桃好

共鋤

其二

朝班點罷即仙班，不出朱門亦閉關。為問君平

能市隱，何如長史駐人閒。銀筒大藥雲霄護，石

井神丹暮自還。行過華陽重迴首，如今烏目是

虞山。真語稽神樞淳于斟入吳烏目中隱居

渡河題徐州官舫二絕句

白蓮妖賊勢衝波，列戍連營盡倒戈。辛苦徐州

汪太守，心淵能將隻手障黃河。

其二

罪臣交頸寬刀鋸，上有詔實遠東。經功守蒙頭

偪網羅，漢法自來難置喙。匈奴未滅可如何，

天啓甲子六月河決彭城，居民漂溺者數

萬余，以季秋過之水尚與雉堞齊，方議改築，悼復河之無人憂改邑之不易，停車感

歎而作是詩

亂山遠淮泗合沓圍彭門徐城居其中窪如處
覆盆黃河天上來蹴踏凌崑崙崙崙不敵前紆
迴避城垣惟帝懷明德圭璧有司存歎漬守
膏職馮夷聽要去言不然尋丈閒區區築籬藩
下健復積薪胡能障河源今年六月初乙夜河
聲喧上天無纖雲大地忽倒翻搭撞堅堞隳湖
泝后土撒魚腹恣吞噬鯨鬣爭翻反老弱實習
井極祿寒芟根至今城頭上波浪猶云灑麗譙
棲魚籠樓櫓刻水痕潮汐速昏旦日月磨精覓
卜云宜改建墨食惟高原已聞測圭景未能具
鍾春古人重遷國詢謀及子孫徐城古如鐵南
北通舟轅面河距形勝扼險置戍屯誰與平足
定遷無乃巷議繁去歲地大震今者河橫奔天
潢溢砥柱地軸搖厚坤東師猶在野西寇時決
蹠狐狸滿四野虎豹守九閭爛羊費官爵籠鶴
多乘軒諄復布誼告天意良有存改邑與改井
頊肩安足論我聞宋熙寧河決澶淵村老守夜
行呼河伯迴併吞巍我黃樓下十丈建旗幡吾
君神且聖側目憂元元百神咸受職河神其

敢喧小臣司紀載欲敘筆已兒願誦河復詩浩
歌達 至尊

聞山東賊平喜而書驛壁代書示顧伯欽

小儀

道梗初為行旅憂路岐頻向候人謀喜聞直北
關河信已說山東盜賊收便可脂車通上國不
須枉道過中州題詩為報平安字濁酒知君倒
一甌

次陶給事路叔驛壁韻

攬鏡髭須非故吾匡時曾展一籌無道塗碌碌
疲牛馬林薄閉閉樂鳥烏碧血有人埋死骨事主
杖死黑山何日罷征夫還愁巨浸連鄉邑十月

敲門吏索租

雨中過清流關

雨氣微茫積翠分旋粧行路景氤氳僧携蓍笠
穿紅樹人坐藍輿度白雲古碣墮樵衝水空
林落葉隔溪聞鄉心不耐關山笛又聽鐘聲報
夕曛

夜過磨盤嶺

積霽沉沉雨氣繁亂山行盡又黃昏深林人語

喧狐成小院，經聲出暮邨。攫食饑鳥心，未飽識
塗老馬足。堪捫磨盤嶺，下千盤路頭。白經過始
斷魂。

王師二十四韻

六月王師捷，東方息鼓聲。潢池皆赤子，京觀卽
黔黎。割剝綠肌盡，誅求到骨齊。相持持梃，只
似把鋤犁。大將兵符集中原，戰馬嘶可憐。禽狗
鼠，還與膠鯨鯢。兔已無餘窟，羊偏畏觸羝。偵猶
煩地穴，攻亦舞衝梯。賊縛加鈎索，師還布蒺藜。
塹溝填老弱，竿槊貫嬰兒。血併流馬谷，屍分踏
作谿。殘膏腥竈井，枯髓挂棠梨。處處懸人腊，家
家占鬼妻。虎饑餓亦泣，人立豕能啼。穴頭同蒿
艾，封腸見草稊。旋風來凜凜，哭鬼去淒淒。虛市
稀烟突，鄉鄰斷大雞。暗行燐自炤，春作齒成泥。
兵候天猶慘，荒郊日易低。停車心悄悄，不寐夜
栖栖。寇滅欣彈指，奴強恐噬臍。天心留儆戒，人
事識端倪。廟算紆籌策，王功費品題。豐碑竝崇
朝，蠹蠹夕陽西。

題滕縣趙宰邦清祠堂辛酉春趙有書遺
余譚滅奴方略征播州以勤死

立馬荒祠下，祠門噪晚鴉。播州新裹革，滕縣舊
栽花。拱壁踉蹌鼠，書牆詰曲蝸。遺編論東略，開
篋重咨嗟。

新嘉驛壁和袁三小修題會稽女子詩

紅粉誰人省，識真試臨青鏡。已傷神，還愁著眼
難分別。取次先過妬婦津。

其二

零落風光哀，怨人銀鈎玉筍。一時新可憐，和墨
千行淚也。作郵亭十丈塵。

其三

五湖煙水興茫然，塵劫何因問宿緣。他日海山
尋伴侶，洞天深處髣髴。

題初祖折蘆圖

一葦飄然截衆流，廓然無聖語誰酬。金陵夜雨
嵩山雪，白馬青絲出壽州。

牧齋初學集卷第二

牧齋初學集卷第三

歸田詩集上五起天啓五年乙丑盡六年丙寅

天啓乙丑五月奉詔削籍南歸自路河登舟兩月方達京口塗中街恩感事雜然成

詠凡得十首

破帽青衫出禁城 主恩容易許歸耕趁朝龍尾還如夢穩臥牛衣得此生門外天涯遷客路

橋邊風雪塞驢情漢家中葉方全盛五噫何勞歎不平

其二

罷免休嗟白髮重軟紅塵上尚攀鬆朱絃宛轉班清廟天仗森嚴坐辟雍東觀青編時偃仰西

清黃繖日從容他年春雨犁鉏後一一軒渠詫老農

其三

雙鬢飄蕭類轉蓬布帆無恙向江東豈知路鬼

椰榆日猶借河神舶趁風舟抵甲馬營余禱於金龍神有反風之異遠駕那須存老馬高飛誰與弋冥鴻江天回首

其四

真家廓不礙微雲綴碧空

已分班聯隔鷺鴻祇應伴侶託魚蟲故書堆可

當長枕今雨軒如在短蓬數卷丹鉛還老子光廟汗青頭白君休笑漫擬千年號史通新井

兩朝朱墨付羣公余憐言舟中草開國功臣事略時方倍擊三案議改正實錄司馬運鳥史通子

其五

世情炎冷日相交堅坐渾如看叫喚去燕來鴻俱作客拙鳩巧鵲總管巢行藏漫欲紆三宿消息真當玩六爻已分灰心思學道奪官何必怨

譏嘲

其六

塵世榮枯通與芥蜀莊祇合老沈冥麟游不省戕胎卵龍鬪何知及蜣蜋心靜六時聞刻漏眼明五嶽見真形江天雲物清明候或有人看處

士星

其七

齊物粗知蒙邑書詎應戴笠美乘車敵冠何意彈新沐脫髮誰能戀曉梳身隱不須言放逐時清未可廢樵漁耦耕舊有高人約帶月相看並

荷鋤謂程孟陽也

其八

數載奔波苦骨皮除名於我亦相宜已輸勇退
成高尚更可書空作笑資去國尚占台鼎宿
眉山去位事視師難問玉關期高陽請入觀之
以指時相累殊米閒身贏得無餘事徒倚紅窗自咏詩
去不許

其九

單舸衝風滯楚州淮陰南下又無舟誰人解唱
公無渡對此真令我欲愁黑浪粘天排宋鷁赤
雲夾日炙吳牛頻年跨下橋邊水炤我勞勞已
白頭

其十

幾番江頭問渡時卽今真箇是歸期夕陽京口
橫漁艇細雨新豐颺酒旗林鳥自應欣宿早山
雲尚恐笑歸遲素衣莫歎緇塵化短髮依然舊
鬢絲

渡淮聞何三季穆之計賦九百二十字哭
之歸而酌酒焚諸殯宮以代哀誄

今年罷官歸太歲在乙丑端陽發潞河盛夏過
界首家僮遠來迎衝炎裹糧粳山妻書一紙頗
問平安不楮尾一二行歌邪字難剖似言旬月

閉失我平生友摩娑以爲無睚視良復有覷眼
添昏花撞胃類杵臼呼童細問之老淚迸如瀏
吾友生東海松栢出培塿少小凌輩行長成壓
儕耦譬如眉著面又若冠戴首江山胃鬱蟠蛇
龍筆蚋螻讀書富等身賦詩捷义手心恥章句
盡目笑儒生鯁讀史窺豕魚注經理蜉蝣卓犖
故不羣經濟雅自負貫穿責與前改漁漁仲後
大事窺掌故小物識雜糅制度令甲乙職官志
誰某東南水溝洫西北旱田畝食貨紛權鹽河
渠費堰帝往往窮源本一一貫樞紐允諧將相
略能發功利鄙嫌疑決毫釐支離削駢拇世事
供涕唾流俗喪械杵求志良已奢用我挾以走
皇皇著作庭濟濟俊人藪引君著其閒夫亦何
惡忸四十誤儒冠變奇不成偶揣摩雙鬢絲射
策寸心嘔面顏委塵上文章付矇矓轉喉已觸
諱鞠躬亦蒙咎堆羅羅無特雀角獄再拏蜀犬
爭自吠晉焚或有啖悖悖孤憤盈戚戚憂生久
一從吾黨游磁鐵永相取誰誦然宿火清言酌
昔酒寒燈吐殘花春盤薦新韭夜雨泊小舟明
星坐高阜陶陶移日夜忽忽過卯酉石渠滋同

異堅城五攻守史家訂朱墨文苑薙稂莠破愁
 仗酒兵白戰啓辯牖角逐急追逋歡喜快爬垢
 拍案豈好辯絕倒呼善誘屏風僵倦僕鄰墻起
 睡叟伊余苦顛蒙乘馬不知杜以友爲鞭策頻
 年賴擊扣傲兀喜見君敝衣不掩肘長風起青
 蘋高霜肅蒲柳摧頽塌翼時使我氣亦陟辯博
 開心蒙堅彊剝顏厚直諒而多聞夫誰出君右
 去年京江別臨分出苦口自言星星髮不紉若
 若綬室無伶女妾家有馮衍婦功名今已矣歸
 與老覆釜君墓田在覆釜山虞山支山也見高僧傳明發易前期豈
 謂訣尊自宦海多喧極世運值陽九憂憂上竿
 魚蒙蒙喪家狗尚期與親串笑談共疏救斯人
 今不存有酒誰鼓缶俯仰一凄斷哀歌向南斗
 嗟君不遇時被褐泣瓊玖習習鳥觸籠圍魚
 在筍孤生嘗坎坷高步忤夷醜躍馬悲生解引
 弓志中騫國論憂涕騰戎索憤踐蹂窻橋圖九
 塞藜藿念三后視天信夢夢閔人實恻恻云
 胡信宿聞鬼伯坐相趣盛年顧日景壯志蔽牆
 柳籌策罷東略簡編絕西狩巫陽逝不招靈璞
 邈難叩高高不可論耿耿何時朽意者視不合

無乃樞或吼疆死能爲厲前志豈云苟聞君病
 彌留危坐視拱枵料清明飭衣巾暇豫戒朋舊室
 家本逆旅兒女同轂殺逝將歸樂土相與宿春
 泉從茲離怨親况乃念謨詬裝嚴辦早發夜盡
 罷干揆快若辭穿絡行矣脫繩糾知幻剖膠革
 觀空餉瓶馭報盡期種蓮曠志豈入藕荆凡無
 畏存彭殤何天壽是夢本非真一覺了不受哀
 哉蠅蚋羣競此糴貉公死已醒吟嚙生猶歎于
 嗚斯言吾亦贅君其笑寔數

次韻荅徐大于王謝餉參之作

自從失清河人獲價騰貴金縉市久絕包茅貢
 不至桓桓毛將軍單師與虜對來獻皮鳥捷數
 莖遠將寄周德方休明楛矢在篋筭藥物可託
 諷肉食豈知媿頃聞柳河敗憊儼夜不寐絃茲
 包蕭歎感彼葛藟死憂心自煎熬服食轉顛顛
 聊以詒吾友珍重靈草視臭味敢差池甘溫庶
 同類佇看復舊遼詔參滿內地載約賡此章共
 拜吾君賜

贈星士

澆書攤飯醉仍眠任運騰騰信住緣萬事未會

惟有死此生自斷豈繇天宿醒已過一千日小
駐還須五百年更進一籌君識否海山兜率正
茫然

依韻答江上李貫之

雀喧鳩聚亦汹汹寂莫秋江媿臥龍有北已知
人共界東家何意子為恭憂時君比張平子埋
炤吾懷阮嗣宗席帽山頭相憶處秋風茅屋捲
三重

投老 丙寅閏六月廿一日

投老經年掩華門清齋佛火自晨昏衣裳旋覺
蟬蛻改籬落頻看木槿繁時至雄風生左角夢
迴斜日炤西垣水邊林下君知否定有高人一
笑論

惆悵詞三首

清切吳音和梵音殘經晚院影沈沈合嬌欲共
荷花語寂寂誰知不染心

其二

羅袖當風憶舞腰雙蛾不逐黛痕銷雲鬢霧鬢
依稀在只是冰心未許描

其三

秋風偏向夜窻清一片銀河畫不成俗殺陳王
神女賦月明吹作步虛聲步虛聲陳思王所作

蛺蝶詞四首

一庭花霧晝冥濛蛺蝶雙飛逐好風依約黃簾
還繡幙可曾飛過宋家東

其二

顛倒鴛鴦手自裁封題重疊又頻開生憎蛺蝶
非青鳥却放雕籠鸚鵡來

其三

倚盡疏窻十二闌愁腸不似帶圍寬春光殢殺
閒庭院蛺蝶雙飛也作團

其四

小院迴廊日漸西雙雙戲影共萋迷春風自愛
閒花草蛺蝶何曾棟樹棲

小至夜翁孝先兄弟挈舟相邀與寇白泥
飲

銀燭何煩炤豔粧十眉端合坐生光白頭未可
妨歡笑紅粉猶能怨酒狂桃葉話殘人似夢鶯
歌聞罷夜還霜明朝發興拌泥飲莫放愁隨一
線長

寇白

雙鬢輕攏首未膏風懷約略比春濤問名欲傍
香山柳得姓還從萊國桃慵倚晚粧殘畫燭愛
翻新曲倚檀槽寨惟泛瑟吾能賦莫謂閒情不
似陶

程將軍相如挽詞

據鞍橫海刺論兵柳市花宮任借名三矢何曾
悲老大用廉類事一錢豈但直生平用程不歌姬零
落吹簾去門容淒涼乞食行至竟英雄埋骨處
白楊塞草亦蕪城

瞿五丈星卿挽詞四首

高書神道儼儀刑閣老文章炤汗青福清少師
三世簪纓存舊德百年篋笥見遺經山中尚想
瞿剛叟瞿剛叟見音書隱逸傳海虞人天上仍看
傳說星夢裡駁安何處所良嘗知已勒新銘嘗
夢前身爲
駁安殿主

其二

少年民譽已清流晚節孤風更寡倚宦况蕭閑
如漫叟家居恭謹類恬侯畦蔬過雨親芟擷書
草篝燈重勘讎歎息斯人今不作琴箬自上鈞

魚舟

其三

湖重岡複草芊眠鬱鬱西山好墓田馬鬣封塋
依丙舍兔園燈火記丁年存家笏是先朝賜誓
墓文應後世傳釣水遊丘連宰樹鄉人加敬拜
新阡

其四

衰鬢驚秋歎索居閑思朋舊轉蕭疎登朝劇喜
彈冠日投老相期汗簡餘君著皇明臣月白
東臯頻命酒花深北郭共中車西風老淚憑誰
灑寂寞空齋畫紙書

玉川子歌題玉川子畫像玉川子江陰顧
大愚道民也深目戟髯其狀如羽人劍客
遇道士授神行法一日夜走八百里居揚
合市去江陰六十里人試之與奔馬並馳
玉川先至約十里許任俠喜施舍好奇服
所至兒童聚觀亦異人也

玉川子何弔詭朝游淮陰城暮宿吳門市萬迴
不足號千迴趙北燕南在脚底剗風怒生兩腋
邊蹇驢摺着巾箱裏閑衣裳高屐齒長須奴赤

脚婢白牛為服乘駱駝背行李石猴小子拳搥
 虎馴而惡儼如洪厓先生負戴共移居又如中
 山老道扶携出游戲市兒拍手羣追隨君亦蚩
 蚩頗自哆今年六十五素絲披兩耳髮短心尚
 長足縮踵猶跂我觀世人之行盡如馳熙熙穰
 穰住來疾於矢爭名奪利死不休鍾鳴漏盡行
 未已閒隨豎亥步天地忙與義和競刻晷君今
 江頭老布衣胡為乎茫茫奔波亦如此世路苦
 偏側出門不容軌孟郊顰眉阮籍哭虎豹擇人
 魁魁意擇地徐行猶恐遭顛頓盡氣狂奔何以
 避棘枳我昔盛年好馳騁今縛誅茆守蓬藁香
 筴索簾閣不開發塵蔽榻裘如委君之疾馳裹
 糧重繭良已疲我方神游于徐欠伸猶未起漆
 困雙蝶夢正甘華山五龍睡初美若歸來乎從
 我游悔不與君折其趾圖中一叟類道者幅巾
 黃繖著麻履權奇倣儻悶不見安閒蕭散差可
 擬披圖展玩更對君乃知畫工有深旨同牀異
 夢各不知坐起問景終誰是吁嗟乎君其善識
 圖中意它年為君作傳竊比方山子

休休歌示禪人漢月

休休休咄咄咄莫問胡天與漢月多開口饒敗
 闕正好拈來一筆刷君不見牧齋老人太痴絕
 不事參禪不縛律天寒霜重苦不眠兩脚凍僵
 如削鐵起來開尊斟美酒煖簇薰籠煨榾柮呵
 手頻偎酥粉胃齧齒唇屢竊鸚哥舌擁被醺酣欲
 上潮倒床鼻息如雷發日高三丈夢未醒憑君
 有口如何說休休咄咄咄君家禪宗我不會
 夜來燒却乾矢橛

蠟梅二首

羅浮曾見夢中身髣髴新粧改麴塵雀啣乍驚
 三月露嶺南善葳蕤露染衣朝黃蜂歸暗簇十分
 春染成官樣宜金屋剪出花房惱玉真寂寂銅
 瓶愁對汝扣門還憶縞衣人

其二

浩翁戲咏惱人香京雜居然歷眾芳風味為君
 傳譜牒晶明終自恨平章蠟梅以山谷二詩盛
 梅五出而不能品於京雜山各云花似
 明頰為蠟梅賦價釵頭雪色消金縷帳底春心
 啓蠟房莫以黃中笑梔貌尤延之蠟梅詩梔
 蠅今日遍江鄉范石湖梅譜蠟梅品
 陸仲子移贈蠟梅二株犬前韻為謝

綠水約略是前身幻出官粧不染塵磨口半合
仍索笑檀心通體自生春禪家漫說胖為蜜仙
女休誇額點真風物羨君香閣裏纖纖燃蠟對
佳人

其二

野外垂垂鎖暗香移來庭院借君芳蜜奴破雪
催春信蠟使衝寒拆報章絳淺黃輕呈國色金
塗銅背締花房寒梅瘦勁終難狎只合溫柔老
是鄉

再疊前韻二首

萬籟依然託此身生香迥自出埃塵凌寒數朶
偏辭雪暎日千房各貯春霜女換青排冷豔月
娥暈白鬪清真移根漫說吳中譜不信司花肯
借人梅譜蠟梅經接者
花疎其品最佳

其二

閒庭小院始去生香燭暗簾開別有芳針縷黃
綠為侶伴步搖支綴見文章趨衣綽約宜當夕
黃裏依稀恐退房莫道南枝成別種歲寒誰共
白雲鄉梅譜蠟梅
本非梅類

薛文饋大魚兼寄二絕句戲答

長魚發發帶冰脂想見寒江出網遲放箸驩娛
看一飽夜來風雪老漁知

其二

臥劔朝來割素馨金盤已見鱸如絲當筵置食
還三歎為憶衝波跋浪時

寒夜聞姬人語戲作

衣篝寒覆五更霜枕畔車鳴夢許長逐客并無
員外置姬人猶說侍中郎綠衣公論吾何恃紅
粉流年汝未忘漸喜花朝近生日擬裁致語慰
淒涼

丙寅除夕

寂寂田家老瓦盆歲時兒女共寒溫流年已餞
如過客窮鬼頻除尚欵門夜靜曙光凝竹柏窻
虛雪色泛琴罈殘燈側畔冠中影心跡憑誰子
細論

牧齋初學集卷第三

牧齋初學集卷第四

歸田詩集下 起天啓七年丁卯盡一年

丁卯元日

一樽歲酒拜庭除
稚子牽衣慰屏居
奉母猶欣餐有肉
占年更喜夢維魚
釣簾欲迓新巢燕
滌硯還疏舊著書
旋了比鄰雞黍局
竝無塵事到吾廬

再用前韻

流年已過似蠲除
歲酒江南正索居
靜聽兒童喧竹馬
閒看几榻走衣魚
迎來富貴占新夢
鞭得聰明讀舊書
迎富貴鞭聰明皆正旦
儂成底事頽然一醉偃蓬廬
童稚俗法見元微之詩笑殺吳

書破山刻石屋珙禪師語錄後

石屋虞山產初機
逗天目西峯扣擊久
風亭悟因熟透網
橫金鱗法海吞鮪鮓
靈骨歸海外微言著遺錄
此事非等閒
妙悟絕軌躅
單傳歷千載
擊鼓號塗毒
神劔光差差
飛矢鋒鏃鏃
性命若絲懸
誰與敢輕觸
嗟吁數年來
法門倒竿蠹游蜂各稱王
此蜂羣聚族紛紛召孽替
往往汗簡曠愚人
苦煮沙智者晒災木
頑磚不成鏡焦

羊難種穀哀哉犬與驢
豈堪龍象蹴山僧刻此
編貽我寒齋讀一讀
再三嘆喟然感流俗淤泥
生妙蓮炎火見真王
誰續傳燈傳一洗肉眼肉

上元夜點燈與家人小飲

小欄曲幙自周遮
燕賞依然盡室譁
羅袖參差迎畫燭
王釵旋折避銀花
燈如宿鳥枝相亞
人似遊魚影互加
聞道六街俱寂寞
憑將一笑挽年華

十六日雨中邀徐于諸人看燈口占代簡

曲欄陰靄惹萋迷
發興邀賓走尺蹏
已刺宿雲遮繡幙
更添微雨作香泥
花閒沾濕春衣好
屋裏迴旋舞袖低
著屐賞燈君莫笑
風光正在小樓西

次韻徐大于王別復有憶之作

月午花深底樣愁
更堪淚眼送歸舟
他年結子空悲杜
前度看花尚憶劉
人可意時無那死
物牽情處信知尤
柳絲不斷西陵夢
掛紙知君到秀州
蘇小墓在秀州徐叔詩只有縣前蘇小墓亦在秀州道中

別後有憶賦七字句請枚翁同作

別後有憶賦七字句請枚翁同作

徐于

觸杆悶腸舊置愁追憐夜壑早亡舟情牽嫩
柳曾傷李選唱新詞絕似劉投老餘痴堪自
笑為花添瘦任人尤惟憑月落孤衾夢覓遍
虛無更九州

再和徐于前韻

萬斛風帆不載愁多情一別類沉舟生憎燕子
辭王謝錯怨桃花賺阮劉人為風懷偏易老天
因離恨也多尤君看東海還清淺或有神芝出
祖州

柳絮詞為徐于作六首

唱斷蘇臺楊柳枝春愁如線又如絲古歌舊恨
君休記聽取新翻柳絮辭

其二

送郎莫唱楊柳枝生憎一簇更千絲柳枝只解
縮離別柳絮隨郎無盡期

其三

白於花色較於綿不是東風不放顛郎似春泥
儂似絮任他吹著也相連

其四

亂點新粧拂畫眉玉樓春盡倚欄時隨風乍可
沾泥死莫作浮萍逐水移

其五

高下縈迴度好春悠揚如夢又如塵風流性格
依然在爭似長條解絆人

其六

柳絮新歌續柳枝情塵如浪淚如絲沈園柳老
綿吹盡夢斷香銷向阿誰

次韻徐于傷故伎詞二首

桂華落盡影髮疑日夕牛牛上壠多記得當年
歌此曲引聲不忍到嫦娥

其二

豔質嬌歌宿草前清明拜掃已多年秋風舞盡
雙蝴蝶還是春來送紙錢

澤州王述文侍御罷官里居詒余書曰杜
門無事灌畦教子公為我賦詩以發雀羅

蝶夢之意遂屬善畫者為二圖以寄各系
五言十韻書于卷尾

雀羅

落薄休官日蕭條却掃初高軒多去跡連騎少

來車鶴蓋陰方散龍門阪遂虛陸潘槐柳在趙
李履綦疎賓客何勞謝蓬蒿不用鋤無媒荒徑
路有雀下塔除剝啄兒童喜嬉遊伴侶如張羅
還寂寂避網亦徐徐彈射珠堪惜飛鳴粒願餘
物情君自見莫學署門書

蝶夢

惺夢前塵外浮生一枕餘蛇鈎身入定蟬蛻息
還虛寐熟眠龍穩神閒化蝶舒良宵看栩栩清
畫想遽牽惹游絲竝惜騰戲慢如花明蕙蕩
漾日煖影于徐颺去茶煙緩驚迴杆響疎鶯梢
酣暘後燕語欠伸初莫辨蕉隍訟何因鼠穴車
與君聊作伴昔昔願為魚

寄澤州張吏部

四十韻方聞屯留暴

給諫之計詩未悼之兼懷張蕘姑甘州

前年入都門逢君戒徒御班馬鳴路岐斜日寺
門暮衝風起御溝落葉滿行路滄海忽颺塵市
朝了非故君既自免歸余亦見抵去小人無遠
慮戰身守沮如襪襖即田功筇箸省魚具公上
給耕桑伏臘俟牧酤屏跡徒墻面端居類穴處
痴痴鑽紙蠅兀兀蛀書蠹刺剝刑或免覺顛疾

已瘡吾衰何足云終焉其殆庶閒君方樂志菜
室理園圃王屋面軒窻天井負楹柱丹林被翳
蒼沁水逕迴互林巒却復迎煙靄清還聚花藥
春榮繁燕麥冬暄布潛藏養氣志蕩滌放情懷
明月見嘯歌清風起毫素鳴鶴哀居貞漸鴻貴
儀羽三晉饒雲山中條鬱西顧秀發著眉宇屈
盤儼負護風隄絳守池覽炤王官墓參井畜氣
潤靈境神所居被褐矜懷抱登朝好修嫫掩抑
避謠詠局促事翁姬一朝謝羈紲懼夢喜得寤
游觀極俯仰天其為君助人生皆旅人勞勞苦
寄寓功名如輕塵富貴比危露嗟我暴公子匱
車出通潞淖約蕘姑人荷戈酒泉成膏火自煎
熬駟馬帶傾仆不見黑頭公策免羨徒步修門
杳何期靈環逸難折脫髮寧戀梳截足肯適屨
有酒且當歌方時莫量雨盛壯欣樂康晚晚足
暇豫看君鷗鷺遊笑我尺鷃舉長謠匪遂歌聊
以代晤語

苦雨嘆

東南天漏何時好一月愁霖失晴昊早濕嘗看
墻壁昏繁翳不辨窻櫺曉羲和望舒停轡御商

羊黑蜈肆鱗爪簷溜鏗旬如撞胃點滴揚琤欲
貫腦蛟蛇蹙撈爭平陸蛙龜跳梁上木杪未須
沮如愁九穀且自哀爛悲百草今年獻歲已發
春雨雲稍遲震電早王女忽隨滕六笑雲師兼
把雷車掉陰陽攢簇拜一時天公號令肯顛倒
占年誰與問乙唐誌李淳風撰乙巳紀事將
占起拜上元乙巳無類乙卯唐布衣李潜撰乙卯為其為畢各
記乙卯大和九年也有好恒雨恒陽責非小老農嘈嘈亦何為歸來
蒸薪避行潦

寒食後雨不止書示鄰里

甲子冥冥雨浹旬愁霖高揖轉傷神今年寒食
真無火何處煙花別有春呼婦鳩還勤過我窺
脂雀亦窘如人自慙及物非吾事早餉鄰翁有
東新

其二

從星不辯畢箕文行雨誰將點滴分近雷渾疑
平作地連山直恐化鳥雲江鄉蝦蟹還遺種海
國蛇龍敢亂羣擬上天公棧一祗老農可許綠
章聞

畫士張季挽詞

一棺寂寂掩柴骨零落貧交清酒還使骨千年
埋傲兀孤墳三尺起孱顏松頭月照新封土花
裏鶯啼舊隱山粉繪不隨長夜盡數峯依約暮
雲間

贈陸墓邵叟是僧彌之父

蓬蒿三徑少追扳中有高人善閉關忙為市南
行藥去閒從城北討春還齋時婦料供僧米晝
裏兒皺過雨山寄語道旁名利客青門原只在
人間

金壇于潤甫釀五加皮酒為南酒之冠潤

甫與繆仲醇友善仲醇善別酒釀法蓋得
之仲醇今年潤甫釀成損餉而仲醇亡矣

賦四十二韻奉謝并悼仲醇

我飲不五合頗知酒中味苦愛此酒佳芳香入
夢寐頻年冉出山衰遲受顛躓不獨戀官爵兼
亦為酒累自從歸田來道遠苦莫致吳酒負虛
名往往煩餉饋糟糟與啜醅委頓非吾志惡酒
如惡客其性悍而醵撐腸芒角起薄嘖爐炭熾
甜酒如小人其性柔且遲口吻滋嘖嘖關高長
脂膩我性與之違何能強周比入盞先皺眉沾

唇已剪鼻方當困幽憂况復苦陰暄無帶孰堪
 愁有鈎不除睡朝來送酒人遠自金壇至未暇
 潔尊壘先呼擊泥埴黃柑洞庭春雲露石湖貴
 猶嫌金醴薄不美松花細肅如見君子寒清沁
 心肺藹如近美人光風汎腸胃雲陰解翳駭鶯
 花見明媚眩如踏春陽冷如坐月地頭風愈眩
 運未疾起重腿螟蛉息嘲啁雷霆斷驚悖丁寧
 戒室人此物吾所嗜升合謹斟酌朝夕手封閉
 頻煩看甕面促數滌飲器不畏大戶嗤但恐後
 車匱中年多哀樂昔遊盡顯賴我友繆仲醇別
 酒號渠帥生平家人產強半營酒事勁正本式
 法清濁剖涇渭酒家有南董此翁庶無愧一朝
 歸黃壤酒鎗閉空苟益尊不能飲墳上空復漬
 感君餉我酒知君有深意安用聖人爲飲此盡
 日醉我醉亦易醒君酒難再乞流涎忍口饒信
 筆作詩戲美彼公孫朝封趨成委積從君貨酒
 城願爲此中隸

金壇酒壘盡而孟陽方至小飲作

佳醞那能不共持開尊欲酌便相思曹公自解
 沉吟意陶令偏憐顧影時杯盡政如春去急壺

傾可柰客來遲一觴莫笑頻相勸無酒明朝更
 想誰

顧炳秀才遺書索飲有醉吐丞相車茵之
 語作七字句報之

糟丘且莫歎沉淪漢世君看尚酒人已見相公
 呼後舍更聞馭吏敲車茵無多酌我終須醉時
 一中之頗近真却笑揚雄老投閣鴟夷瓶井向
 誰論

與顧秀才飲酒作

無花頗恨司去花神有酒偏宜街酒人但看當
 筵浮大白何愁後閣走窮賓桑閒布穀催耕急
 樹上提壺勸飲頻我老君貧何所作商量同占
 醉鄉民

以頂骨飲器勸酒次秀才韻

風雨闌珊春暮時銜盃莫問夜何其酒旗已分
 臨天駟飲器休辭倒月氏新朝還應祀儀狄後
 車定合置鴟夷中山醉死真堪羨千日無勞問
 醒期

短歌答博羅韓孟郁博士

昔年留君醉燕市東方兵起君歸里今年君官

南橋門我已久繞頭上中人生相知苦難見何
異秋鴻與社燕感君寄我長句詩懷袖殷勤置
君扇東華茫茫舊塵土我已無夢君何詡花磚
日午啼邛雞鈴索蕭閒睡鸚鵡與君俱已鬢如
絲可憶青山有宿期廣文雖冷官猶在吳市相
尋定幾時孟郁丁未落第和余詩云
異時倘相尋或在吳門市

文三啓美次余除夕元旦詩韻見寄疊韻

奉荅兼簡文起狀元

奇石名花錯盞盆清言竟日寡寒溫停雲家世
紅欄里邀笛風流白下門芳草閒庭新度曲桐
華小院別開尊廿年游跡如前夢每向空齋屈
指論

其二

信美芝蘭接砌除依然布褐共閒居霧深欲隱
南山豹風積能搏北溟魚陸氏有文嘗互評謝
家無夢不堪書對床風雨聽蕭瑟珍重衡山舊
草廬

代鶴荅

軒墀會是誤恩來野性終期碧海隈承日自憐
丹頂在梳風未忍素翎摧長鳴半夜知誰和靜

立閒庭恥受媒惆悵王京稀伴侶爲君三疊舞
琴臺

贈竹深堂鶴 徐子

野鶴婆娑舞竹深疎簾隱几對蕭森長鳴自
吸三危露獨立孤舍萬里心未許軒墀分氣
色漫隨魚鳥看升沉可因彈射年來甚祇是
幽棲合在林

和徐子悼響閣前小松之作

新松無復倚疎籬想見亭亭假蓋姿風過尚傳
清梵語鶴歸還認舊栖枝識符十八終爲夢壽
到千齡亦有期猶勝不材樗與櫟空令匠石笑
支離

其二

提壺自挂石欄前每爲庭柯一悵然可是孤根
難蟄地也應造物忌參天未成鱗甲先供伐稍
出蓬蒿已被鐫回挽滄江更誰是直須雲壑臥
千年

孟陽載酒就余同飲余方失子疊前韻志

感

別後春醪憶共持多君載取慰相思豈知河朔

開尊日正是延陵喪子時醉死却輸劉白早憂
來還恨杜康遲淋漓戲墨燈前事浣壁書窻更
泥誰

三疊韻答孟陽慰余哭子作

中酒心情不自持如魔似病攪人思情騰殘夢
花飛候寂寞空梁燕去時老覺繁霜侵鬢早愁
看明月入懷遲憑君一笑聊相共開口來朝更
向誰

亡兒後拆所築月臺悵然有作

月臺平築子城隈一日嬌兒上幾回思子不堪
頻悵望傷心無復倚崔嵬欄傾似逐風鷲去檻
折誰牽竹馬來又恐他年雛鶴返不知城郭認
樓臺

登茅山三首

便闕虛臺已字文仙山終古屬三君秦王自改
人閒騰梁代空餘嶺上雲芝月有光期獨采松
風無價許平分積金連石遺封在笑殺紛紛蟻
子羣

其二

一入華陽隔世氛天壇真擬見茅君溪田黯黯

流殘月樓觀葱籠駐晚雲谷口樵歸繞出日洞
中碁罷又斜照白頭未了人閒事慚愧會探七
詰文

其三

颺輪迹在大茅東逋客依然識舊宮近岫過雲
如設色遙山湧浪欲排空暮蟬乍歇千林雨秋
笛先催一葉風回首南朝塵霧裏徒聞宰相在
山中

六月二十三日元符萬寧宮為亡兒設醮

星月空寥便闕開拜章親上步罡臺誰知玉斧
尋真去却要非熊戀世回天上噉書傳不易真
云許氏遺經皆傳塵中小兆夢還來仙山亦有
王齊之子黃氏呼兒鳥莫道人閒盡可哀願況大茅嶺東德仁
山人夕露襟況之子非子詩云谷鳥猶呼兒
熊也見段氏酉陽雜俎

茅山懷古六首

磬石崇天壇勾金隱地肺叔申既來遊二弟亦
至止山中輕宰相人閒重長史君看神武門掛
冠復誰子

其二

新莽竊漢籙徧走媚百神刻鏤金玉鐘齋贈三

茅君十柄難久據
繩聲徒穢聞
三君笑不顧
騎鶴凌白雲
逆奄連使祈福方內名山首及三茅

其三

夏馥謝漢辟徵書著桑樹
及其遇鈞黨變形老
僮雁仙籍隸方諸史傳書黨錮寄語人閑子感
蹙何所慕
夏馥為保命府明崇侍即保命府華陽五府之一也見真誥稽神樞

其四

隱居度世人豈昧救世局
惜哉齊梁主難繫白駒
足高名託外兵徵言著別錄
英英嶺上雲至今在空谷

其五

峩峩積金峯帶以連石鄉
隱居割封邑弟子授寵章
蠻國遞相雄蟻封安可嘗
煌煌十賚文千
年勒華陽逆奄之子進爵寧國將議封建

其六

紹述亂網紀鼎物象播遷仙
都白王印乃在華陽巔
銅人已辭漢石鼓終入燕
至寶歸上清長得保天年

謝于昭遠寄廟後茶次東坡和錢安道韻
昔人苦作有情癡
下飲不知茶與茗
我今惜懂

百不解獨有啜茶能記省
感君寄惠手自煎
洗杓停匙坐傾聽
活火新泉沸石銚
澄觸乳花發
香性森然茶星知有無
但覺芒寒與色正
睡魔迸散暑氣退
松風蕭颯白日永
搜腸潤吻如有靈
破悶祛煩不須猛
此茶先春出顧渚
宛如金苗引石礦
山崖高寒初日溫
受氣中和離炎冷
輕身療病比服食
醫國豈必用骨鯁
我生愛茶復愛仙
近日初來積金嶺
世事突兀看捨旗
富貴紛紜說團餅
長腰未飽午夢足
捫腹但餘光炯炯
行買山田入陽羨
更置水邊近石井
東坡老人太苦硬
刺刺品茶刺責倖
我詩漫浪聊戲耳
只愁湍泉飲生癩

丁卯孟秋聞時享 太廟作

清露晨流肅羽旄
上公升拜采雲高
殊勳久冠貂蟬列
聖主初辭裸獻勞
九廟神靈還陟降
千官趣走 倅若萬遺民
舊日叨陪祀
親見曾孫奠黍蕭

八月十四夜艤舟虎丘與孟陽長衡小飲

小舟如簾閣
艤向虎丘
涖笙歌何喧闐
餘音沸煙水
孤吟發蚓竅
閑默復隱几
譬如坐禪僧飄

瞥心數起寔然空谷音忽見程與李殷勤如明月入我船窻裏小酌無盤餐開顏且歡喜四山歌吹罷落月汎清泚貧老羞見月詩子蘇斯言未為昔月如今我羞不及故人矣歸舟對孤枕悵惺心未已延緣葦聞音猶恐是二子

八月十五夜

歸舟信孤颿忍與明月別今夜生公石駢闌那可說酒氣昏深池人煙冒清樾喧喧鼓吹罷清歌如一髮歸人盡扶醉坐客但耳熱有曲誰解賞歌者自悽咽我生好清游避此繁麗窟歸來呼病婦舉杯共邀月忽聞小樓西高歌唱圓闕去去勿復聽使我心斷絕

八月十七夜

今年十七夜圓月勝三五月滿不厭遲弦望自有敘譬如繁艷花春殘始開吐又如妖冶人半老鬪眉懶我為驗曆頭欣然命儔侶新蕩絮尊罍小摘倒篋宮酒伴期不來茫然似失伍長鬚兩三人嘆息自相語北里考歌鍾黃金充棟宇東鄰喧鼓吹錢刀壓倉庾主人有何樂情騰自豪舉病婦支空床嬌兒臥淺上文籍滿四壁饑

來不堪羨流光炤素髮吟蟲響空杆任彼明月好豈能變愁緒僮言良可聽我興未能阻捫胃自跳踣擊撞類曰杵天公為解圍晴昊變風雨依韻答徐于病中見懷

簾閣香殘正憶君新詩宛轉似迴文每憐面會如千里未省腰圍到幾分合眼闌來推昨夢支頤懶去看秋雲多情多病真相似搔首何辭到日曛

彭幼朔仙翁丙寅十月化去歲盡却有手書貽所知多言化後事蓋尸解也幼朔嘗登高寄余詩云謾嗟魚服英雄老爛醉龍山感慨多蓋亦功名自喜之士晚而入道者昔人言英雄回首即神仙此語蓋不誣丁卯九日獨坐感嘆因續成其詩以傳于好事者

桃實偷嘗已再過榴皮書字半銷磨尚嗟魚服英雄老無那龍山感慨多梁父舊游還跨鹿初白有道人見徐元直青城老將去乘驪桃見陸務觀事知君不少登高伴却望人閒一醉歌渭南集九日得徐于詩却寄

今辰掩戶復停觴總爲登高易斷腸四海知予
惟兩鬢三年與爾共重陽黃花笑客應無數白
鴈愁人又一行同病更憐同賞在解捐更酒助
茶香歐然九日與陸羽賞茶詩云
俗人泛更酒誰解助茶香

重陽次日徐二爾從饋糕蟹

肴具圓方雜醢熬白衣今日送衡茅旨甘重識
加餐意選擇遙憐纖手勞自笑吾家傳嗜蟹敢
言詩句補題糕小人屬厭君休謂一飽如今學
老饕

天啓七年九月九日聞 大行皇帝遺詔

二首

風悲霜慘集茲辰旅鴈南來報計真萬國心傷
馮几詔三年腸斷屬車塵身爲馬角生來客夢
作龍胡墜下人欲臨國哀何處所市南扶杖問
遺民東坡聞元祐太后升遐吏以罪人不許成
服余雖除名爲爲平人遂從者老後笑臨
亦亡于禮也

其二

豐芑深懷 皇祖仁艱危誓欲副貽孫兩年書
命塵東閣天啓元二
承之內制三月官銜忝北門乙丑春
兼學士
而罷 一出承明占國論得歸茅屋賴 君恩

殺身自此知無地泣盡三聲向嶺猿

九月二十六日恭聞 登極恩詔有述

三載 先朝版藉民 詔恩重許從儒紳沐猴
自笑冠非我廐馬應慙類似人柳子厚起廢答
有病類之馬
革解帶圍多浸漉蟬辭衣篋尚遙巡影娥川水
清如許偏矧東歸舊角巾

其二

衰殘不稱掛金章且作斑爛拜北堂旋取朝衣
來典庫還如舞袖去登塲聊將野鶴爲雞伴寧
許沙鷗入鷺行只合鄉人推祭酒蒸豚蕭鼓賽
畊桑

徐大于王聞 詔枉詩見賀奉答二首

彈冠何敢附清流擊壤欣爲野老儔屈指浮名
真泛泛驚心靈夢尚悠悠朝家求舊存易狗人
世更新學土牛見說臯夔滿臺閣祇應留我作
巢由

其二

安穩磯頭舊釣緝 主恩深處是沉淪敢言身
退如迂叟却喜人呼作老民陸務觀自著
山陰老民 發襖
久裁春後服畫圖時墊雨中中騎驢倒墮君休

笑 聖世今真作幸人

丁卯十月書事四首

道塗好語沸兒童扶杖誰呼我亦同斗柄已閒
歸 聖主冰山何事倚羣公阿璫總曳尚書履
頌厥還乘御史驄勇退史應書阿母拜章先出
掖庭中事並見天啓七年邸報

其二

絲綸閣下競津塗楊李新都諸公不可呼夏屋
棟應書梓匠明堂稅亦畫侏儒羹調眾口須兼
味船急中流仗一壺共道微垣新氣象天樞旁
看四星無於時果有四相

其三

秋窻晴日影遲遲午夢初醒黍罷炊獨對空枰
嘗歛手每臨殘局更談基霜清狡兔爭營窟月
白驚烏盡棟枝一著雖低差較穩且依旁角守
茅茨

其四

黃門北寺獄頻仍錄牒刊章取次徵死後故應
來大鳥生時豈合點青蠅蒼茫野哭憂邦國寂
寞家居念友朋痛定不堪重拭淚清齋勤禮佛

前燈

羣狐行

一狐縊死鑲琅璫一狐縊死懸屋梁羣狐作孽
兩狐當公然擲揄立道旁昔日羣狐假狐勢一
狐為宰一狐帝一朝狐敗羣狐跳殺狐烹狐即
爾曹兩狐就縊皆號咷狐不生狐乃生梟狐已
死梟尚肆捕梟作羹亦容易羣狐羣狐莫嬉戲
夜半睽忽雷火至

舟師歎

千舟百舟若鱗次大勝小勝如櫛比舟師夢寐
呼水至愕起依然閣平地黃旗夙昔凌長風布
帆滿張百石弓攤錢白浪笑舉酒胡乃束手稱
技窮我坐船艙自悶默眼看寸進還退尺潮平
風正尚無期橫飛直下何繇得君不見午潮已
落暮潮催九日灘頭未是遲長年自辦乘風具
板拖開船會有時

牧齋初學集卷第五

崇禎詩集一起崇禎元年
戊辰盡六月

崇禎元年元日立春

淑氣和風應候來王春元朔併相催故知青帝
擢新令不是天公厭兩回東坡元日立春詩受
省事天公厭兩回
歲酒應羞白髮向陽花欲笑寒交釣船游屐須
排日先踏西山萬樹梅

正月十四日與邵僧彌看梅西山縣橫塘

抵光福

放舟出橫塘喜與煙郭遠遠景宜日斜清游取
春淺嫩柳綠未舒寒條翠將展近水樹乍明暹
峯月漸顯同舟得佳侶靜好有餘善行看煙巒
紆坐愛溪橋轉約略雲樹間西山累甌甌山容
如高人作意任偃蹇我生在塵網鹿鹿苦未反
明朝山中雲倘笑歸來晚再拜萬樹梅為我滌
顏覲

夜步虎山橋

信步尋谿橋邨犬吠林杪月色淡自佳山行誤
亦好暮峯歛餘黛早梅散輕縞定知今宵夢空
濛入幽討

元夕阻雨泊舟光福

尋花不覺遠直入梅花邨孤蓬坐滴瀝清曉如
黃昏未能理蠟屐何暇開清尊名花初發時燕
賞亦遲人西山千萬樹亞枝趁朝暾洗粧映流
水薄寒倚柴門豈知墮煙雨掩抑空淚痕梅花
如靜女有恨初不言我懷同楚客莽莽欲斷覓
世無別花入此意誰與論

十六日冒雨游玄墓

發興上藍輿買勇著芒屨尋花欲乞命韓詩都
韓命乞
花豈為風雨怖冒雨發龜峯穿花到玄墓參月
橫清晨玉雪蔽行路沾濕聞雨香登頓入花霧
初疑雨妬花轉為花惜雨梅亦愛清妍裏雨如
含露孤標宜輕寒親粧倚薄暮秉燭如有思吮
毫未能訴欲償清游適更覓寒餓句

奉慈庵紅梅一株嫣然獨出感而有作

萬樹漫山玉雪中一株獨自笑芳叢新粧不是
綠施赤薄怒應看近發紅聊貶高寒遮俗眼暫
先穠豔領春風調羹至竟誰能事枉竊年華媚
化工

美人詒折梅一枝僧彌歎賞請余同賦

小院疏窻傍畫閣，攜來細向膽瓶看。端詳苦愛橫斜好，折贈深知揀擇難。伴我餘香宜夜靜，憐渠剪燭對更殘。一枝已識春風意，莫倚孤舟怨薄寒。

十七日早晴過熨斗柄登茶山歷西磧彈

山抵銅坑還憇眾香庵

吳山環西南，其山秀而嶧。鬱盤起玄墓，迤邐屬西磧。梅花生其中，居然好宮宅。譬彼冰雪姿，淖約處姑射。回環具區水，粘天浸寒碧。空濛滋霜根，浩渺蕩月魄。湖山畜氣韻，煙雲發芳澤。所以

西山梅迥出，凡梅格我來。早春時發興，蠟雙履探奇。忘晴雨，尋花越阡陌。茫茫梅花海上，有花霧積。不知何處香，但見四山白。藍輿度花杪，登頓旋已易。恍忽如夢境，愕眙眩游跡。縱覽衆朝暇，留連坐日夕。殘陽挂煙樹，橫斜似初月。清游難省記，勝情易追惜。還恐梅花神，芒芒笑逋客。

眾香庵贈自休長老

略約綠溪一徑分，千林香雪炤斜曛。道人不作尋花夢，只道漫山是白雲。

西山看梅歸舟即事示僧彌

四首

廿年游跡半萋迷，老去逢君又杖藜。芳草路當春雨後，梅花村在衆山西。茶山煙雨荒新築，欲結庵茶銅井莓苔沒舊題。余與龔一淵孟柯山來果題名絕壁去，今更憶盤螭。桃萬樹人閒，何限武陵溪。盤螭桃花最盛，今無復存。

其二

千邛煙靄蔽芳叢，流水疎籬有徑通。花霧陰中晴日變，湖山斷處白雲烘。低迷楊柳差新綠，點綴櫻桃記小紅。安得松圓老居士，墊中同過虎橋東。

其三

三年噩夢已塵沙，又向東君感物華。歲歲雪消遲柳色，試燈風雨妬梅花。會除酒券書千卷，曷以酒券從人儘放漁舟水一涯。眼底仙源在，人世春深隨處有桑麻。

其四

虎山橋畔好溪山，聚鳩銅坑取次扳。屐齒衝將新雨去，杖頭携得老梅還。青山對酒知誰在，白髮尋春讓我閒。自此柴荆多晝閉，遲君花下或開關。

虎丘秋月圖題贈似虞周翁

虎丘佳麗地中秋明月時吳僕競芳辰結伴相
遨嬉一翁迤邐來蒼顏白須眉徐行躡浮圖信
步穿劍池矍鑠憎扶掖矯健逾僮兒還恐千人
坐微汗揮裳衣游人羣指目伎女爭遶圍無乃
地行仙遨游下巖屏此翁少好游游興老不衰
年年中秋月艤舟虎丘酒排連五十秋晴雨莫
聞之譬如秋風鴈歲歲不失期還觀同游人游
跡苦叅差少者漸以老者漸以稀山中有老
衲拱揖復嗟咨與翁為輩行是我影堂師亦有
中年人鬢髮漸成絲拍肩呼曾孫側坐相追隨
昔時裘馬客今或寒與饑盡舡易新主蕭鼓無
遺吹昔時紅粉伎零落歸山岬或為衰年嫗乞
食行吹簫吳風遞更換吳粧日歲鞋短衣遍紅
紫大袖拂履綦吳歛稱絕調傾聽良已非新腔
難按拍急管增繁悲轉聆復誰是屈指亦自疑
豈獨市朝改兼恐陵谷移惟有生公石盤陀閱
成虧惟有劔池月秋來鑑如規羨此鶴髮翁身
閑步逶迤秋山與秋月年年對霜髭人生皆昔
夢一往不可追夢愕與夢歡夢者豈自知冶游

如好夢夢覺心說怡胡為勞生人惘惘徒歎歎
翁今年九十健嗽足若飛幸逢 聖明世擊壤
歌雍熙煌煌老人星長昭虞山屢更度十中秋
為舉百歲厄

悼鶴

來從何所化何之碧海茫茫不可追留魄尚疑
初月影招魂正在落梅時舞休竹裏風生少鳴
斷松閒露下遲約略重來還報我秋空春曉是
前期

其二

殘年百事苦傷悲更報胎禽去曉池院落又如
亡愛子寢門應比哭相知乘軒任爾誇新寵爭
樹還誰占舊枝商略雲山瘞仙骨玄黃祇恐未
相宜 瘞鶴銘云乘
以玄黃之幣

瘞鶴之明日有鶴翔於鄉園去往年鶴來
之地一牛鳴耳宗老明翼氏購得贈余先
以佳咏感而致謝

獨鶴仍從海上來柴門還為羽衣開丹丘信隔
猶疑望紫府書通便却迴顧影似憐曾舞雲返
鳧應逐未殘梅仙家騏驎非凡骨寄謝詩人莫

漫猜

答履之喜得鶴見遺四韻

雲消鶴去不勝愁小兆人間似可求去年九月有鶴去復朱頂已蒙仙客號宋李正文五言素來之詩

翎還伴老人頭羽毛雖短誰能假菰米方殘豈

自謀莫向華亭論聲價相經久已誤浮丘宋詩

某已知陽鳥意度山聲價重華亭

依韻徐于喜見

月昏雲薄閣思量別緒參差有底長啼樹鳥關

仍宛轉穿花蝶老故輕狂重支秋枕溫殘夢更

拂春眉理斷腸縮盡柳絲還柳絮東風只合馬

君忙徐前後贈伎有柳絲柳絮詞各數首

和履之花朝見示

愕夢纏綿尚記存芳華空對二分春淒涼寒食

還如我穠豔花朝乞與人生計料平量餘昔酒

功名磨折剩閒身白家大有穿揚手切莫蹉跎

學老民用樂天喜敏中及第詩

題仙山樓閣圖

華堂遲日春融融嬌蘭寵蔥多光風誰為此圖

掛素壁神山仙館來空漾參差崑崙頂縹緲扶

桑東上有摩天削成千仞之絕壁下有拔地偃

蹇百尺之喬松天光浮動日月水海濤激射颺

輪峯五雲聚族不成雨千霞解駁皆為虹交梨

無根長弱蒼夜芝有光焰丰茸琪花瑤草人不

識但見竹柏長青葱其間樓觀參差起璇瑰瑤

碧相蔽蒙細界煙巒辨棟宇平臨月駕開房權

墉城金臺盡治所易遷童初或離宮羣真續紛

互來往似謁金母朝木公金條脫玉玲瓏頂中

作髻衣綃垂紅白珠約臂青章帶胃鳥爪紛指

掌虎齒還嬰童高堂壽母定誰是無乃亦在圖

畫中主人捧圖獻母側慈顏一笑回春容班白

稚齒齊上壽撞鐘伐鼓樂未終金盤擘鱗莫數

他家事對雉調鼎吾祖自有彭鏗翁楚詞天問能謂鼎進雉羹於堯

花朝魏仲雪徐于王諸人宴集賦詩用花

朝二字排韻余閉關不得與仲雪枉詩見

示依韻奉和兼簡于王

不分春光取次奢小闌側畔想芳華晴煙籠上

柳邛邛雨暖日熏桃樹樹霞舊社房櫺看到燕

新粧簾幙記回車憑君傳語東風道莫放花期

過棟花

其二

邀頭婪尾羨招邀可惜關門負此宵垂白心情
餘我在踏青風物任君描春將好遍垂垂去花
旋開齊續續飄準擬諸公作寒食莫欺老子似
今朝

春雨

小閣疎簾香篆遲冥冥春曉似昏時揩摩老眼
看如霧撥觸愁腸散作絲淺綠樹滋鶯不覺小
紅花濕蝶還知輕蓑屨殺垂楊畔閒殺江頭老
釣師

春雪

元年二月十九日事也多用東坡
癸丑春分後雪詩句而反其意

遲日同雲更合圍東皇何事發陰機李梅冬實
原非分雪霰春深故作威繞樹鶯雛應罷語漫
天柳絮敢爭飛老農劇喜遺蝗盡旋覺陽和轉
褐衣

春雲

萬里春空碧落分微茫點綴起氤氳亭亭車蓋
誰吹汝漠漠高樓正憶君蔽日早時能待族飄
風一旦已離羣白衣蒼狗須臾事霖雨終期出

岳雲

春晴

暮霞新爛午陰收儘放春光在陌頭意慳好風
吹綠醕眼明初日炤紅樓青天宿霧看誰掃白
晝游絲颺不愁為報園林鶯鶯道呼晴逐雨莫
憑鳩

仲雪折梨花見贈口占

寒日到來春寂寂梨花開遍月朧朧煩君折贈
銅瓶裏閒殺庭前昨夜風

雪裏桃花次薛叟韻

雪花拂拂釀花朝故著桃花未肯飄傳白更憐
頰頰好欺紅不放粉墻燒朱門人面愁相映紫
陌塵埃恨欲銷擬為寫生誰下筆王家還有雪
中蕉

雨中仲雪招飲海棠下

二月簾櫳中薄寒錦城花霧晝漫漫鮮妍正合
停杯賞沾濕何妨低帽看剪剪風輕運刻燭濛
濛雨重更憑闌知君卜夜留連意坐惜芳華未
許殘

寒食日于王仲雪諸人小集津逮軒

履引奚奴杖掛錢，隻雞近局許招延。貧家節物宜寒食，病伎風光似禁煙。茶白還爭分火候，桃紅欲褪賣錫天。清平要著新詩寫，好記崇禎第一年。

雨中海棠花下代徐于贈妓

風風雨雨妬花天，病花殘劇可憐。還恐海棠零落盡，文梳窻下對花眠。

寒食日看徐于別妓二首

落花細雨正佳晨，萬樹紅芳一病身。試看清明寒食候，料量還是未殘春。

其二

梨花開盡橘花新，送妓憐君似送春。記取今年作寒食，粥香錫白為何人。

喜復官誥贈內戲效樂天作

三年偶失楚人弓，憂喜迴旋似塞翁。我襖緋衣緣底罪，君還紫誥有何功。佩環再試從風響，寶髻仍看耀日紅。重作安人莫修太，饅耕還憶舊家風。

白詩云：我轉官階嘗自愧，君加邑號有何功。

聞新命未下再贈

山林裘褐可同羣，翟第雖榮且莫欣。昔憶帶聲

真為我今遲，官誥豈緣君。譙樓風雪應知免，山母妻俱頌內。殿恩波更許分，元日命婦朝慵惰繫譙樓。請看丞相婦，綠窻朱卷對斜曛。傳聞中宮好延帥習通鑑考新蔡夫人有

三月三日泛舟卽事十二韻

風光雨又晴，上巳更清明。節候今年異，遨遊此日并。煙嵐開水國，雲錦蔽山城。岸綠攀還折，堤青踏欲平。執蘭修故事，挿柳惜芳情。新火紅粧出，香塵翠袖生。就花拈舞蝶，揀樹聽鶯啼。鶯浴移舟緩，盤回去馬爭。歡娛窮日夕，燕賞及時清。醉眼牽花影，歸心帶鳥聲。酒依金谷數，詩餒麗人行。襖畢還相賀，春衫試體輕。

送張老還溧陽

張君攻岐黃，高名走婦孺。坦懷絕厓斤，劇談見情懷。好酒復喜奕，流連雜歌呼。勝負如等閒，局終色不忤。吾觀善奕者，握子多顧慮。推枰斂手時，黑白在何處。古來當局人多為，一著誤縱負國手。名豈知拙工趣，君來早鶯啼。君去新蟬語，流光去不返。屈指如傳遽，與君須臾閒。甲子在旦暮，安知世上人。芥柯不已故，餘尊湛東瑩。斜

日炤西樹且復竟一局酒闌送君去

牧齋初學集卷第六

崇禎詩集二起戊辰七月盡一年

戊辰七月應召赴闕車中言懷十首

三年嚴譴望修門隨例趨朝又北轅 聖代故
應無棄物孤臣猶有未招魂夕陽亭下人還過
瑞禮門前石尚蹲重向西風揮老淚餘生何以
荅殊恩

其二

已辨腰鎌學耦耕悠悠真悔逐人行長吟頗惜
齊三士撫卷誰知魯二生白馬清流傷往事南
箕北斗媿虛名巢繇至竟非無謂堅坐深山謝
聖明

其三

寥廓高天一冥鴻肯隨烏鳥問雌雄紛紛豈止
容卿輩碌碌何須笑乃公赤汗馬應空冀北白
頭豕自媿遶東郊原無限停車思落日披襟得
遠風

其四

傳呼何必厭乘駟風日清恬當出游坐穩依微
憑小閣睡酣搖曳在輕舟譬如禪坐還馳想尺

作看山不下樓却數昔年行旅事分明殘夢已悠悠

其五

淋鈴夜雨漏初長夢入江南櫻笋鄉重碧樹深春燕語小紅花發臘醅香聞簫月下移歌舫度曲風前近笛牀秋夢也如春夢短郵亭塵土正茫茫

其六

露警秋衾夢亦清篝燈襖被駕車行征人倦睫留殘睡客子枯腸帶宿醒日出樓烏衝曙色風回班馬亂秋聲前邨哢哢真堪舞不是荒雞午夜鳴

其七

客路無風沙自驚飛鴻沒處暮雲平山低落日坡陀影岸嶂征車輕轆轤村堠雨穿如土偶林樵月薄竝人行征塵滿眼君休笑刺有清流可濯纓

其八

三年遷客意蹉跎芳草天涯路又過滕縣樹邊朝雨細嶧山雲下夕陽多心如乳燕初絆社身

似飛蓬乍轉科苦憶淮南舊叢桂秋風為我發山阿

其九

信宿驅車每夜分鳥烏聲樂感離羣秋聲獵獵非關樹雨意濛濛欲作雲直吐無風皆朔氣薄寒有日似斜曛江南大有悲秋客臨水登山正憶君

其十

颯颯涼風動旅途黃塵赤汗不曾蘇春明門外人來往秋水篇中意有無失勢蚊蠅戀殘暑下韉鷹隼快平蕪蓼紅蘋白秋光好獨倚軒車入畫圖

臨城驛壁見方侍御孩未題詩

驛吏逢迎舊緒衣生還今日是耶非綸竿喜值金雞放華表真同白鶴歸抱蔓摘瓜餘我在破巢完卵似君稀循牆歎息看題句浙浙秋風起夕扉

十一月初六日 召對文華殿旋奉 嚴

旨革職待罪感恩述事凡二十首 秘殿風高白日陰天堦雲物晝沉沉裂麻未是

廷臣意故卜空煩 聖主心 宸翰星回官燭
影禁庭雷殷屬車音孤臣却立彤墀內咫尺
君門淚滿襟

其二

綸扉畫閣詔麻停是日 天威赫震靈敢謂蟲
飛能蔽日亦知蟻鬪應占星 初三日日本星入南
斗占曰大臣相殘
是日枚浮名儘可供描畫腐骨終須付汗青寂
寞火城君莫笑案頭還有讀書螢

其三

久知不去又將鉗無奈時情似蜜甜薄命東華
糜月俸虛名南斗動星占出山我自慙安石作
相人終忌子瞻伏闕引刀男子事懶將書尺效
江淹

其四

碁局方闌睡正濃白身仍作舊吳儂狂奴本自
輕侯霸殘客何煩對敬容京雒緇塵看素髮御
溝流水見孤踪頻年放逐緣何事縱欲干時興
已慵

其五

事到抽身悔已遲每於敗局算殘棋都門有客

送隔賀廷辨何人是魏其揚柳曲中游子老車
輪枕畔逐臣知寒燈冷炕悽涼夜不醉何因作
酒悲

其六

孤生半世飽艱辛敢恨虞翻骨相屯吾道非與
何至此臣今老矣不如人養成枳棘難為橘刈
盡椒蘭不作薪每誦韓公晚香句整襟時一慰
沉淪

其七

宮鄰初散鼠狐羣殷殷成雷又聚蚊卷舌光芒
仍炫耀台階氣象尚氤氳傷心詔獄生春草回
首觚稜隔暮雲 明主定無鈞蠹禁文華休擬
作同文 倪侍讀鴻寶云文華
殿寧可作同文館耶

其八

責薄恩多兩鬢殘休將青鏡對南冠風霾放我
稱遷客木稼從他怕達官 是月再有
木稼之異朝士空憐
街鼠穴山妻應笑上魚竿得歸茅屋非無事還
為清時賦考槃

其九

一自承明罷直廬寂寥誰問子雲居久無關上

善邊訊遠絕雲中款塞書謂督師袁東莞撫日
午冰稜漸屋角門閉風葉卷塔除論交最喜廉
頗容解道朝盈與夕虛

其十

破帽青衫又一回當筵舞袖任他猜平生自分
為人從流俗相尊作黨魁明日孔融應便去當
年王式悔輕來宵來吉夢還知否萬樹西山早
放梅

其十一

兩月春明席未溫眼看深谷又高原金多爭羨
雜陽路禍至方思上蔡門五鼎食烹皆主父三
期賢仗總王尊莊生能悟逍遙理只為精思曳
尾言感長山劉相而作

其十二

白日雷霆天御筵捫心終不愧皇天愛龍揖讓
誠難事賈豎爭言豈必然一遺玉階清似水兩
條銀燭直於椽夕陽宮樹孤臣影只似他時候
八埽

其十三

未辨躬耕即採薇判天何事羨羣飛巢絲也是

中朝客變契依然大布衣故國秋風生邸舍閑
門冬日炤柴扉深慙薄劣干南斗莫更求名擬
少微

其十四

天語頻煩戒翰登可知不為點青蠅 聖朝重
倚絲綸薄薄命難充粥飯僧春水花源尋伴侶
秋風瓜圃會賓朋書空滋涕非吾事縱是憂時
也不應

其十五

大門跌宕夢中閑鹵簿續紛大祀回警蹕聲誰
傳委巷燔柴光可炤寒灰身先席稿慙非禮禮郊
藉用稿心願為犧歎不才無分甘泉陪法從俳
倡私擬祝高禴

其十六

南郊燿火炤罍恩正是秋衾夢斷時禁漏威遲
殘客舍朝衣顛倒覆家兒齋宮肝蠶詞臣賦宣
室深譚逐客知才薄可憐仍貶謫爐灰盡盡不
成詩王元之南郊大禮詩云可憐此
吏商於客盡爐灰淚滴衣

其十七

白日蕭閒午睡成睡餘兀坐又閒行烏喧老樹

聲還樂雀啣空枝堅不驚晚歲冰霜知物態虛
意斫席見平生高車厚祿雖無分一領狐裘似
晏嬰

其十八

獵獵寒風歲逼除柴門剝啄到雙魚親憎言祿
催偕隱友賤求名勸著書薄俗休官如物故畏
塗削籍當遷除夕陽亭下城西路歎息何人返
敝廬

其十九

召對紛紛集邇英 御前唯諾盡公卿夕垣又
駕柴車去謂西江章給事也 朝省誰容仗馬鳴鸚鵡能
言殊反覆沙蟲善化更縱橫閒憲莫著歸田錄
數上 日春林聽早鶯

其二十

闌珊朱墨對寒缸 謫宦頻年氣未降可是負書
來上國還如讀易向東窻酒兵勝後消愁壘禪
鎧堅時折慢幢頗爲艱危識天意要令漁釣穩
三江

臘月十六日房海客侍御初度賦長句十

四韻爲壽君與章魯齋瞿稼軒兩給事皆

以枚卜事牽連謫官

同病同心不共談天涯只在禁城南鈞天夢斷
龜猶悸畫地羅成議不堪去國味如初下第掛
冠情比舊遺替希文敢擬賢稱四展季何妨黜
有三排格引繩良已甚排格即排根也見漢書註 拔茅連茹
亦美慙尾狐善幻人爭訝首鼠相蒙世所諳車
馬軒闈懷舊雨沙堤寂寞笑新來羈栖仍是巢
枝鳥雌伏真成抱繭蠶御柳煙光遲積霰香山
雲物隔重嵐年華荏苒俱雙鬢燈火青瑩共一
龕事過皺眉休再問歡逢開口莫辭耽孺人憂
瑟齊稱壽侍女投壺半倚酣燕酒沽來多似蜜
蜀椒搗後可如柑題詩想見開筵處定復掀髯
笑我慙

張蕤姑太僕許餉名酒壘前韻奉簡

流落京華阻笑談何殊太史滯周南開籠縱鳥
知何日繞樹棲鳥自不堪官罷故人稀折簡罪
深 明主勒投簪養狙自昔誰非四成虎如今
不待三與我周旋良已久受他描畫有何慙機
心抱甕虛施巧毒手爭麻實飽諸歌後賦詩誰
鄭五目前謀醉且曹叅郎當自笑拖腸鼠角逐

閑看食葉蠶舊步生辰值箕斗新添銅疾在煙
嵐歸與御掃求羊徑老去應同彌勒龕漏屋書
傳君自聖張以草書自負囚山賦就我真耽馬曹官好
看西爽酒郡封移帶宿酣張會譚成并蕭故世有移封酒泉之戲
路風波餘白首 帝城節物到黃柑朋尊許餉
休相負一醉陶然共作慙

三疊韻謝蕘姑太僕送酒

羈懷廓落向誰談尺五空瞻韋杜南官罷門閑
猶自可酒乾壺盡更難堪知君自愛新封郡念
我誰憐舊盃簪顧影陶潛惟有一揮盃李白不
成三尊盈何意勞相送瓶盤從茲遂不慙杜宇
謀歸身未得提壺勸飲耳先請料手量未敢傾
三雅斟酌應須醉二叅洗盞光先浮綠蟻當歌
興已動春蠶枯腸發發澆成浪醉眼騰騰看作
嵐草聖張顛真我友逃禪蘇晉與同龕典刑宛
矣柔而旨琴瑟依然樂且耽蕩滌三年忘昔夢
惛騰十指出餘酣解醒賴有春前茗下物還餘
霜後柑傳語時人應大笑不知誰點又誰慙

戊辰除夕

命酒呼盧強合歡春明門外禁鐘闌閉庭冷稱

將歸客卒歲除如已罷官爆火聲中思老母寒
燈影裏見南冠歲時舊事都無幾只有痴飲賣
不殘

牧齋初學集卷第六

牧齋初學集卷第七

崇禎詩集三起二年巳盡五月

贈書

年年謫宦東書頻部快襪襪卷未勻不惜累人行汗馬可憐隨我作勞薪朱黃點勘須完好籤軸裝潢要簇新去與名山作盟約莫令更平污傳車塵

贈硯

紫純端硯鎮書樓牛後真令龍尾羞潦倒可憐書牘背先華還憶草詞頭摩娑便欲看雲起砥礪猶能為王謀更有淳熙九經在歸裝已足又何求余有宋刻九經俞石剛家物王濟之題其後紫純玉硯閩人宋珏所遺也

代書硯荅

桂檣縹囊託後車相將依舊返蓬廬但看包裹端溪硯不見增添祕閣書退筆家中悲力盡短檠牆角歎交疎與君莫負殘年約共理雕蟲伴靈魚

荅書硯

遺經古硯舊相於襖被蕭條載滿車老去論交惟二友歸來削跡共三餘晴憲洗胃還吞墨水

日撐腸欲蕘書簾閣悄然私自問蓬山酉室又何如

飲酒七首

昔與范郎飲班荆剪葵韭天啓辛酉遇吳橋飲酒范質公庸中質公時馬史家醞清且甘汪汪炤尊自深談復淺酌日景移卯酉別後長相憶此酒似我友去年遺我書勸我勿淹久百壺聖之清提攜候馬首開函讀未終流涎樹饒口炎風衝傳車紅塵咽堤柳我行良悠悠我意君知否頻年向西笑半為郎中酒

其二

閒閒桑者園在彼官道旁桑園在德州東界為范質公別業柳疎屋宇落帆到門牆主人開酒甕延我坐草堂酒面如故人別久色微蒼停杯相顧視斟酌彌芬芳別君三年來世故難付量市朝塵屢生滄海波再颺豈知尊中物猶能保故嘗驛馬鳴路岐斜日炤西廊珍重故人酒且復盡一觴

其三

長安多美酒酒人食其名酒旗蔽道車較相摩爭刁酒非泔水味薄甜如錫易酒釀天壇市

沽安得清醜酒稍芬芳
勁正乖典刑我性好別
酒齒舌判渭涇對此寧
不飲枯腸任雷鳴飲酒
但需醉真膺皆虛聲清
濁比賢愚分別徒營營
與君取次醉醅酌共一
觥此言當杜舉聊用勸
酒城

其四

羊羔產汾州葡萄釀安
邑刁賈主人名桑落應
猴出一一走京華種種
煩置驛肩荷慮顛躓車
馳或汎溢抱攜如懷繡
登頓敢奔汨一夫致一
壘一石數金直愛惜閻
馨香收藏辟風日封題
復再拜輦輸權貴室貴
人多不省累置似搏墟
寂寥揚子雲扶疎守玄
默徒然頌鳴夷昔酒何
錄得

其五

世多愛官者不復知酒
旨亦有愛酒者不暇計
官美愛酒令人狂愛官
令人鄙腸爛飲不休漏
盡宜不止者酒與貪官
皆可令人死我本愛官
人侍郎不為庫我亦愛
酒人致酒每盈几今年
命大繆官罷酒亦恥長
嘯謝都門斯可以去矣

其六

吾憐袁小修豁達好飲
醇開尊無好酒往往生
怒嗔長安盛宴會賓筵
正初巡當杯但一嗅瑟
縮不沾唇俗子共愕眙
知者嫌其真袁生每大
笑看我頭上巾自從此
人死燕市無酒人酒逝
久寂寞袁約致易州酒屬
其客汪生為酒遊酒德
誰與論誓踐腹
痛約南下湘水濱滿酌
黃柑酒澆君宿草墳

其七

昔與程孟陽閒窻較酒
品屈指北酒佳西笑忘
去食寢南酒推金壇井
香比桑甚于公知我好
載送似給廩船到競逢
迎尊開破寒噤消磨長
日景流連乙夜枕自從
來長安市酒類拾瀋還
憶良嘗醴如饑思得飽
美酒不博官吾計久已
審况乃官又罷頌繁受
淒凜已矣歸去來無為
歎冉冉多乞于家酒細
與程生飲

送瞿稼軒給事南還三疊前韻

門外天涯未易談江南
路在潞河南同時放逐
君先去異地羈留我不
堪 聖世辨奸難曲筆
清時養晦忍抽簪車回
岐阪何須九肱折良醫
不憚三戎馬生郊還國
恥班行失士豈吾慙琴
心靜向弦中理棋勢全
於局外諳秋卷蠅頭溫

諫牘春燈龍尾夢朝忝排風獵獵旋飛鷁蓄火
溫溫養浴蠶木落破山尋古寺花深拂水看晴
嵐板頭船裏新茶竈折脚鑪邊舊佛龕酒熟泉
香無別事書滌傳僻有同耽師丹老去身多忘
孫叔年來寢正酣何日二童還一馬相期斗酒
共雙柑客中送客真惆悵破涕裁詩又作愁

十三日立春

迎春春在鳳城頭篋仗衣冠進土牛鋪展煙光
來紫陌追隨笑語到紅樓林鶯口噤思官樹官
柳眉舒向御溝獨有城南羈旅客與春無分又
添愁

覓春

春明門外亦長安不省陽春到此難朔氣遼巡
辭弱柳先風瑟縮碎崇蘭西山翠比愁眉鎖上
苑紅如粉木看狼藉江南春色早討春歸去莫
教殘

春風

午枕眠方足情愆曝未終忽吹新白髮知是舊
春風物候驚柔綠心情怕軟紅可憐春未老送
我向江東

送郭中書赴督師袁公墓

昂昂千里馬不合駕鼓車丈夫九尺身豈肯隨
朱儒郭生做僕人側足承明廬譬如雞羣鶴最
翼不得舒一朝請論事慷慨陳兵符願如漢卜
式接踵死匈奴天子賜顏色羣公咸歎歎近
臣寄邊瑣此例今所無我從罷官來不見關門
書屈指五年期今又一歲初袁公於上年抗
期聞君赴嚴程出祖席文衡慙無繞朝贈控馬
進一壺分張何所道逝將歸里閭因風問袁公
匡復定何如

鸚鵡

鸚鵡人憐汝雕籠養成翠矜矜妙麗紅背關
聰明側近偷言語憑高沅檻檻君何憂反古時
過寂無聲

鵲巢行

樹上老鴉羣作惡奪我鵲巢反啄鵲鵲羣苦少
鴉苦多冬架春成枉作窠椽將我巢為汝室啞
啞聒耳聽不得蒼然一鷄號鷄鳥左翎撩風右
掠草眼看鵲弱與鴉強何忍盤回坐樹旁君不
見鷄兮鷄兮善擇木浮圖有穴崖有屋鴉羣自

笑鵲自哭 注曰寒空且攫肉

題郭無傷所藏朱鷺畫竹是余往年所贈

頭白蕭郎畫竹聞數莖蕭颯坐生雲霜筠雪幹

還如我障日成陰卻擬君

其二

畫裏蕭蕭竹數竿晴窗亦解報平安年來小劫

如風雨賴有長身共歲寒

寒食

客舍蕭蕭寄病身落花寂寂度佳晨忽聞寒食

爲今日始覺風光已暮春名酒盡難禁獨夜好

鶯啼不趁愁人吾生從道渾如夢是夢何須太

苦辛

寒食後一日作

寒食淒涼作去不成春光取次又清明孤臣氣

味愁鑽火故國心情記賣錫苦恨落花隨柳絮

護勞啼鴉替鶯聲東風誰唱吳娘曲暮雨蕭蕭

闌禁城

無花

客裏無花獨倚樓討春無計恨悠悠無花亦有

便宜處省却花飛一段愁

贈博平郭太保

蘭筠三朝一散象濯龍門外看車流風意自咏

游仙句金穴誰論特遣侯客到異書縉帳底花

開襖帖在林頭蕭翼暲蘭亭寺門枕李蓋他時

國史編家集定與聯珠一部收本朝郭忠武公

送于鏘秀才南歸

木星入斗霾且霏疾雷震電當嚴冬孤臣東身

侍譴逐攢頭縮頭如寒蟲飯甑累門斷人跡蔗

圜中朔風寒兼霜著壁油燈無燄光矇矓布衾

凝水寒不寐散背倚倚彎角弓訓狐號屋鼠齧

器夢覺驚覺杵撞胃更闌漏盡坐相慰軟語啣

啣疑吟甚有時激昂撫枕席蹴我起聽聽樓鐘

誓將排雲叫閭闔奇賤苦恨飛廉慵嗟子長身

秀眉目輪困肝膽誰與同我歌汝和良足樂冰

天雪窖春融融春來幾何忽已老楊花如雪飛

城東愛而思子苦不見三月新婦關房櫳一朝

扣門聲剝啄策蹇揖我歸匆匆我身正坐不得

去別子目斷南飛鴻子歸解裝正月初夏棟花風

過榴花紅故人見子應歎息訊我顏狀悲途窮

我生有命可自斷世事豈異馬耳風黃閣知爲
何老子白首仍是舊阿儂梵川綠淨不可唾金
壇酒碧炤艤空五噫未遂吳市隱十賚行割華
陽封因風寄語勿惆悵料理家釀遲醉翁

左耳病戲作十二韻

歎世侵尋似鹿皮聾雖半耳已如癡盈尊社酒
憑誰餉決牖仙方久不窺但遇一呼仍響應若
聆偶語却叅差僮便主贖誇脾健婢謀醫庸諱
腎衰強欲屬垣還側耳纔看拋枕又支頤史稱
偏聽應如是人說佯聾或近之憎老懶今嬌女
別怯狂畏與醉翁持八音未許諳全部兩造祇
能割半詞洞裏季龍眠正穩韓詩頌君自入華陽洞直割季龍左
耳來牀頭鬪蟻動還疑黃霸呼賢吏翁多媿傳聾丞
事歸作家公漸有期空篋音聞旋恍忽覺玄夢
斷轉迷離不須獻賦從軍法好證圓通問道師
齊注誠所格昔之左耳

冷飲示侍兒

花前宜試樂天杯冷飲東垣未可咤笑殺家翁
買燕女錯將溫酒當行媒家錄翁事見周公謹小說

奉酬山海督師袁公兼喜關內道梁君廷

樽將赴關門二首

隔渝今是國儲胥山海右隔渝地俗稱渝關設也鎖鑰東門萬
草車匡坐油幢隔虜使橫磨墨看草郵書鶯啼
大蘇連管靜月出雄關列竈虛蚤晚師中得梁
謹度遼長策爲君憶

其二

黃酒論兵保直餘青燈賓從儼前除掃犂美爾
謀方老表餌慙吾術已疎甲第金鋪魚輪管景
鐘鐵索厲行書白山好勒磨崖頌衰晚何因借
後車袁自詭五年滅奴頰以講款馮秘計故有託諷之言

口占贈林將軍喬楷晉江人

超距身輕三百陌前飛刀法自九夷傳血漂樓
槽如平地土拭千將更屬天林長于水戰魏絳
歌鐘懸盧考衛青侯券空去名鐫頗聞 聖主
思收復親式羣蛙風九邊

大房海客韻送劉起歸宣城起與湯祭酒有御祭酒殿始還故里故詩有解釋之語

究親場內好叅禪鑽火應知定出煙已分此生
離虎口何須知已付龍泉杯蛇辨後休除病嬰
蛻消時莫問天執手送君成一笑磨驢何日了

前錄

追和朽庵和尚樂歸田園十咏有序

正德閒朝士有以郎官罷歸者高僧朽庵林公以淵明歸去來令辭為題賦樂歸田園十咏送之崇禎二年余飽繁都門客有以朽庵遺筆見贈者開卷吟諷喟然三歎遂援筆伸紙追而和之昔蘇子瞻居海南徧和陶詩子繇序而傳之余何敢竊比子瞻顧如子繇之言所謂欲以晚節末路師範淵明之萬一者其志趣不可謂不同也然子瞻實追和淵明而余之所和者朽庵而已世之君子其尚恕余之僭踰或亦因是而知朽庵也夫是年四月十八日

歸去來令至覺今是而昨非 大韻

久在樊籠始見幾高人只是急流歸畏榮未必知吾意忤物何妨與世違
羽豈容尋往跡懸車自合歛餘輝却嫌此老還多事形影神中辯是非

朽庵宗林詩宦海漂流早見幾故園荒廢正思歸住迷來悟心方樂投老尋閑願不違新別廟堂無悵恨舊栽松菊有光輝池魚羈鳥

還淵數童子何勞講是非附見七首

舟搖搖以輕颺風飄飄而吹衣 用韻

少日成惆悵行迷喜得歸鶴應知我返鷗亦傍人飛白水浮孤棹青山見素衣飄搖謝塵網昔夢但依稀

問征夫以前路恨晨光之熹微 用韻

平陸成江悵我情濛濛時雨迴初晴征夫指點晨光好還向柴桑一路明

欲知歸去好前程每對征夫問一聲茅屋幾家門尚掩茫茫天地末分明

乃瞻衡宇至有酒盈尊 大韻

僮稚意我歸舒鴈却前望眼明記舊宇身閑去宿恙看松繞荒徑朱菊泛新釀英英南山雲庶與我心况

引壺觴以自酌至審容膝之易安 用韻

壺酒庭柯徒倚看南窻也似比憲寬人生何限遑遑者兩膝隨身沒處安

園日涉以成趣門雖設而嘗關 大韻

羣輔錄中看世代周王傳裏見乾坤此翁枯槁君知否容易人閒說閉門

梨栗詩書貴子孫菊松瓜菜樂乾坤養高不受重來詔誰敢問敲處士門

策扶老以流憇至撫孤松而盤桓 次韻

拂拭塵中眼舒眉飽看山山將人竝憇杖與我俱閑入景戀遲暮孤松欣任還出雲并倦鳥幽

意總相關

扶老手携杖觀幽眼見山歸林飛鳥倦出岫

斷雲閑松下尋詩去谿邊載酒還昔年車馬

路今日沒相關

歸去來今至樂琴書以銷憂 次韻

世人似鼠競窶數陶家老翁悟已久官中束帶肯折腰山寺聞鐘卻回首南邨何事更東林種蓮豈必殊垂柳親朋情話聊解頰琴書流覽總敝帚監輿醉臥人不知扣門乞食我何有我生粹兀略相似玉堂今作扶犁手和詩敢効僇僂耳翁感懷竊比朽庵空歸來築室祀靖節左白右蘇配以偶故山松菊當蘋藻薦彼清琴俯濁酒

次韻

農人告余以春及至曷不委心任去留

窈窕崎嶇意舟車丘壑間泉流榮木下春入老

農頽萬物誰非寓吾生會有還達人亦同盡羸得去留閑

聞得農夫說春回畝畝閒舟車無枉跡草木有榮頽尋壑穿雲去經丘踏月還百年能幾

日寧不放心閑

胡為手遑遑欲何之至樂夫天命復奚疑

次韻

人生如教射一發貴善息陶潛避俗翁枯槁非本色惜哉時不偶橫流汜邦域雄劍在室中光芒闕凌逼洗滌資禪心林檎仗酒力酒酣咏荆軻深情自絃得耘耔盡能事嘯歌見天則醉來怨繆誤聊用齊淑慝任晉誠苦饑逃宋懼弗克乘化游縱浪樂盡付冥默能潛乃龍性可諫匪鳳德餘事作詩人遺名隸酒國我和朽庵詩游戲并筆墨悠悠千載後會有高人識

得許同生書寄示擬歸去來兮辭

歸兮賦就喜投閒澆酒中將換紫綸人笑銚無淮上未天教眼看荆西山一生刺襪嘗翻著萬事騎驢却倒還未敢援毫輕屬和正愁陶令滿人閒

王元之自翰林謫官賦廣陵僧舍芍藥有感傷綸閣多情客之語余屏居寂寞戚里以芍藥見遺誦元之詩適對此花感而繼作詩凡三章亦如元之數

盤籠紅藥出天家寂寞銅瓶幾朵花承日有誰
植翠袖當風還自怯黃沙紅芳炤眼驚春盡金
縷緣頭惱鬢華五味為君思齊和敢將零落怨
天涯

其二

紅燈焰焰覆茅茨卻炤春衫黯自疑曾是芳菲
依上直可憐攀折贈將離綸閣舊侶蒼苔在僧
舍新愁白髮知漫道謝公詩句好翻階先咏萬
年枝元之詩序云紅藥當階
翻自後詞臣引為故事

其三

五侯簾幕競萎蕤驛騎殷勤寄贈時夜燭去辭
紅豔除春風來乞曉粧詩雕闌墮珥辜新賞金
屋餘香認舊枝其怪宮袍長放逐君王不要賞
花辭牡丹初號木芍藥蓋本同而未異
也太白雖賦牡丹亦假借得使

寄題秦和蕭伯玉春浮園十四咏

柳溪

煙著層層柳雲生面面溪欲尋垂釣處咫尺使人迷

公安亭亭在老樟樹下

嘉樹閱元宋芳名有譽處嗟彼雕朽質吾亦有老楮

金粟堂

禪罷月當戶酒醒香滿空寥寥桂花意榮落任秋風

芙蓉池

蓮葉何田田花香蕩疏綺惆悵採蓮人歌聲隔秋水

嬋娟迳

亭亭千箇竹凜凜歲寒姿要見嬋娟質秋風粉落時

杯山

山如一酒杯湖水嘗灌注我好杯中物還來此杯渡

聽鶯弄

弱柳依依坐晴湖蒼梵聲道人曾破戒把酒聽啼鶯

宜月橋

風月新秋夜江山清露中
吹簫更度曲多此在橋東

宿雲墩

墩深雲所歸雲去墩仍在
却疑此非墩亦是雲變態

愚山

江聲噬山腰帆影掛樹杪
只疑船舷上欲戛山頭草

浮山

浮山山下水盡帶梅花
靛似憐梅清寒十里賜湯沐

秋聲閣

東風看酒汜落葉使人悲
不是悲秋士秋聲那得知

蕭齋

蕭辰坐蕭齋縱筆作蕭字
他年改精藍亦應號蕭寺

鳧閣

汎汎水中鳧安眠復徐引
君胡爲此閣知已問

詹尹

大韻荅楊補見贈

倦鳥暮林藪羈人念鄉里
中年哀樂多識字憂患始刺促復何爲
歸乘田閒未書麗估生計鶴料算食指休日諒未晚
拙政亦吾以息影依衡茅引竿向清泚君看懸屋車
豈復慮生耳

其二

微雨簾帷寂凝塵几榻靜
生面恍開卷熟客笑引鏡博奕爲猶賢
飲酒安用聖且理幽憂疾違恤膏肓病散髮謝東修
毀車絕奔迸聊復學農圃終當變名姓君能從我游
帶月鋤可竝

次張藐姑韻送房海客赴南吏部

薄游只在巖扃窺戶何愁屨不停
淮水月如官况白冶城草竝客袍青
物情或可饒苴子藥籠無多辨稀苓
莫向半山論舊事謝公墩畔雨冥冥

閏四月廿三日夢中作

柔桑覆籠綠耗耗密雨溫風正
養蠶門外銜泥春燕語櫻桃消息到江南

閩訟將結赴法司對簿口號三絕句

突兀沙堤棘寺傍莫將鈴索笑銀鑄台階今夜
占星象先看垣前貫索光

其二

毀冠策蹇路人憐拂面青蠅互撲綠猶勝諸公
埋詔獄一生不得到西天傷楊綴諸君子也獄中以法司為西天

其三

廿年史局歎他賸蠹紙成箱筆作堆頭白汗青
成底事却將詩案繼西臺

次韻菴姑送別

紫陌青雲未可論紅牋夢入舊慈恩到家秋枕
聞蛩語別路春風記鳥言身隱却憐明主棄
道窮還仗古人尊祝君努力匡時略安穩東吳
老灌園

二髯篇戲簡茸肅梅中丞兼呈兵部王尚

書左坊文中允

先朝昔煽亂婦寺據肘腋四海一應山奮髯相
抵格身糜若盧獄禍蔓萑蒿藉自從楊髯死士
氣久沈汨婦寺有遺種螟蠕禪龜魄靈狸雌雄
并異物志云靈狸一體訓狐朋扇劇韓詩射訓
奴自馮陽故能婦人訓狐朋扇劇韓詩射訓
朋自馮城復依社夜出而晝匿冠蓋滿長安昨

指空歎喏在東畏蟬螻連卷避雌霓矧彼叩頭
蟲向火乞餘矣堂堂髯司馬中樞屹柱石長身
出班行正氣噴交戟暨暨髯中丞輪困肝膺赤
又書來酒泉忠憤壯羽檄舉朝何蚩蚩低肩戴
中慟賢哉此二髯庶不負頭額人生稟陰陽鬚
者陽之液髯多得陽剛其人亦岸客所以婦寺
流願頷如脯腊何用拔鬚眉天雋芟與柞我鬚
苦不修攬鏡頗不擇既羨綠坡竹又愧春田麥
黃香貢髯如辭離離若綠坡之竹鬱鬱若春田之苗猛欲施錐鑿穴竅自
穿刺馬尾非族類顛毛又狼藉旁人向我笑笑
我目論窄徒以髯取人子羽恐貌失二髯固絕
倫髯奴還見責不見文官相亦是無鬚客作詩
寄中丞捉筆笑啞啞遙知發函時掀髯墮冠憤

牧齋初學集卷第八

崇禎詩集四起已巳六月

出都門口占寄蕭伯王

同日南遷客前期潞水棹不知蕭伯王底事尚
京華赤日燒肌燼蒼蠅聒耳諱想君消受得猶
未苦思家

潞河別劉成仲廷諱吏部

別緒鄉心浩莫分潞河風雨帝城雲能寬放
棄惟良友未忘京華馬聖君衰髮數莖還去
國秋風一葉又離羣渭城歌罷休垂淚逐客頻
年實飽聞

潞河舟中夜坐荅茅止生見贈

浪湧波喧絮語聞燭花無焰夜初分奕棋國手
誰論我杯酒英雄敢竝君牛馬旋迷新漲水魚
龍還感舊噓雲他時重聽西窗雨記取孤舟潞
水濱

六月廿七日舟發潞河書事感懷寄中朝

諸君子凡四首

回首觚稜又夢中鳳城只在五雲東情懷黯黯
歸雅日踪跡差池去燕風天下安危兩司馬臨謂

邑古水人公人閒出處一飛鴻素衣待放還三宿未
忍驅車泣路窮

其二

黃金臺下士縱橫側席何人副聖明紫閣虛傳
聞禁漏白麻速欲下延英沙堤銀燭兒童美火
齊金盤道路爭極目中條山色好隱居吾欲訪
陽城

其三

聖德軒圖可比倫明廷屈軼正嶙峋流傳諫紙
臺生色突兀班心國有人是日見公安反舌春
殘休發口訓孤月白自謀身憑君傳語昌黎叟
載筆無煩論爭臣

其四

信宿辭朝奏數行封題和淚進明光三家邨
裏人仍在一葉舟中意儘長老去惟應思帝
力窮來只合掉書囊熙朝不數貞元日敢效忠
州錄古方

中條行已巳六月

君不見中條山陽城昔日曾閉關白衣微起作
諫議脫僑就職無慙顏月俸計口送酒媪諫紙

疊置空箱閉歌呼痛飲夜連旦醉臥客懷不聽
 還貞元奸佞不可當白麻旦夕宣朝堂忠臣延
 頭待誅廖宰相懼伏眠如羊中條山人起伏閣
 延英門上飛風霜諫官叫天爭喧喧金吾萬歲
 聲如雷延齡不相陸贄免奮臂坐使唐天回乃
 知醕酏不言有深意務欲撥棄細碎爭崔嵬我
 過中條山念君如宿昔君名長比條山雲君心
 尚似條山石一代相知李鄴侯千年涕淚避賢
 驛避公諱名為避賢驛思君不見可奈何避賢君
 一賦歌主客君不見長安碁局日紛紛著眼爭
 如局外人若無衡嶽爐邊客誰向中條訪隱淪
城隱淪洲之中條山李泌為相舉為諫議大夫
 非鄴侯不能知道州鄴侯之舉律及

鼈蟲

慨舍都門外秋隘類鼠穴土炕楮前楹甌甌累
 後闌炎歊氣彌蒸溝澮惡不潔凡百蟲與豸因
 依作巢窟有蟲蟻蟲類厥狀肖惟鼈形圓脊微
 穹蒂介儼環列多足巧於緣利嘴銳如鐵伏匿
 床第間夢嚙伺悅習襲肌陷針芒噉血恣剗剗
 橫喉方如錐墳起已成凸不禁膚爬搔猛欲手
 梓械倏若捷疾鬼驚走在一瞥都無翼撲緣不

聞聲僂胥近或匿枕衾遠或走柶案明或潛帷
 幔隱或據衣袂逸床何處搜拂菁誰能徹兒童
 偶批摑經時臭不歇未足快俘獲徒然滋嘔噦
 我坐環堵室屏居謝朝謁方當病幽憂又復遭
 螫蠶睡少不耐嗜皮枯豈堪蜚逝將謁上帝精
 誠訴餐餐綠章方夜奏天門還晝閉巫陽顧我
 笑子亦太薄劣胡然扣閭闔除此小蟲蠶歸來
 焚奏章束裝遂南發從容理席薦瀟灑振巾屨
 揮手謝鼈蟲且與爾曹別如何韓退之得官喜
 見蠹

滄酒歌懷稼軒給事兼呈孟陽

君初別我新折柳歸帆約載長蘆酒今我南還
 又早秋也沽滄酒下滄洲輕舟一葉三千里長
 瓶短甕壓兩頭與君去國如去燕一水差池不
 相見滄洲蘆花如雪披滄水東流無盡期滄州
 好酒瀉醅白炤見行人鬢上絲東臯秋清月舒
 彩西湖採蓮歌欸乃期君開懷酌滄酒醉拉程
 生戲墨海

七夕四絕句

月帳星橋雲髻鬢經年怨別淚潛潛憑君莫道

天河闊只在盈盈一水間

其二

虛將黼黻擅朱顏咫尺星河斷往還但使牽牛能伏軛更將餘巧乞人閒

其三

雲堦索莫暫經過素手依然弄玉梭賴有七襄機度日不然其奈九秋何

其四

牽牛求配苦蹉跎織女機絲惠巧多烏鵲可憐無一事頭童尾秃為填河

屬章給諫房侍御諸公為余牽連謫官者

過臨清追昔游有作二首

丁字簾幃不下鈎疎疎微霰點紅樓明粧促坐生春色畫燭嬌歌蕩旅愁油壁小車爭自至紅牋名紙妬他收而今只有垂楊在秃盡枝條擦白頭

其二

倦游還憶壯游人蓆帽輓車二十春醉捲白波輕酒敵笑拈紅袖比花神芳顏老去為商婦旅鬢窮歸有角巾為問長干新樂府壁閒誰與拂埃塵

初稿云長干樂府傳商調短髻風流判角巾粧閣歌樓休借問玉顏約略已成塵

長干行 附錄

萬曆己酉十月偕計吏過臨清新安何周無黨邀谷范兩名姬置酒勝流歛集燕賞淋漓樂美人之目成惜雲英之未嫁醉後作長干行題於北里谷氏之壁閒凡二百八十三字明日同席者傳寫其藁乃錄而藏之篋中名士胡胤嘉沈守正胡潛皆屬和焉

長干女兒爭妖饒秦淮一曲水亦嬌複道迴郎映佳麗六朝楊柳秦時潮美人如花活花裏嬌憨那復知作使臨粧懶學文君眉當筵解勞薛濤紙馬家楊家最有名但看一笑俱傾城按拍何人嫌曲誤留權若箇便粧成江南是處矜花草渡江但說臨清好燕趙佳人真擅場摧殘苦向風塵老賈胡多錢儋父臭秦箏吳歎等閑奏小范空餘林下風谷生枉自閨房秀拂袖低迴策蹇歸踪奴草具唱歌時陌頭白汗薰香粉馬上黃沙與畫眉目成不忍惜歌舞顧影那堪淚如雨江南小草花不如江北名花暗如土人生遇合總悠悠此

夕相看黯欲愁服底娉婷俱未嫁忍看溝水
東西流劔花崢嶸眉黛濕玉釵欲掛銀缸泣
促席行杯露未晞歌罷長干盡於邑君不見
馬家池館傾摧久長橋已圻祠郎手江南樂
事亦易闌經過且盡杯中酒

萬曆己未李三長蘅下第南歸尹二孔昭
為詩送之有云海畔逢錢大叮嚀莫作痴
念故人贈處之義每為涕洟今年春長蘅
又下世矣法然有作書示兩家子弟

哀樂中年自不堪每嗟詩句重開函叮嚀苦語
還錢大收拾遺文到李三交友旋如頻剝荀身
名聊似半僵蠶一言贈處非容易囑累諸孤莫
漫談

舟行四首

南浦思勞勞陂塘秋漸高旅人逢古渡落葉下
亭臯世事悲紈扇機心笑桔槔潞河千折水極
目不容刀

其二

斷岸蘆抽白斜陽蓼褪紅舟行秋色裏人在水
聲中掠燕經殘雨吟蟬趣晚風陰蟲休切切已

是白頭翁

其三

頻年諳放逐盡室苦漂流蓬掩孤燈雨蟲吟一
葉秋身堪充水手相合配軍頭一笑殘生事開
尊倚舵樓

其四

昔雨今還酒滄桑盡日移出雲山意懶經暑岸
容衰噩夢驚蟬斷銷魂折柳知經過齊故國三
宿亦濡遲

阻舟安山閘

北河水澁河流灣百步一曲如回環南河水流
閘滿地十里一閘閘晝閉扉門迴似天門高沙
衝石擊水怒號閘官如帝卒如鬼尋丈限隔喧
波濤闊河茫茫陵復谷瞿塘灑灑瀕起平陸千桅
倒眠百榜停一葦安能恣馳逐就中有人殊灑
然朱黃自點秋水篇臥起船艙宛齋閣細聽閘
水疑礪泉舟行胡蹇車胡疾人生隨身只兩膝
長謠獨酌聊復爾坐久鈞簾月東出

團扇篇

合歡團扇美人作輕雲如紈雪如素裁成顧免

舒月波畫出乘鸞向天路美人容華傾六宮含羞却弱嬌且慵自分團圓變賽明月豈知搖動生秋風碧天一夜秋如水炎涼盡在君懷裏不怨秋風坐棄捐却愁明月長相似秋來明月正嬋娟別殿長門是處懸從教妾扇經秋掩但願君心竝月圓君心如月不可擬妾扇團圓那忍割可憐團扇無蔽虧不比清光有盈缺奉君清暑為君容莫道恩情中路空蛛絲蟲網頻垂淚還感君恩在篋中

張子壽賦白羽扇云縱秋風之移奪終感思于篋中蓋公懼李林甫之說而作

濟上逢總河李侍郎若侍郎與余竝遭逆

奄之難余以閣訟再謫執手慨嘆兼示嶺

南詩卷感今念往率爾成篇

執手俱為未死人參差病鶴記城闈畏途趣我歸田數殘夢從君度嶺頻往事依僮驚背索新詩灑吏喜書紳臨分苦語應須勉領略風波要此身

七月廿三日舟過仲家淺牒戲作長句書

李文正公詩卷後

成弘作者誰其選茶陵落筆成瑚璉先民大雅

存典刑後輩輕浮棄永雋我行篋貯麓堂詩今日舟經仲家淺牒門崔嵬不似昔頑石半泐水聲泫橋摧檝倒儼號咷船月低昂想仰倪摹畫景物詩有聲雄快壺似并刀剪公生遭逢休明世不出國門步鼎鉉官壺法酒草詞頭玉堂大字揮禁扁生平困踣此牒邊聊用作詩志小蹇嗟我不辰逢百罹五年去國兩乘編津吏面生呵單行長年眼熟笑重趼關河鹿鹿舟作蘆津途涓涓水在甌百場上水一下灘十度扣牒九閉捷舟行過淺一嘆嗟酌酒蒼茫酌濟沈酒酣伸紙繼公後詩成自笑筆力輒

牒吏效韓文公蘆吏而作

南行逾三旬閒關渡濟水河乾牒如織牒吏數呵止我舟似倦鳥塌翼次牒傍牒吏殊嵬我稱奴列前行傍行皆去聲讀問我何官職今去將何之恭承牒吏訊捧手前致辭登朝多頤頤五載兩放棄春明席未溫秋衾夢長悒單車出國門行行歸東吳豈知遭梗塞扁舟委泥途牒吏莞爾笑官言無乃頗官行良多梗梗不在牒河牒河官雖卑啓閉實所司上水及下灘一一各有宜官

船排鴈齒糧艘綴魚貫要津豈容據橫流詎能
 亂疾如離弦箭遲如上阪車天時與人力參錯
 如槎牙亦有一韋舟衝風便遠逝有力負而趨
 賢愚豈同滯人言仕宦海險絕比瞿塘小牐牐
 關河大牐牐朝堂關河尚自可朝堂愁殺我風
 波難揭厲關鍵慣連瑣官今此水邊刺刺苦隋
 厓何似朝堂上一步度一牐官其少須臾安坐
 須牐閒揆袍會有時無為苦喧逐叩頭謝牐吏
 天遣吏教僕譬如伸隻手推我魘夢中身如黃
 楊木節節厄閨年我命有節度不獨世世連團
 團推磨牛總在陳跡內過牐且勿忻遇牐且勿
 憤游魚脫釣釣不復口喁喁高眠到曉漏蓬底
 月監監

舟發泃溝

舟子招招發櫂歌新秋佳日似清和浪花聚處
 團雲影荻葉開時剪水波掠燕當風成曲折驚
 魚沒藻起盤渦濯纓自與清淮約不用臨流嘆
 濁河

臥起

臥起蕭然雲水鄉閒看日蔭弄朱黃窻楞白紙

紫香篆簾影清流潑硯光木葉波還生近渚漁
 歌風欲起斜陽不須更作滄江夢淺水蘆花興
 已長

阻風滿家灣

弱纜難爭萬里程黃河東岸一舟橫潮來陣馬
 如分勢風急檣烏自作擊柳市三家成小聚桃
 源數里得虛名歌竿側掩非吾事坐看千帆盡
 日行

題淮陰侯廟

淮水城南寄食徒真王大將在斯須豈知隆準
 如長頸終見鷹揚死雉狗落日井陘旗尚赤春
 風鍾室草膏朱東西塚墓今安在好為英雄奠
 一盂信母墓馬東塚
漂母墓為西塚

過淮上二絕句

漂母祠堂落照邊城南垂釣故依然君看市上
 紛紛者何限淮陰舊少年

其二

烏盡弓藏事惘然英雄終不受人憐生平跨下
 能蒲伏只是羞隨噲等肩

後飲酒七首

停棧買滄酒但說孫家好酒媪爲我言君來苦
不早今年酒倍售酒庫已如掃但餘六長餅味
甘色復縹儲以嫁嬌女買羊會鄰保不惜持贈
君君無苦相黷塗滌泥活活僮僕手持抱鄭重
貯船艙暴富似得寶明燈吐新花夜雨響秋草
君如不快飲負此酒家媪

其二

攤書晝日臥流觀范曄史可憐齊武王大業困
蟲蝥赭汗擁牧兒刮席奉更始終令田舍翁應
符作天子達哉蜀婦言朝聞可夕死載尋黨錮
傳談虎欲擊齒杵臼貯心胃撞春自觸抵呼兒
浮大白爲我澆塊壘飲酣發酒悲泣下露泥泥
上爲劉伯升下爲李元禮

其三

驅車出春明辦嚴不宿昔故人憐我去追餞城
東陌烏帽去已遠白雨泥盈尺登高共凝望癡
坐到日夕我行感離羣聞此長嘆息孤舟雨濛
濛落葉風策策因知故人心念我獨行役一杯
代酬勸亦復進脯腊心口相勞苦手腕互主客
願因西北風寄聲故人側酌酒如見君無爲苦

相憶

其四

春風來優柔取次土膏脈鳥嘯花茸茸冰漸水
拍拍秋風颯以緊搖落在片時甫下洞庭葉已
折庭樹枝春風類膏澤著物光融融能增綠鬢
綠轉使紅顏紅秋風多慘悽中人如痲痞薄寒
膚疹粟增獻體伸欠我本悲秋士又作秋風客
蕭然命尊酒慰此風雨夕一酌解煩醒再酌生
芳菲三酌景風至熏然襲裳衣大哉造化力四
時適平分至哉醇酒德斟酌回陽春

其五

孤生踐駭機薄命輕秋豪天地爲洪爐燎此一
牛毛流言浮巨石積毀銷脂膏自分老頭顱碗
靴寄歐刀介恃 聖明主奉身歸蓬蒿自茲保
兩手安穩持霜螫何以明 君恩瓦盆傾濁醪
一斟又一酌載詠康衢謠

其六

清辰開酒罍有物如凝脂團團相糾結輪困復
葳蕤矧眼截如肪觸手滑如砥嫩如小兒掌甘
如妃女餽馨香捺鼻舌三嗅涎流匙罍頸僅容

指膏乳非人爲浮蟻不足言無乃真肉芝或云
酒之精汎益脫糟醕醞釀金王漿氤氳結旣甄
服之爲列仙匪獨可療饑事雖不經見此理誠
有之酌酒自慶喜醉倒成鴟夷

其七

我飲非大戶頗自嫌甜酒雖無滿座客亦能致
好友不招惡客來一任窮賔走富歌每分夜醉
花自宜晝厭厭復陶陶意不在五斗渴飲刺卷
波叫呶沸招手醉在木杪坐吐向車茵嘔譬如
登徒子可謂好色不我欲定酒律訊彼醉鄉叟
此叟方若芋頰然指吾口

八月初二日渡淮

秋老長淮草尚青孤裝搖曳一浮萍關心舊雨
還今雨回首長亭復短亭泛槳宛如窮估客懸
車卽是老明經到家慈母應相慰白髮新添又
幾星

淮屋記淮安太守許同生作淮屋之事也

淮人作蘆屋縛蘆爲桷椽甍擊省塗墍樽櫨無
刻鏤結構樸而雅庀治廉且便許君守淮陰但
飲淮上泉歸來結淮屋亭午猶醉眠人言蘆爲

屋嘗恐火誤延建章三月火豈亦蘆使然又云
不耐久風雨易漏穿此屋如傳舍次公豈非賢
竹樓安在哉其名至今傳

露筋廟

露筋夫人明且賢周南三復行露篇血肉朽腐
任啖咋冰心玉骨終皎然炎風火雲滿天地長
夜漫漫何處避貞女能將軀命輕飛蟲自得齒
牙利君不見花鷹宿鳴動成羣暮拍朝驅愁殺
君高郵湖水通平望東有吳興豹脚蛟

高郵道中簡顧所建

水蘂風荷一片秋竹西歌吹近揚州瓊花何處
尋殘夢明月還應記昔游負未我今歸谷口鶯
弓君莫問壺頭試從覽社湖邊看可有明珠引
釣舟

牧齋初學集卷第九

崇禎詩集五 起巳巳八月
盡巳巳辛未

巳巳八月待放歸田感懷述事奉寄南都

諸君子四首

留都文物漢西京虎踞龍蟠集俊英 高廟神
靈嘗陟降中朝佞倖敢縱橫瑣闌月白鍾山曉
烏府霜寒淮水清望盡浮雲天北極長安應見
秦階平

其二

舊京清議仗羣公驛騎橫飛諫紙風拜表日行
黃道裏焚香心在綠章中唐麻感激排狐鼠漢
黨分明辨駟鴻 主聖特清還努力 孝陵佳
氣正葱蔥

其三

三老衣冠在白門清朝麟鳳尚郊原積薪國有
優賢意碩果天遺舊德存安石流風傳賭墅半
山陳跡說爭墩金陵歷歷前朝事退食還應一
笑論 三老謂司農鄭公三俊大憲
陳公子廷大理徐公良彥也

其四

白浪橫流捲濁河餘生剛比一毛多羣公正議

排闥闔 聖主深仁解網羅小圃春陰閒汲甕
孤舟野水老漁蓑輪囷尚有心期在獨倚樵風
寄浩歌

反東坡洗兒詩巳巳九月九日

坡公養子怕聰明我為痴歎誤一生還願生兒
環且巧鑽天驀地到公卿

宋比王過訪虞山將別以六絕句為贈

落葉蕭蕭響徑莎兒童却掃遲相過看君漫滅
懷中刺恰稱閒門有雀羅

其二

突兀長篇賦荔支主文譎諫起人思歌樓酒壁
從揮灑且莫流傳諷諭詩 此王賦荔支長篇有
樂天諷諫之遺

其三

五斗酒應饒下物八分書足張 去
吾軍疎窻小
閤初冬夜月落歌殘可少君

其四

吾谷丹黃似夢中經過每欲吊西風詩朋禪侶
凋殘後也似霜林幾樹楓

其五

嗒水休為長鉞歌州民地主遲君多南翔便是

西州路匣硯囊琴忍再過南翔李長 衛所居

其六

茸城寒月正如規列屋傲歌鬪十眉寄語主人
應醉客莫嫌宋玉有微詞

比玉將行次前韻留別再和六首

幾樹梧桐一徑莎君行剝啄少人過衡門兩版
堅如鐵不用門前更設羅

其二

陳紫姚黃品荔支謫官風味正堪思對君畫筆
流涎劇况味梁溪斷送詩李忠定謫沙陽有畫

黃又詩云不知誰是善知識斷送歸來食荔支
比正畫荔枝應徐小閣中見之者以鳥可旋捕也

其三

三杯自可觀觴政一日那能廢酒軍莫道醉鄉
無史牒酒家南董定推君比王方 修酒志

其四

十載清游在眼中霜林共惜小春風白頭伴侶
三人在約略心期愛晚楓孟陽楓林連比玉詩
莫發小春花信風去今十三
字同洪李長蘅僧等慈皆沒

其五

手自鳴琴客善歌淋漓潑墨酒邊多璫花珠月
如相待便似當年老鐵過

其六

畫船携得硯如規會向春紅伴畫眉珍重朝來
遠山色小鸞休咏白頭詞比玉載宋硯甚富小
鸞比玉妾也

之

比玉許再和前韻長至日蚤起復書此趣
斗柄瞻相手自莎經典釋文頌
潤翁接莎也人閒屈曲偶經
過笑君尚護仙人短顧我依然口縷羅比玉書
來噴余

屏廢
故云

其二

踏遍炎荒喫荔支輕紅旋摘也堪思梁茂詩云
輕紅旋摘
不如且對臙脂畫菜几湘簾賦小詩

其三

落魄風流迴不羣酒場騷壘自能軍微詞若道
無人解何事登徒也識君

其四

吳儂難得到閩中想象生香是捉風脫略味香
單說色判他紅荔似丹楓

其五

茸城聽過後庭歌
遠憶梅花拂水多
一樹莓苔數枝雪
凌寒著藥待君過

其六

北嶺參差露半規
西山重疊隱修眉
登樓何限思君意
簾閣焚香讀楚詞

次韻何慈公歲暮感事四首

薊北兵塵逼暮冬
菰蘆愁殺老吳儂
龜剗但爲知人事
蟻鬪誰能壯國容
拔宅升天還有路
乘桴入海欲何從
殘生顧影真堪笑
好笑非關學士龍

其二

梅信差池鶴夢寒
傍簷聊喜鵲聲乾
途窮白髮猶難放
身老陰符已不看
南海騎麟真漫浪
東門逐兔枉悲酸
齋鹽且喫殘年飯
兩耳那堪著箭瘢

其三

空堂莞結正幽幽
韓詩空室幽幽有結有莞
高枕慙非抱膝流
老去童心還似少
春來蓬戶只如秋
硯澌凍合愁南牧
斝酒香濃念北郵
寒瘕頗思龜手藥
百金安敢覲封侯

其四

風雨漂搖不可當
清虛宮裏日差長
關碁小試行軍法
撒豆頻誇却敵方
閒逐鄧林搜棄杖
戲禁滄海學栽桑
險竿兒女西涼伎
贏得先生一哄堂

野老

野老心終恨虜驕
扶藜咄咄步中宵
卽看露布來京國
無那雲林遠市朝
筵卜頻煩欣竹算
鏡聽瑟縮長詩妖
輟耕今日欣相告
嵩祝仍趨誕聖朝

讀史

班史才繙又短長
閑鑽故紙費商量
死人豈必無生術
今病何曾乏古方
種漆樊侯知備豫
解絃董子會更張
空齋白日聊成夢
一笑依然看屋梁

庚午二月愁山大師全身入五乳塔院屬

其徒以辦香致帛奉述長句四首

隨山如乳五峯垂
一塔巋然掩導師
面壁朝來仍入定
藏舟夜半已潛移
影堂落月明燈在
刻漏穿花響梵遲
莫問阿師聲後句
臥龍岡水繞

堦輝師臨終不作偈有學人至添蛇足故云

其二

如王氣宇更誰先
蹴踏平欺龍象筵
斷取陶輪憑手掌
破除彌戾等雲煙
空山月炤苔龕裏
春日鶯啼石塔前
猶有六時喧瀑布
諸方驚倒野狐禪

其三

龜毛兔角不須疑
千偈瀾翻信口為
支遁何妨通義學
遠公原是老經師
周續之與雷次宗同受遠法師詩義見詩義疏
冰山瘴海埋身處
木索冠巾說法時
讀罷豐碑度林樾
香爐峯頂月如規

其四

猶憶拏舟夜別師
胥江水落月斜時
草堂未踐青山約
蓮社空餘白首期
坐斷風雷成小劫
夢回甲子看殘碁
傷心誰繼蕭夫子
謂宗伯宣化公也
為斷曹溪第一碑

贈廬山知微長老

大師昔陷若盧獄
長老一身視饘粥
大師今埋五乳峯
長老六時司鼓鐘
死生形影不相捨
長老為雲師為龍
大師石塔何崔嵬
影堂正向廬

山開焚香掃地坐
復臥臥聽瀑布如崩雷
塔裏明燈嘗不動
塔前青松手所種
若問長老年幾何
長老身心盡如夢

贈之

瓜山沈老居北郊
茂瓜丘老而好事賦
以中裁白氎杖紅藤
丙舍青山近可登
叢桂秋風生北郭
種瓜朝日曜東陵
繁華眼底看巢燕
雙鏤眉端想臂鷹
老去光明須記取
祝君嘗此佛前燈
沈老深目高額里人有燈之目故戲之

戲為拂水築臺歌贈嘉定夏生華甫

拂水山高屋庠下
况復蒙茸隔林莽
牆外青山自矗立
招邀未肯入庭戶
徙倚觀山意未愜
何繇收攬得十五年
疊石為此臺面勢軒敞
恣所取向背數步藏曲折
位置羣山就仰俯
劔門闔扇手可排
石城雉堞指能數
此山與我非生客
欣然故人覲肩宇
蜿蜒似可下枕席
傲兀頗欲分笑語
登臺四顧咸歎息
問誰築者夏華甫
夏生豁達俠者流
酒後槎牙出肺腑
為山一貫雖細事
如登將臺握齊斧
山氓蚩蚩園丁笨
轉圓闢筍類搏土
刻漏立表各命工
能驅市人東

部伍輿謗聲聞畚築罷獨提巨石手撐柱不頹
執杖爭用命日盱奮迅逾亭午又如大將督戰
陳身先士卒共甘苦人言夏生菜臺好生也俯
躬但偃俛指麾幸有松圓老敢貪天功僭旂鼓
此意逡遁人豈知說禮悖詩聞自古君不見東
方獨奴躡畿輔去年血濺蘆溝橋今年塵暗平
灤土朝廷將吏盡賈豎天子拊髀思文武夏
生夏生吾惜汝投石馭衆氣如虎何不置之遼
永閒付以長繩縛騎虜

夏日偕朱子暇憇耦耕堂次子暇訪孟陽
韻三首

面湖軒敞背山深小築依然是故林清簟看甚
方丈客等慈師居山中縛神之暇觀茶至夜分
玉陽詩云影堂月落衆鳴咽無復味兼
看矣夜燈聽雨十年心遺民老似孤花在陳跡
閑隨舊燕尋擬著此中棲逸史遠從虞仲到於
今

其二

艱危閱盡想方袍收拾殘生避豕豕一酌春醪
營我老千章夏木爲君高圖山墨漫西湖雨煮
水茶生北碕濤稍待秋風到蘆荻共尋蟹舍上

魚舫

其三

澹景芳陰梅雨時過雲相訪少人知紅稀舊圃
羣蜂去青暗重林碩果垂澗底流泉穿石急松
閒明月出林遲他年終作三休侶乘興先爲結
隱期

干將行庚午五月十三日
傷臨邑司馬而作

君不見莫耶之劍缺黍米姑蘇梧桐臥流水莫
耶舊恨今已矣又見干將死獄底干將鑄時先
屬天百神下降蛟龍纏鬼怪相戒匿形影攙搶
不敢爭妖躪可憐劍氣一朝盡黑獄沉沉埋血
燐牛斗變化知何日貫索光芒竟誰問君不見
延津龍去有餘悲還憶吳宮麋鹿時無復湛盧
誅宰詬爭傳屬鏤賜靈胥

贈張五叔維

幾枝檉柳半床塵門外青山過雨新送來僧來
嘗共食乞花客至已忘貧屋如韓愈詩中句詩
破屋數間而已矣身是王維畫裏人一曲洞簫判盡醉
桐華滿地月如銀

崇禎庚午中秋日拜觀睢陽五老圖敬次

杜正獻公原韻

鬚眉中屢盡高閑瞻拜修然整敝冠舊德至今
傳五老豐碑何用視三桓枝茅事住風猶在舉
網謀成骨已寒嘆息昭陵還盛世儀刑長向畫
圖看

八月十二夜

憑闌風露浩難收旋覺清光在上頭橫攬煙樹
成小築平臨雲物見高秋時秋水閣初成與
五陽轉樺登眺月
穿窈窕山皆漏湖逗空明野欲流奪酒相看多
遠思蘆花如雪記滄州余去年過滄州
有懷五陽詩

十三夜

石城雲散暮煙收舟舟清光兩白頭坐久湖山
皆得月望窮天宇始知秋浴鷗汀渚曾層出沒
鶴溪田淦淦流盃酒勸君成一笑長鉶那得更
滄州

十四夜留吳門下潤甫

傍嶺新成駐月樓客來恰喜值中秋苦多風雨
催君去借少湖山為我留滄酒淡堪澆小戶漁
灣淺可繫扁舟劫灰金虎繁華夢莫對佳晨憶
二丘

十五夜不見月

兔遠蟾高不用愁浮雲只在屋東頭雖虛澗灑
金尊炤却掩蕭蕭白髮羞栖鶴麝思北嶺啼
蟿清切近南樓更闌且對殘燈臥領略孤衾一
段秋

十七日雨中小酌即事

稻花風急浪花催湖外重陰積不開好客恰如
將雨至清歌直欲送愁來雲霾月窟千層合日
射山根一颺迴基罷燈殘北窗下秋蟲多處重
徘徊

嘉定李茂初風雪中自南翔過訪不值而

去留詩盈帙頃復枉和初夏次韻詩見懷
遂依韻奉荅首章傷長蘅之逝而末章則
期茂初之來茂初長蘅之兄也

嚶水池塘草又深檀園園柳蔚成林新桐但引

清晨恨長蘅檀園引新桐
鳥字名之曰晨露落葉空驚獨夜心佳

句見君還髣髴惟餘除夢可追尋劇憐一掬南

翔淚兩度西風忍到今

其二

百里巖風刮敝袍吟髭凍合想抽象論交自為

冰霜苦煉句偏於寒餓高滄海我真愁須洞菘
蘆君亦嘆波濤斜風細雨松江路蓑笠何因共
小舸

其三

蕭閒山館晚秋時風物還堪報子知楓葉三分
霜點染荷衣十字雨低垂縣流礪合泉來早傍
嶺樓成月去遲相訪不須愁剝啄應門雙鶴有
前期

眼鏡篇送張七異度北上公車

西洋眼鏡規璧圓玻璃爲質象絢緣千年老冰
出玉淵巧匠消冶施刻鑄薄如方空吹輕煙瑩
如月魄濯清泉惟燈簾閣對簡編能使老眼回
少年蠅頭蠶尾如兒拳羗虱豈必非輪懸賈胡
贈比黃金千伴我綸閣今歸田短檠曲几相周
旋無復椽燭輝金蓮免園敵兩齧且穿礫碎離
勤蟲魚篇此鏡失職吾所憐摩娑三嘆夜不眠
張允偕計北上燕東芻糗絲當贈鞭侑以此物
非棄捐如蓮美女詒朱鉛萬蟻戰酣晝日殷五
星明聚夜緯聯春蠶食葉秋毛旋此鏡燿燿開
蓋纏目光如炬筆如椽六丁下取奎避躔春王

三月花嬋娟紗燈玉斧聽臚傳萬言長策貢細
旃閣老次讀當御筵君家金鏡此其先天地章
先宜節宜有鏡覆目光乃全惟皇聰明曜八埏
冕旒蔽明垂遂延知白守黑通重玄眼有瘡膜
得鏡燭如燈能炤日月偏竝觀兼聽無愚賢不
見煉石能補天老農潦倒牛背邊負日欲獻無
因緣長歌此詩風謠然願君採進重踵前

同徑山僧出郊看紅葉

烘日蒸霞萬樹堆石城應作赤城猜駐顏青女
能相待試手天公又一迴斜炤樓臺疑罨畫晚
風蛺蝶誤遲回老僧住近臨安路錯認漫山錦
繡來

十月十七日偕孟陽茂初步至寶巖灣楓

林爛然因尋故人瞿元初墓徙倚寺前石

橋作短歌記之

谷林之西石城東竊紅殷紅燒去秋空誰知寶
巖灣更好四山合脊藏千楓呀然一徑通窈窕
流丹絢赤相蔽蒙護惜霜風起屏幃包裹錦繡
圍房櫳我來步履如相引炤眼灼爍驚芳叢忽
如漁郎造花徑緣溪瞥見花茸茸又如天台山

匡叵好女離立矜春容煙林向背亂朱碧日景
穿漏皆玲瓏背日丹楓畫不出坐臥彌覺此語
工道旁宿草故人墓黃土正掩紅葉中追憶生
平腹痛語安得孟酒澆蒿蓬人言此墳古塔址
指點丘垤看寵從白楊蕭蕭響空谷長似鈴鐸
悲回風沉吟感歎古寺側斜陽猶炤一畝宮寺
門寒水石橋下恰有一葉流殘紅

次日自拂水步至吾谷登南巖憇維摩寺
金粟堂飯後下破山過高僧墓與孟陽尋
等慈和尚葬處薄暮而返即事為詩語不

倫次

意行曳杖隨所騁遙林紅葉紛相請信步谷林
淩坡陀矯首維摩隈煙嶺惠不在天行即到一
笑欣然發勇猛追趨樵子牽犂确提掇裳衣避
柴梗携手反平晒僮奴喘失脚恐踏後人頂石
徑登登磐石出岫轉峯迴在俄傾老僧導我游
南巖巖踞山巔儼項領突兀盤杆列兩湖滅沒
煙塵生萬井灌木森如百頃禾俯視楓林背日
景丹丘錦城斯在下紛紅駭綠誰能整恍然生
身色界上累蘇積塊何足省虛堂像設禮金粟

空山精怪見銀杏淨名無言我亦默饑來且噉
蔓青餅辟塵塵試辨古石鉢揀芽約致新土茗齋
鐘撞罷尋破山松風颼颼四山靜笑揮篋輿却
竹杖判將老足試頑礦高僧墳畔僧族葬空心
潭下無潭影空門何用悲宿草吾友多情淚如
綆今年冬暄霜未濃丹楓爛結丹砂永殘紅恰
似佳人老夕陽更愛晚粧靚閑身良友好風日
天其以此慰幽屏清游無緒心自縈歸塗雲物
彌炯炯揮手且與山僧別多謝維摩老木癭

題李長蘅為吳生畫溪山秋靄圖

吳生遇盜事亦奇襍被囊琴暮雨時向盜乞畫
真癡絕盜亦欣然還擲之此畫經營良不苟老
樹槎牙怪石走豪奪巧取或可慮豈意魯弓還
盜手今年逢君書畫船收藏欲厭宣味編展玩
竟日頭目運更撫此卷心茫然水墨淋漓如欲
語眼中斯人定何許畫裏還看漠漠雲燈前自
聽瀟瀟雨詩腸淚眼半焦枯短歌偈塞堪盧胡
憑君更屬松圓老為寫江干乞畫圖

冬夜觀劇歌為徐二爾從作

金鋪著霜月上楹高堂綺席陳吳萸撞鐘伐鼓

催嚴更促尊合坐飛兕觥蘭膏明燭凝銀燈紅
花夜笑春風生瓊瑜瓠水光盈盈繡屏屈膝圍
小伶十三不足十一零金花繡領簇隊行行列
參差機體輕宛如魁墨登平城涉江朱菱發新
聲紅牙檀板縱復橫絲肉交奮梁塵驚歌喉徐
引一線清江城素月流雛鶯歌闌曲罷呈妙戲
俛童當筵廣場沸安西師子金塗背擲身倒投
不觸地尋撞上索巧相肯須更技盡腰鼓退西
涼假面復何在險竿兒女心猶悻滿堂觀者爭
愕貽人生百年一戲筭郭郎鮑老多顯悻今夕
何夕良宴會主人携酒坐客位秉燭歡娛笑惜
費舞水却卷光綵絳歌場尚圓聲搖曳眼花耳
熱各放意客歌未歸主旣醉

徐于王挽詞二首

夢雨庵中幾夜分綠尊絳蠟共知聞海棠小院
春深雨楊柳新詞日暮雲貧病不愁添白髮彌
留猶悵別紅裙與君花下多游跡但遇花時便
哭君

其二

相篋蕭然屏當時爲君閒理舊蛛絲蟲魚想像

旁行字香粉凋殘豔體詩廢園蜻蜓栖菜甲空
廊蝙蝠撲花枝秋來無限傷心處鄰笛斜陽又
一吹

贈新安汪景謨

汪精於鹽笑時僑居廣茂

十里紅樓映好春朱顏綠髮紫綸巾少年曾儼
龍頭客此日真成鶴背人后土祠前花似玉軒
轅鼎裏永爲銀竹西歌吹重城月爛醉從他淮
海塵

其二

閱盡滄桑鬢未華悠悠人世幾蟲沙憂時尚貯
桓寬論爲國空餘卜式家方朔舊聽金馬詔陶
朱終泛五湖槎迎仙樓畔多仙侶進酒應將棗
似瓜

庚午除夕次孟陽山中詩韻

除夜蕭條風雨晨庭萱侵雪旋生春爆殘竹似
蕉園稿時成神廟實錄告成故事實蕉園符換桃仍
華戶神不用署門辭過客也須謝竈請比鄰山
中喜有林逋在自與梅花作主人

辛未元日次除夕韻

凍年赴壑值斯晨歷落艱危五十春已與昌黎

真堪畏碧血藏來可化塵容鬢為君添颯拉心
期愧我尚輪困飄搖一葉知何處轉向秋風歎

此身

陳邑司馬汲於請室時復見夢故有李休崖之感

送南刑部侯主事入賀冬至節觀省其尊

人太傅公兼奔長公之喪

清時貴戚總能文瓊萼瑤枝孰並君觀省長安

元近日會朝冬至正書雲石城皓月懸鳩署易

水寒風掠鴈羣燕市停鞭倘相憶玉河落葉尚

紛紛

讀汪三遺民詩集

柳老鶯殘笑白顛長干遊跡尚依然閑尋舊句

如藏謎細讀新詩當紀年世事情騰中酒後交

情約略看花前曉來頻噴綠何事應為衰遲綴

此編江詩多列貴游余亦附名其間故有此諱

戲題徐元歎所藏鍾伯敬茶訊詩卷

鍾生品詩如品茶龍團月片百不愛但愛幽香

餘澁留齒牙徐郎嗜茶又嗜鍾生詩微吟短咏

爬癢處恰是盧仝飲到搜腸破悶時鍾生逝矣

徐郎慟吟詩啜茶誰與共生平臭味阿堵中生

作茶郵死茶供今年徐郎示我茶訊篇兼携好

茗穀雨前坐聽松風沸石鼎手汲雲浪烹新泉
茶罷還枕石欄眠沉吟茶詩欲泫然高山流水
在何許但見風輕花落紫茶煙我不解茶又不
知詩一碗兩碗天池六安茗一首兩首黃金白
雪詞情騰茗子良足樂清吟韻事非所宜還君
此卷成一笑何異屠門大嚼眼飽胸中饑

星士陳叟生子

老蚌珠光灼海東東臯佳氣正籠葱莫嘆問字

為遙集其母燕婢也故且有遙集之諱且喜呼名是小同與其父年

同取義更切也

辰雄三奇六合人誰曉湯餅筵前問乃翁

送人之廣東

客衣初授省裝綿南食秋衾楓葉邊不是之官

持漢節何妨過嶺歎貪泉兵依黃木占烽戍吏

映紅蕉望海船驛路逢人還問我為言霜鬢正

蕭然客先自嶺海回驛人多問余起居

戲題王德操小像四首

在家真可著袈裟七尺枯藤兩碗茶還有閒情

難忘却虎丘明月馬腰花

其二

靜夜然燈響木魚清晨餅拂赴精廬眉閒黃氣

緣何事新得蕭孃一紙書德標長肅入道與草未道人有世外之笑

每得草衣手跡籠置袖中吾見眉宇人望而知之

其三

也是詩人是道人等閒風月閒關身虎丘燒了

王儼嫁更覺枯禪氣味真

其四

龐公靈炤機相似道德伶玄意若何却怪畫師

非石恪不將天女伴維摩

辛未除夕

除夜柴門獨放閑新愁舊夢總相關半生心事

寒燈裏數載交游宿草閒懶聽比鄰喧爆竹笑

看童稚撞冰山春風一擢滄浪曲應占漁莊第

幾灣

牧齋初學集卷第十

崇禎詩集六起五年壬申盡九年丙子

壬申元日

元日幽居一事無雀羅寂寂到朝脯人教老却

衡門裡天為粧成臥雪圖時事總憑新燕子世

情只笑舊桃符停雲八表知何意且坐東軒進

一壺

人日得張藐姑刑侍書却寄

書閣摩挲嗅古香冰消現北逗春光蕭條歲序

逢人日迢遞音書到草堂天井烽煙新壁墨玉

關蒐夢舊風霜天涯相望俱頭白各對梅花說

斷腸

卜肆行贈毘陵周午陽給諫稼軒推重午

陽時時延致問卜故以賈生為喻

君不見雒陽賈生能籌國篋衍新書治安策痛

哭流涕長太息身逢明盛心偏側漢朝卿相疾

如讎讒言堆積成山丘填胸攢眉不稱意洗沐

出游長安市忽逢季主談天人伏軾低頭心欲

死世運箕風還畢雨可憐賈生心獨苦前席居

然荅鬼神長纓何日羈胡虜有人如鳳復如鴻

牧齋初學集卷第九

長笑端居卜肆中微言但託龍門史世主徒聞河上公

新安汪烈婦歌

君死妾亦死君往泉臺盍相俟君死妾暫存數日送君歸墓門君身已葬君有息妾下從君乃其職七日不食我何求區區寸心庶不食世間男子一種饑餓腸紛紛籍籍食粟如螽蝗豈如汪家新婦不食死千年梁黍堆廩倉吁嗟手首陽之風今已矣宋家枋得亦如此

題相士倪生卷子

二十年前識君父期我飛騰起雲霧祇今晚晚又識君霜毛雪鬢徒紛紛人生能得幾二十觀河皺面何足論為肩火色誠何有曷鼻魁顏戲已久誰令鄭圃還食豨但見魯門如喪狗勸君揩拭兩青銅相法如今也不同塵埃若欲知卿相先看顰頭鼠目公

寄荅廣東孫方伯恭甫

攤書潑墨笑窮忙散髮蕭然作報章閭筆為君嘗異味閑函知我熟名香清齋荔子充堂食長日蕉陰轉印床會得故人誨贈意披襟分取北

意涼

仲夏觀劇歡讌泱月戲題長句呈同席許官允諸公

泱月邀歡趁會期老夫罷罷也追隨可憐舞豔歌嬌日正是鶯啼燕語時中酒再霑年少病討花重發早春凝閒身好事渾無賴看取霜毛一番遲

其二

桐花風軟燕泥新一月歌場疊幾旬小戶權為衝酒客大家換作別花人追陪歡讌應賒老驅使風光莫較貧處處典衣鋪妓席知誰相笑又誰嗔

其三

選勝偏宜朱夏長追歡更覺白頭忙熟梅雨帶三分酒眠柳風吹一國狂飲劇好更新幟蠹曲喧休索舊宮商叫喚莫謾嘲長夜日月何妨在醉鄉

其四

眾中歌笑自言殊冉冉風光溢步趨點拍更誰傳滿子歸來但坐看羅敷青袍便擬休官在紅

粉還能入道無筵散酒醒成一笑髯絲禪榻正
疎蕪

負郭

負郭猶餘種秫田合歡長似在花前鳴夷盡日
嘗盛酒銅狄他時幾問年阮氏籍成俱作達公
孫朝穆故堪憐執盃持耳休辭醉笑口難逢正
月圓

壬申九月得萊城解圍報

山東盜方熾勦撫策禾分援兵頃不進瑟縮蟻
子羣萊人易子食督師瑱不聞 聖人赫斯怒
西臺遣監軍王生善推命勸我無憂謹謝君足
辦賊談笑行策勳旬日邸報至捷書果云云萊
城頓解圍登賊祇游魂惜哉王生術何不獻吾
君坐看肉食者薨薨聚蠅蚊空樓下梧葉颯如
實秋雲呼酒互持勸一笑日已曛

贈萬尊師

峨眉秘錄為君開又向天師受職來赤日吹唇
俄致雨青天燃手旋轟雷獄成百怪銜符至壇
輟羣神作禮迴莫為社公頻發怒人聞狐鼠正
喧

石田翁畫奚川八景圖歌

奚川八景圖石田翁為七世祖理平公及其兄
理容公作也二公家世畊讀隱于奚川撮其勝
槩釐為八景學士大夫咸歌咏之石田為補圖
而系之以詩然而家譜失載家人宗老亦罕知
者則其去吾家久矣廣陵李沮修見之於金陵
王氏詢知為吾家故物購以見詒百三十年之
後頓還舊觀焚香展卷欣慨交集遂作歌以記
之繼聲屬和竊有望于君子焉

吾祖舊題奚川景石翁為作奚川圖廣陵封君
好事者金陵購得歸于吾措摩老眼細睜視夜
枕不寐朝志舖恍惚移身入畫裏故園喬木風
景殊先從江邨見小市誅茅蓋瓦互架鋪洞庭
蝦菜朝走集新豐雞鴨暮識塗楊柳微風颺酒
幟杏花小雨提村沽市旁石橋枕江臥紅欄綠
浪臨交衢青箬裹鹽來浦漱綠荷包飯歸菰蘆
蒸徒欣欣如有喜倘免厲涉羣謹呼茅屋滄洲
自映帶書聲漁唱相縈紆江流無聲清夜永有
人引書仍挈壺蟹舍中閒訪隱逸牛欄西畔尋
生徒原隰坡陀似山麓行人才了通樵蘇千迴

萬抱風氣密中有兆域開青烏帝鄉白雲封宰

樹長江落日懸龜趺流泉夕陽昔相度江流地

勢原相扶柳溪竹里閑阡陌竹溪理容公所居

皆以自號築室穿池連路隅竹深堂高日清閱

琴劔彝鼎羅罷湯東谷記云中有琴紙窻攤

書宿燈火石鼎聯句皆笙芋堂中高咏者誰子

得非草窻東谷無草窻劉公濟東谷湯公規積

十子也贈送此圖盤礴非草草想見閣筆還

操觚有竹庄中好賓主有竹居石田寒冰栗玉

清眉須攜畫歸來水月舫七世祖有舟名水兄

弟賞鑿頻歎吁收藏豈之牙籤插愛惜寧將寒

具洿清平之世忠孝家有此識字畊田夫吾祖

風流良可繼子孫不畊且讀何其愚嗚呼不畊

且讀何其愚

再題奚川八景畫卷

榮木樓頭風日美秋光滿簷鵲聲喜百年畫卷

今來歸水墨清妍炤斐几焚香洗爵告家廟插

架懸籤壓圖史楚弓人得豈其然魯王盜歸安

足擬晴窻簾閣重摩挲吾廬宛在奚川淚吾家

先世事畊讀風光盡入此圖裏白雲迴合藏松

楸喬木叢檜識桑梓宅畔新成百步橋墳旁手

闢千家市良田廣宅互經營水坳江邨正邁迤

竹深堂前竹萬箇柳溪溪邊柳三起柳陰藹藹

連粉榆竹箭森森勝桃李連吟拒陌多種瓜樊

圃編籬不用枳野店春風魚菜來長江落日帆

檣止漁唱悠悠蘆渚閒書聲琅琅茅屋底憤背

或看書掛角庭前時見麥流水秋依月今戒登

穀春按幽風勸于邦輸租不憂擊鼓頌種秫每

詫罌缸侈綠樹長維書畫船青門頻倒逢迎展

高人談經日異帳好客哦詩夜同被草窻先友

茲崢嶸竹屋遺詩尚綺靡七世祖詩名竹深遠

承平王孫人共美文采風流更誰氏自從後世

占科第舊業依然枕江汜嗟余刺促催世網白

首孤生繫碁几二項負郭苦失計三閭老屋知

誰是故園門巷長蓬蒿西風罷亞生荆杞慵惰

有似僧退院漂泊恰如舟未艤布衣躬畊諒非

晚閉門種菜真窮矣垂老重看石田畫三嘆先

疇在故紙奚川流水想桃源竹深亭館思竹里

謝公述德吾豈敢右軍誓墓徒為爾已分殘年

老橙榭更囑添丁充耘耔往不可諫來可追矢

詩聊以貽孫子

東臯種菊詩四首贈稼軒給諫

君畀東臯田復種東籬菊王績與陶潛俯仰共
一屋東臯黃花時悵望節候獨陶今苦乏酒辜
負葛中漉美君浣溪堂秋菊繁盈目有花復有
酒閒筵招近局何須嘆荒寒已許占清福酌酒
酌兩賢如農祀先穀

其二

菊以黃為正君子正其名所以東坡老欲掃紫
與頰東臯千株菊畦圃吁未經單心複纏枝千
葉并萬鈴庶以說耳目何用撓品評節物苟如
此敢與時好爭高咏南山詩悠然想淵明

其三

胡廣患風疾休沐飲菊水八十猶克壯侍母謝
杖几庸庸撓大議公台負譏毀惜哉神仙藥遺
穢等馬矢靈均餐落英早沉汨羅死安知椒蘭
徒壽考非伯始種菊愛其芳紛紛且休矣不如
飲君酒共醉寒香裏

其四

種菊東臯上所喜秋露瀼移檻復列斛馥郁開

草堂叢菊如羣賢不雜屠沽行其中高秀者黃
不傲風霜對之不敢媿肅拜陳壺觴君為醒無
功我似瘖子光秋光淡如菊燕靜彌芬芳老圃
良足學晚節安可忘肯哉東臯詩山菊秋自香
送座主王文肅公之子故戶部郎中淑抃
歸關中敘舊述懷一百韻

盜賊南山裏干戈左輔邊黔黎成狗鼠沃野變
烽煙長吏嬰城免將軍棄甲逆流離踰四塞侵
略過三川力拒君何勇潛攻寇頗獍兒能張兩
翼身即領中堅據險乘墻屋飛機擲瓶輒蒼頭
咸用命赤手或當先浴血捫創面椿喉數斷咽
長安舒羽檄餘賊返戈鋌戶部悍樂流賊身自搏戰賊退攜家集入
吳此後國有孤臣哭家亡坐客羶所欣文未
塗敢嘆室如懸秦市難增減金陵好棊鐫提携
書數十跋涉路三千返水秋風急淮河落日玄
虺隤荒店馬眩運下江船握手翻疑夢沉吟却
問年酒巡街鼓緩語熟燭花圓撩眼風塵色經
心香火緣可堪今契闊還記昔駢闐此後並言文肅長輪
典試及余登第及門之事萬曆丁中葉三秦甲大賢舉朝推
柱地寰海望回天子又登高第師將秉化權槐

堂紆紫綬杏苑簇紅箋座主龍門峻諸生鴈塔
聯愚蒙甄造士流俗艷登僊衣鉢授垂手宮墻

企及肩斷金容冶鑄攻玉荷陶甄擬議綸扉筆
追陪浴殿員風從徵翕習雨散邁迤適此後並
領袖清流黨人技
猖避位去國之

魁南北署黨禁紹熙浴杓直星依指芒寒宿避
躔清流常皎皎醜類正騫騫伏莽典戎壯高墉

射隼便鐘原因物扣鏡不為人妍肯待三年報
都將一網寨構兵彌瀾楚餘燼合崑宣枉狀波

翻覆飛章矢屬連門蘭嗟并艾釜豆泣相煎定
公為公元兄黨人借名詩
此即中為寶城令亦罷歸

水田人知馬融草敦贈統朝鞭門人為李鍊起
草切公故有馬

之喻飲飛章欽手臨空局樞衣任老拳城南瞻氣象

渭北釣清泉雒下居仍介關西望益專愈橋題
障塞草野畫征屢虎觀敷陳邈龍樓羽翼捐儲

宮商老慮國步杞人憐紛濁登樓外憂危攬鏡
前龍胡銜主恤狼尾望公還天啓初以先帝舊
學起公曰開旋罷

山斗看崔歸滄桑又改遷此已下並言奄寺鈞
黨考繁刑籍之事
少陽蒙出震雌霓比連卷簸扇僉壬巧馮依婦
寺願決藩笞萬燦鈞黨考楊連削籍空三事刊

童沸八埏拖腸難仰樂折骨美沉淵媪子繁螟
蟻闖兒長蠹蟻咸寧王邦
新乳虎猗氏
甲
舊應老

饑為日日驚追捕家家兀索體檻車并並載牢
戶儘平填此下叙公身
憤及身之事祈死身如贅愛生骨亦

痛鬼神猶助虐夫子遂長眠拉折靈胡掌崩墮
王女蓮關河悲黯憐魑魅喜踞躑高冢侯芭土

修門宋玉篇百身吁可贖七尺媿猶全崇德元
年于自
度籍召入京旋構
閑訟再遭訪錄

踪何撲邀羣刺總翩翩封印藤麻格堆盤火齊
鮮覆金供鼠赫點王聚蠅殪共嘆簷來魯空招

隄至燕食寧留碩果飲遽散初筵霍爐箕風暗
飛流斗域殷駭後朝戀闕襖被夜乘扁此已下
田屏居
自致歸

之事禿筆弄丹鉛幸得懸車軸知誰任屋椽解嘲真
頰作罵鬼託殘編小築西湖畔巾車拂水巔山

窻雲淅淅澗澗戶竹娟娟石罅泉奔射林臯月漏
穿拈花迎夏蝶選樹蔭秋蟬割肉歸神社挑燈

送佛錢經行尋北澗譚讌度南阡蟹舍長腰米
漁莊縮項編不村盞擁腫為用憚穢全與解
中贈處
之意

舊雨來人少寒風送客旋含言心悄悄

分手淚溼溼弟子吾衰甚恩門或忘焉逢迎誰
 倒度宴會罕加遵陸氏莊荒矣廉公市寂然世
 塗同鳥鼠薄俗異夔蛟底事防人面何妨坐馬
 羈文肅門生滿吳下郎中遠來不為具賓主之禮弛張求省括焯濕學
 安絃物論將昭雪郎君定洗滌還期溫比王莫
 倚直如弦離別中年惡涼溫昔夢牽驪歌聲慘
 愴難酒恨纏綿下馬陵終拜金鑾集早傳賦詩
 當贈處餐飯勉加旃

壬申除夕

流年告別又匆匆送歲蕭條不送窮
 燈火呼撞胸心緒漏聲中門符換却看新面書
 蠹鑽餘識舊叢多謝天公耐貧薄一般白髮領
 春風

癸酉元旦

壽觴初舉日曛曛賀客駢闐燕喜重羅雀驚飛
 門屏外垂魚拜舞寢庭中流年往再看見長報
 國逡巡願歲豐奏罷綠章占氣象墻隅遙望朵
 雲紅

乙亥中秋吳門林若撫胡白叔二詩人引

祥琴之禮勸破詩戒次若撫來韻四首

二老相依貧病鄉賣詩賣藥自成行病知居士
 安心法貧得詩人換骨方有句却難償酒債無
 畔聊省看排場蓮華世界君知否總向詩籤藥
 裏藏

其二

說鬼頻煩及志支興來姑使妄言之尋仙却喜
 華顛早失學翻嫌踰蹉遲愛殺黑甜如混沌憎
 他青鏡有妍媸達生頗羨東鄰老盡典衣襦合
 舞兒東鄰徐二爾從也

其三

螳鬪龍拏總不聞席門簾閣看浮雲鵝籠出入
 偏藏影豹脚飛鳴恰聚羣葦筥家家愁繫藉草
 堂往往勒移文與君話到滄桑事一笑挑燈已
 夜分

其四

殘生噩夢兩無憑還似飛鴻乍離矰酒戶下中
 禁亦得詩腸枯澁戒何會鈎簾想像粘風蝶穴
 紙商量放凍蠅綺語未成先欲懺炷香遙禮二
 僧白叔樹二經幢集花山刻二幢詩集

閒坐

青袍白馬已駸駸，閑坐東窗度暝陰。聖代自能調化瑟，孤生未忍治祥琴。功名豈是無因立，將相須從有福尋。苦向夔桐論斷削，勞薪長恐誤知音。

北客

每逢北客怕趨陪，况復平原閭裏來。正好一涼蘇病骨，莫將殘熱惱寒灰。詔麻舊紙糊棋局，京雜新函拭酒杯。秋草蕭蕭鋤不得，無媒徑路任君猜。

仙壇倡和詩十首

慈月夫人前身為智者，大師高弟降此於吳門。示余曰：明公前身廬山慧遠也。從湛寂光中來，自忘之耳。用洪武韻作長句，見贈期待鄭重。且屬余曰：求椽筆作傳一首，以耀于世。亦道人習氣未除也。余為作泐師靈異記并和其詩十首。師示現因緣全為台事，現鬼神身護持正法，故當有天眼證明非余之戲論也。

荷風曉靄日曛曛，精舍焚香降泐公。賸欲與君談此事，故應未始出吾宗。人閒久已長迷鹿，天眼何曾誤識龍。領取導師深重意，醉花眠竹謝

春工

其二

月地雲堦觀閣曉，夫人秩祀比仙公。妙華已悟三車法，台教今為繼別宗。神降摘詞嘗吐鳳，此回卓筆欲成龍。麻姑狡獪真年少，擲米區區作鬼工。

其三

三生殘夢喚瞳曠，記別深慙是遠公。已悔六時違淨業，誰傳四始立詩宗。盲人說法迷真象，狂子談禪好假龍。後五百年虛囑累，利竿倒却仗神工。

其四

金闕寥陽晚氣曠，綠章促數上天公。帝方蒿目憂黎庶，君亦齋心相。祖宗狐鼠亂行憑虎豹，魚蝦波及為蛟龍。靈風肅穆帷中語，憑仗神工幹國工。師受時閔世每笑奏上帝情辭懇惻故云

其五

萬戶煙銷旭日曠，扣門猶自夢周公。中原血肉悲朝市，寢殿衣冠哭祖宗。高廟神靈容鼠雀，皇天老眼混魚龍。朝廷補袞知誰手，組織

爭如貝錦工

師示詩為余白其貝錦故有此句

其六

嘉微旭日隱瞳矓猶喜人天眼至公言論無聞

疑叔度衣冠見慕愧林宗贈詩有叔度林宗之目生嘗畏

世諳談虎術不逢時學豢龍鼠臂蟻肝更何有

從今一一聽天工

其七

帝城雲物正瞳矓尺一何會及子公踰躓半生

悲宿業昇平中夜想 神宗殘生却似重歸鶴

退士渾如未見龍身與蒼生同稿項敢云霖雨

待人工

其八

日薄懸車氣尚曠未應衰晚美羣公勲名行輩

皆綸閣位業交游半岱宗師稱應山江陰俱為冥官綜核又

聞新丙魏拜稽空說舊夔龍茫然斂手君休笑

贏得空杆號國工

其九

仙壇樓觀鬱瞳矓大筆真難繼魯公雙樹至今

留法寶五花那得蔽台宗闔廬城下聞經雉烏

目山頭聽法龍師許五月十三日降于余家應與諸天共盟

證待余結集付良工

其十

天門閭闔日瞳矓靈瓌傳宣佑鉅公天子鉅公也

初東皇邀木母更驅西伯獻河宗蕩除讒佞校

哮虎潤澤焦枯遺睡龍王扎金文司命誥仙班

咫尺領羣工師識天下方治平未章致頌禱之意

白叔德操傳起廢之信遺詩枉訊次韻奉

答聊用解嘲

病甕誰傳起廢年開械一笑晚風前雞因惜尾

憂瀕死鼠為拖腸怕上天貢禹冠應慙宿好子

公書肯仗時賢五湖儘有閒風月已具鷓夷舊

釣船

送陸大孟鳧之錫山學官

樞衣緩帶儼師儒顧影依然笑步趨客枕夢依

雙堦近秋堂人共一燈癩橫經先誦披華賦設

教如須調水符莫嘆廣文官獨冷老夫久已著

潛夫

答越卓凡憲副

中山篋裏謗書新博得沙場百戰身天以垂成

留劇賊 帝將不死答勞臣衣深赭色橫戈久

筆退銛鋒草檄頻我欲爲君歌督護夜闌酌酒
向鈞陳

陸宣公墓道行

延英重門晝不開白麻黃閣飛塵埃中條山人
叫闌哭金吾老將聲如雷蘇州宰相忠州死天
道寧論乃如此千年遺櫬歸不歸兩地孤墳竟
誰是人言藁葬留忠州又云徵還返故丘圖經
聚訟故老闕爭此朽骨如天球齊女門前六里
路蕎麥茫茫少封樹下馬猶尋董相陵飛鳧孰
辨孫王墓青草黃茅萬死鄉蠅頭細字寫巾箱
起草尚傳哀痛詔閉門自驗活人方永貞求舊
空黃土元祐青編炤千古人生忠佞看到頭至
竟延齡在何許君不見華山山下草如熏石闕
豐碑野火焚樵夫踞坐行人唾傳是崖州丁相
墳

舒仲符畫丹徒張明府 文光 小像戲題四

絕句明府記三生事一世爲僧再世爲鄰

家童子自爲記甚奇

水石清妍鶴骨癯依然劔佩列仙儒此中若著
那和璞便是王郎破墨圖 王晉卿以破墨畫卿和璞房次律論前生

圖

其二

鈴柝蕭闌香篆灰江濤射枕夢初回分明記取
三生事會聽金山粥鼓來

其三

計口齋鹽度六時放衙取水一軍持人言宿世
修行慣不是禪師定律師

其四

空花水月影層層劫後生前總一燈要與雲山
留話柄也將玉帶施山僧

贈翁朔州兆吉二首

朔雲邊雪夢鱸尊數載方州一角中暈月圍城
悲飲血嘶風歸騎喜抽身佛燈長似平安火詩
債渾如簿領塵君正懸車吾削跡東阡北陌好
爲鄰

其二

吹藜高閣俯迴廊絳帳青燈列鴈行 朔州爲先夫子授經處也 三傳春秋推武庫一門替芴儼

靈光誰從宣室虛前席且說安昌坐後堂尚憶
荷衣呼出拜白頭愁絕舊書郎 元遠山詩書郎零落今頭白賜

斷荷衣
出拜時

華山道者劉虛中募刻道德經於厓石懼

其為山靈之累也作詩送其去以諷止焉

大華五千仞道德五千言靈岳與寶書終古元

氣存君今鐫此經磨厓勒山垠模寫時俗書名

氏相綴分俗書多破體躡駁何足云山中無除

目安取軒冕羣雲臺石室閒刻畫留癡痕山靈

亦何咎羅此鉗鑿寬願君回俗駕息機罷紛紜

歸從老希夷駒駒臥雲根

莆陽陳氏壽謙四首

南極光依藜火青澄霞助月見精熒老人星下

多芒翼還是陳家舊聚星

其二

方床竹几夾窻紗人說昆耶居士家滿室天花

都不著長留法喜伴維摩

其三

磊落金盤荔子殷傳觴壓酒賽朱顏絳羅襦裡

膚如玉恰似仙人出海山

其四

開宴吾家舊幔亭綵雲十日駐青冥賢郎近向

吳門去又說麻姑過蔡經

丙子中春日茂苑相公謝政邁歸招邀燕

賞余與其仲啓美張異度徐九一劉漁仲

追陪信宿游虎丘支硎諸山記事四首

謝公高興寄東山遲日招邀共賜閒問壑尋丘

塵世外中車蠟屐畫圖閒風寒乍勒回春候雲

潤俄經作雨還最喜林深無虎豹夕春猶許歷

屐孱顏

其二

短簿祠前花正殷相看心在水雲閒蓮宮載酒

仍招隱竹院逢僧又得閒蟲鶴變餘存白社劫

灰飛盡表青山公言子厚多題句一笑何當浣

蘇斑十四日遊虎丘余語茂苑丁公言章子厚
題詩亦與此山柱存乎相與一笑而出

其三

岡複溪迴一徑穿招提樓閣暮雲邊山腰正值

諸峯缺寺面平鋪萬頃煙為問把茅尋石室莫

因深井嘆寒泉茂苑與蒼雪法
師有結茅之約道人縱鶴今何

處且放雙眸向碧天十五日遊
中峯院

其四

卅年游跡花山寺雙園觀人盡可憐失馬因緣

雙鬢外亡羊岐路一燈前青松旋覺龍鱗長白石還驚鳥道連昏黑藍輦重回首藤蘿新月近諸天自寒山游花山寺昔游二十許人惟茂苑昆弟異度及余四人在

上茂苑相公二首

講席延登入禁闈主恩旋許遂初衣雲還碧落原無意鶴向青霄豈倦飛竹下清齋餘鳥施花間小院與僧歸天庭黃色仍如許知是先生戰勝肥

其二

也知脫屣一官無每為憂時或嘆吁屋棟豈應勞我祝床稜寧患少人模片茅蓋頂真堪老兩膝隨身不要扶竺塢虞山過雲處勅教雙鶴遞相呼

曹能始為先夫人立傳寄謝

逐子東征杳莫從機殘積冷泣尸褻青編幸遇曹能始彤管何慙范蔚宗築室不堪論舊隱焚山寧復問新封孤生滿掬三春淚泉客珠成恰似儂

次劉漁仲留別韻

南國猶殘半月春東亭共愴百年身與君作別

難成醉欲贈將離始覺貧黃卷秋燈燒尾客緣窻朝日畫眉人蘭臺好獻雄風賦莫漫微詞及宋鄰

其二

赤廩銅馬逼淮徐老屋三間幸著子坐甲裹糧師日老拂衣擲硯計全疎廟堂鈞黨語弧矢郡國求金急羽書早辦枚臯傳檄手莫誇詞賦似相如

葛將軍歌

吳人葛試以蕉扇招市人殺稅監未死時江淮間舟松賽祭之輒有驗

葛將軍萬夫雄我昔遇之婁水東雅顏虎鼻眉目古蕉扇颯拉吹秋蓬死骨穿近五人冢生冤嘯動五兩風葛將軍今死矣權奇傲儻誰與擬生惜不逢漢武帝鴻漸之翼困閭里犬臺宮中應召見上林牧羊躡草履君不見車丞相宮殿出入乘小車亦是上書一男子近多召見上書人不丈除拜雲間張老工於累石許移家相依賦此招之二首

百歲平分五十春四朝閱歷太平身長鏡短履全家具綠水紅樓半主人荷杖有兒扶薄醉縛

船無鬼笑長貧山中酒伴更相賀花發應添愛
酒鄰

其二

不是尋花即討春偏於忙裏得閒身終年累石
如愚叟倏忽移山是化人無酒過牆長作惡有
錢拄杖已忘貧明年肯踐南邨約祭竈先須請
比鄰

王二溟布政謝事家居八十如少壯聽歌
度曲累夕不倦奉贈二首

蕭閒真欲擬駢鸞雙鏢猶能說據鞍小建轟旗
臨餉部平分旌節領騷壇三休記向中條勒四
漫詩留退谷刊猶恐非能頻入夢鐫除溪石不
名蟠

其二

名場戰地謝駢馳禪榻茶煙颺鬢絲功在刀州
成昔夢罰依金谷賦新詩嘗餐兔藥抄雲子自
轉鶯歌教雪兒萬樹梅花方破臘祝君先插向
南枝

奉贈會稽倪太公十四韻

家學經鋤世所欽會稽竹箭比南金辭方娥廟

為絲絹筆向耶溪浮劍鐔揮灑剡藤成五色鏗
鉤雷鼓有餘音分災射的年年白飲德河醪處
處沈滿載樵風頻往復扁舟夜雪每追尋花深
梅市詩嘗徧月滿柯亭酒自斟修竹茂林供列
座青鞋布襪稱長吟千巖萬壑為圖畫禹穴秦
碑自古今烏府風霜傳舊節鯉庭桃李接新陰
長公侍御史視學南畿膝前御史床猶在宅畔尚書塢正
深虞竹盈堦方鬱鬱丁松入夢轉森森蓬萊春
水浮仙閣石鏡梅花媚遠岑上樹呼猿輕作伴
升堂使鶴眾如林陽明宛委家山是誰識先生
萬古心

識字行 題吳門袁節母冊子

母能識節字兒能識孝字人生識字只兩箇何
用三倉四部盈箱笥羨君傭書養母能不憂白
華潔白充晨羞牛腰詩卷千傳誦行看綽楔懸
烏頭君不見長洲陳五經樞衣跪母提汲竝籬
邊使者星馳報天子詔書一夕來青冥

牧齋初學集卷第十

牧齋初學集卷第十一

桑林詩集

起崇禎十年丁丑三月盡閏四月

丁丑春盡赴急徵稼軒並列刊章士龍相從
草索渡淮而北赤地千里身雖罪人不忘吁
嗟閔雨之恩遂名其詩曰桑林集

過清江浦遇寄故人

跨下橋邊又此行
赭衣白髮可憐生
班荆却喜無人問
刻木祇愁有吏迎
惜別飛花憎岸草
相留語鶯笑林鶯
篤多情依舊長淮水
流入清江伴勝聲

漂母祠和何士龍

韓侯釣水遠城垣
青史猶垂進食人
以千金知老母
天將一飯試王孫
孤生書劍霑新淚
逐客簪纓感昔恩
欲薦渚蘋何限恨
寒鴉落日滿祠門

黃河

都將銀漢變黃流
也是天公錯一籌
鷓鴣駕但馬終夕
計豈梁寧是濟川
謀災來何用沈圭璧
時至那須辨馬牛
飛舄出圖君莫詫
清河白馬又誰尤

併體戲示士龍

四瀆已將三瀆過
三春總是一春忙
黃沙學傳何郎粉
赤汗從薰荀令香
釜下馬通和餅
蒸棧閒驢西北人
長歸來准備江南
話煖鋪深缸笑幾場

次韻荅士龍二首

白首孤臣踐駭機
天門夢斷翮猶飛
覆蕉蕉鹿訟無榮
辱芥羽雞場有是非
扣角車前唯汝共
觀魚濠上與心違
閨中春莫應相憶
掩淚頻聽緩緩歸

又次

蛇鬪龍爭共發機
刺天毛羽正羣飛
十州鑄鐵人謀錯
萬物為銅大冶非
作揖胥靡身故在
刺舟漁父意相違
君看河上攤錢叟
不犯風濤不肯歸

清河道中三首

拍岸河流氣不平
單車盡日遶河行
帆檣矗立遙天破
波浪掀翻大地爭
單眼飛沙人面改
撞胷噩夢旅魂驚
野田蔓草渾無賴
斷途芳菲逐處生

其二

銀鐙驅我太匆匆，襖被囊衣客子同心似行枚。
銜舌底身如釋未，簾車中東還刺促看南斗。西
笑情騰向北風，們腹自嗟還自問，不知若箇是
途窮。

其三

慘澹郊原似霧冢，洪河嚙岸馬嘶空。粘天黑浪
非章相刮地，黃塵是庾公柳樹病猶晞。夏雨薺
花開亦向春風人，閒榮落關何事野店殘陽一
閃紅。

宿遷

枕畔車輪又一宵，荻簾土銜共蕭條。棧爭惡草
驢言怒炊仗殘通馬意，驕野集煙稀知罄盡。春
田兆坼見龜焦，潮人強笑誰相問，莫以愆陽歎
聖朝。

郊城二首

村店無籌殺五更，棧驢齧暗相驚。蓬鬆旅鬢
料風色滴瀝愁腸，量雨聲催舞荒雞。暗夜半識
塗老馬盼晨明，雲開日轉非吾事也。要殘春一
路晴。

其二

挹斗揚箕誤有名，捫參歷井信浮生。天垣貫索
星文賤，人世胥靡性命輕。豺虎頻年銜尾過馬
驢，終日竝頭行岱宗。顧我如衡嶽，盼靈閣雲報
午晴。

一歎示士龍

一歎依然竟隕霜，烏頭馬角事茫茫。及門弟子
同關索，薄海僧徒共炷香。百口累人藏複壁，千
金爲客掩壺漿。昭陵許哭無多淚，唐制有寬者許哭昭陵

費縣道中三首

驅車入魯弔遺黎，宗國相傳事可悲。歌鳳有人
供放逐，鬪雞無相繫。安危申豐錦，去鄰爭羨陽
虎弓。還盜亦啖唯，有汶陽田下水至今流。恨遶
鳧龜。

其二

費縣城邊紫翠重，恰憑登頓看山容。雲舒霧散
浮千嶂，雨濯煙銷出數峯。石瀨咽沙流淺淺，野
花眠草吐茸茸。停車佇想東蒙客，欲討尊羹興
已慵。

其三

闌珊心事怯餘春殘夢驚迴一欠伸病樹不禁
蛇在腹野花終倚草焉身櫪中馬老空知道鑿
下車勞枉作薪當食爲君三歎息難將更僕話
窮塵

泉林泗水之源出焉題

泉林源泗水叢薄闕荒丘的礫翻空色滎迴貯
泱流道窮悲渫井物化感藏舟願解塵纒濯悠
然炤白頭

泗水二首

柳市纒煙麥起波江南樂事趁清和當風翠袖
穿花竝映水紅粧向晚多驚識疏窻溫舊語鶯
憐別院選新歌情知好夢成殘夢也較車聲枕
畔過

其二

柳絮飛交菜甲塵車中何處見殘春北來有鷺
如胡語南望無鷺比鴈臣渡淮以比絕不開鷺
燕亦似作此音故以
泗水泱流長帶咽歷山遙黛正合嘖劔溪雲
樹漁莊水領略秋光要此身

早發次士龍韻

車輪鳴轆轤鈴鐸響丁東鄉夢殘燈外羈心覺
語中褐衣蒙早霧席帽泛春風偶梗休相笑漂
搖各斷蓬

舟次

采恩浴殿北鈴索液池東莫道天方醉還期日
再中看桃宜令節嫁杏與春風歎息年芳逝飄
蕭兩鬢蓬

四月十一日登岱五十韻

清晨上秦山下山未昏黑登覽興已賒驅車一
何疾我行凌泗水望岳心悚栗原野相却迎丘
陵莽奔逸胡然類削成未見表律罕停車迴馬
嶺凝望似堂密岱勢自迴伏羣山各離立傲傑
轟數峯壘浪見沸渾偃蹇欲不朝顧眄疑旌揖
低徊成運眩登頓猶塌塞紆迴凌絕頂頰仰蕩
胃臆天去山不多雲與地爲一衆山斯在下九
點煙屑瑟鉅如牛眠冢細如蟻封壇散如孤綫
綏聚如羊解解弭伏象環衛奔走效羈繫傲倏
雖兀傲沒蹠不及膝乃知丈人尊兒孫敢匹敵
登登四十里十八盤乃畢山容濯深秀石狀關
詭特洞壑互排陷罔密繞進逼穿地山根湧撐

天石笋出層峯腰帶雲遠嶂掌蔽日大冶無不
有神工故難詰琢為研山姿縮放盆池質近松
辨齋峙逼樹紛禾櫛戍削衣低昂翻反袖欹反
玲瓏月斧漏窈窕雲車匿屬連方帖安颺去忽
剖副濃淡尺寸變向背一牘失領要苦煩紆追
適恍迷惑何當信宿留攬朱靈異悉坐看下垂
雲布滿兜羅色又看崇朝雨飛練挂千匹煙嵐
挾烘染雲海按蕩蕩籠袖賦家心極命畫史筆
逝將毀車輪豈獨戴臺笠游借刻晷身世兩
牽率每笑秉燭忙自歎乞火急是時天大旱山
枯石將泐渴游既惺忪閔雨猶快悒元君盛香
火盼蠶走郡國金錢佐軍儲羨餘潤私室神道
亦乘除青帝遂失職雀鼠穿帷帳風雨剝韋鞞
惜哉陰陽愆致此驕蹇極神心本天咫明裡在
國恤魯童舞倭倭齊偶嘆啞啞天門開談蕩膚
寸雲豈息莞莞蟻蝨臣獨為蒼生泣

春盡日次士龍韻

淒涼白髮黃塵裏祖道東皇又一巡暈碧裁紅
成故事落花中酒是前因繇來好別長禁客况
復窮途更泥人是我送春春送我把我君詩句問

殘春

將抵德州遣問盧德水

十載栖遲汗簡青飛鴻漸羽故冥冥抱經有約
尋盧閣書牘何顏問杜亭窻下草深埋退筆床
頭花盡臥空鉞披帷想像人斯在試款衡門一
扣局

齊河懷古四首

耿濟鎮

耿奔擊漲步濟師齊河陽至今耿鎮水軍聲沸
湯湯歎息千年後荒城築阜昌齊河城劉稷所築

晏城

采地遺者誰相國齊晏子千駟不匡君二桃能
殺士激彼梁丘生浮白為之起

高唐城

綿駒雖不存善歌表遺里君聽齊謳聲抗越清
濟水豈無梁甫吟何人為側耳

定慧寺

呂公榮公徒鐵衣佐龍興投戈返初服撒手歸
上乘麒麟可即圖龍像俱傳燈呂公名智壽初師起講上於濟南募兵五千餘人所向有功官都指揮同知求樂初辭返僧服與榮公相繼

坐化今寺藏二公
高像呂公九奇偉

早發定慧寺禹城道上逢茅山張鍊師

漏鼓晨鐘喚病魔
僧窻殘夢未銷磨
維中虛擬三間住
桑下真成一宿過
領略雞談酬客少
商量雀語誤人多
騎驢却笑神仙客
倒載黃沙不奈何

德水送芍藥

藥闌花朵正紛披
客舍憐君贈我時
纖手折來紅粉誤
攢頭恨去綠盤知
芳菲尚憶翻階早
和齊深憂寶鼎遲
莫作離騷香草看
楚臣腸斷是將離

東壁樓懷德水

小樓殘日自昇平
茶竈煙消香篆更
訴盡春愁雙鶯語
喚迴午枕一雞鳴
中原氛祲連玄菟
下界浮雲竝太清
撫檻欲招金馬客
夜深同候泰階明

次韻酬德水見贈

蒼黃被急徵性命
落片紙昔為頭上巾
今為足下履
感君逢迎意
纏綿入骨髓
炙眉忘艱辛
抗言論文史
半生歷坎陷
刺刺正坐此
逆人吐刺

芒愛我其疾美
辟如中風走暫息
聊復耳慚無席上
珍視彼積中毀志
士思風雨替史知
星紀失詩敢遂歌
聊以復吾子

上牧齋先生

盧世灌

平生一寸心
結託數番紙
夢想凡幾年
今日奉約履攝
枉聆微言徹
骨透腦髓方
知有身世方知有
經史曠觀古
及今懷抱盡
於此先生救世
手淵淵饒內
美伊呂伯仲
間名位偶然
耳從不受人
譽何乃來人
毀譏夫即高
張焉能亂天
紀風雨動魚
龍仁義動君
子

謝德州張太守送酒

越吟憔悴著南冠
炙日熏風道路難
且向東方窮窶數
東方朔平敢於
安邑問猪肝
香翻乳酒傾雲
液油點槐淘瀉
玉盤從此人傳
遂臨賀為君鄭
重一加餐

通州張太公壽謙詩十六韻其子主事文

輝知縣文燧來請

邦畿鄰魏闕
家世本留侯
束髮輕榮進
齊眉篤好述
絲綸鸞掖出
桃李鯉庭收
柳市眉良憐
蘭香樂可羞
冶盈新鑄炭
懷握舊傳鈞
筵對樓桑

樹杯添谷黍菁小紅花競吐重碧酒新芻桃熟
 料人試梨消不外求長筵羅易栗深院植安榴
 人世腰纏鶴天恩杖祝鳩易京堪避世聖水可
 忘憂亥字春秋小丁年齒髮道星槎通漢渚仙
 洽滿神州北海供椒蘭平原置酒郵二子一令
益都一營
 南山什賡歌迭獻酬

代贈十六韻

別館新宮碧落連星娥月姊自年年錦章天上
 仍難報機石人閒可浪傳搗藥免還尋好伴入
 河塘肯矧孤眠目成敢託波通語意感祇憑枕
 作緣臉際芙蓉長自媚詩中芍藥倩他憐欲知
 君面聊看鏡但憶郎家便數錢藥使歸身欣啞
 謎釣藏蓮子畏空拳明粧不省宵來卸好夢還
 將睡去圓苦憶落花為我伴生憎飛燕到誰邊
 關情落索拋紅豆使性迷離拆翠鈿已分管絃
 陪謝傳敢云條脫贈羊權雉羹斟酌期加飯鳥
 爪爬搔不用鞭緩唱深杯供竹葉斜行小字擘
 花箋駐顏豈必餐雲母煖老終當種玉田報喜
 金針新露夕懷人執扇早涼天秋衾也逐征夫

遠莫是君歸在妾先

柳枝十首

花信樓前風暗吹紅欄橋外雨如絲一株顏頰
 無人見肯與人閒縮別離

其二

離別經春又隔年搖青漾碧有誰怜春來羞共
 東風語背却桃花獨自眠

其三

簇纒垂綵阿那姿風流種性會禁持樹旁空有
 傳書使蝕葉成文好寄誰

其四

天生標格擅溫柔小院會攔蘸碧流不是腰支
 長委地怕隨紅杏出牆頭

其五

楊葉楊花撩亂時半隨殘夢半游絲可憐萬線
 千條在但記征夫舊折枝

其六

嫁杏標梅不耐羞嬌慵盡日倚粧樓團圓解得
 東風意判與兒郎打綉球

其七

莫將拋擲怨年華也傍開花也落花河畔青青
比芳草長隨蕩子到天涯

其一

玉樹瓊枝事杳冥天榆月桂總精靈莫欺楊柳
溝泥種也是天街一小星

其二

彎彎月掛柳梢頭新葉如眉月似鈎看取月圓
明鏡炤展開眉葉萬重愁

其三

長養成陰自有期飛花飛絮莫傷悲楚江萍實
大如斗好是蟠桃結子時

荷花辭十首

南浦荷花覆白蘋採蓮歌斷曲翻新芙蓉菡萏
多名色不及荷花是可人

其二

十里蓮涇接館娃石城西畔是儂家一枝占斷
西湖種會是西施舊采花

其三

菡萏芙蓉不較多蓮心蓮的本同科芙蓉頭上
原從草滿子饒他也姓荷

其四

月宮團桂樹婆娑化作峯頭十丈荷倒向蓮花
為世界可知玉女是姮娥

其五

荷花的的水中央蕩子牽舟一水旁刺密荷稠
那得見迴船隔浦滿風香

其六

魚戲田田隔水知荷花不語自低垂團團碧葉
遮如蓋旋遊明珠打鴨兒

其七

嫩葢生紅恰試花卷荷纔展欲飲斜含嬌離立
誰堪倚自歛朱房對晚霞

其八

旭露朝霞慢試粧翠莖紫的半摧藏小蓮結子
偏憐早不比紅蕖正出房

其九

露集枝條玉不分如規碧葉動成紋藕身到底
終須折一片冰心付與君

其十

結實成蓮心自知分身化作藕千絲千絲未斷

終相偶交葉駢花一蒂垂

德州送王鹿年

頻年遭患難道路與子俱有如墮枝鳥依此失
水魚子今捨我去置我於路隅譬彼瞽失相依
俛何所如子行非無事爲掃我室廬慰我犀角
子衛我充棟書我有萬行淚附子衣裳裾爲我
拜北堂灑向舊倚閣

東壁樓簡程魯瞻

兩膝隨身不自謀一茅蓋頂更何求死君突兀
千閉屋置我差我百尺樓北海開車欣後載西
園促坐阻清游他時得遂平原飲傾蓋相看笑
白頭

爲魯瞻題畫二首

卻扇含嚔欲翠蛾閑看侍女教鸚哥可憐紅嘴
聰明鳥怕殺雕籠是網羅

右美人調鸚鵡圖

拖浪帆風去莫疑高人乘興卽前期人閒何限
迴舟處得似山陰夜雪時

右山陰返櫂圖

欲別東樓去四首

閏四月望日發德州將歸死於司敗吏卒促
迫僕馬惶遽居此樓決旬一旦別去又不獲
與主人執手欲哭欲泣皆所不可賦欲別東
樓去四章題於樓之前榮壁上庶幾他日解
網生還要德水魯瞻痛飲此樓屬而和之
欲別東樓去樓遲念決旬槐陰亭早夏鶯語磬
餘春酒爲開嘗好書從借看新他時與朋好風
雨話斯晨

其二

欲別東樓去行車起暗塵忘腰水帶緩數日鬢
毛新小切看今雨中年別故人可知分手路昔
夢自相因

其三

欲別東樓去孤城已暮笳可憐羈縻客仍作賈
胡家賣餅經寒食吹簫過落花還愁鈞索急踪
跡到天涯

其四

欲別東樓去東樓卽我廬扶疎槐作陰啁啾鳥
相於牆屋如初至門庭自掃除分留題壁句漫
憑待蟲魚

早發雄縣次稼軒韻

竝著南冠亦偶然何妨酌醴復烹鮮
孤花自綴三春後病樹猶居萬木前
失路馬行枯麥裏颺空塵起大車邊
戴盆莫怪頻瞻望也是城南人五天

其二

畿南赤縣夕烽連邊鄙曾蒙胡虜憐
元結詩序州破鄆不犯此州邊鄙而還豈
力能制敵蓋蒙其傷憐而已結賦蕭條仍禹
貢桑林焦灼又湯年作霖誰副興雲望繁露空
縉致雨篇何日南山理蕪穢荷鋤同種豆其田

牧齋初學集卷第十二

霖雨詩集起丁丑五月盡一年

閏四月二十五日下刑部獄尚書侍郎暨臺
諫郎署相見者五十餘人久早次日大雨劉
敬仲司空迎謂曰此霖雨之徵也余笑曰安
知不曰亨弘羊天乃雨乎因以霖雨名其詩
云

送姚方伯未濟復官

解網殊恩應禱求
寨帷重許鎮方州
旋頭角動催庚癸
索口星移向斗牛
竹馬舊重迎去憶
桑林新雨拂行輶
高牙大纛尋嘗事
還為東南借一籌

洮河石硯歌為劉君作兼呈宋中丞祖舜

君不見本朝輿圖軼秦漢洮河今為國西岸
肅慎枯矢恒來庭丁零牛羊可併案洮河之研玉
比堅踰羗絕塞來幽燕廣廈細旃會貯此抱罕
西項在眼前白山小奴游兔久傳烽漸近登津
口高麗兩紙阻職貢鼉磯島石煩戍守老夫捧
硯自躊躇拂拭還君三歎餘豈知飛檄磨厓手
續背相隨獄吏書

送丘俞二將軍

佩印曾經擁節麾荷戈今復戴恩私
卽看夏雨平反日又是秋風選將時
索虜共驚新壁壘島夷還識舊旌旗
俞故名將大猷之子白頭未試猿公術短後猶堪作健兒

贈別鄭仰田高士

徒步追尋萬里餘飄然南下似投虛
賫持仙草當乾糗拚攜空箱出蹇驢
閑代天符分雨滴狂隨笠子掉雷車
幔亭雲鶴時相過定有空巾寄我書

獄中雜詩三十首

支撐劔舌與槍唇坐臥風輪又火輪
不作中山長醉客除非絳市再蘇人
赭衣直履非吾病厚地高天利此身
老去頭銜更何有從今祇合號罷民

其二

夜柝驚呼夢亦便晝應如夜夜如年
都將永日銷長繫只倚孤魂伴獨眠
晝獄脚跟還有地覆盆頭上不多天
此中未悟逍遙理枉讀南華第一篇

其三

遷史空留貨殖文竹刑葦籍正紛紛
國中安得魯男子天下無如王長君
黠鼠晝巡添伴侶蒼蠅夜息斷知聞
斗牛側畔千將氣早晚先芒定屬雲
幽人鄭師玄知天象云去年冬買索星明至有大入入獄明公當之矣

其四

衣冠桔杓此相遭徑行中閱小市朝
敢祖詩書輕法律權祧孔孟事辜陶
獄神廟相傳為辜陶園扉地竝綸扉
隘鈴柝聲如鈴索遙夢將樓船渡皮島
欲從詹尹問何妖

其五

通籍判章目互除恰如朝市有盈虛
誰教長者為方筭更便刑徒習隸書
悼往雞羣看斷尾謀新鼠穴夢乘車
閑中簡點人閒事憂惠祇應識字初

其六

紛紛燕獄上書人天語連章戒瀆陳
凡上疏陳請皆不得實陳豈有孤臣淹棘木漫勞
溫旨下楓宸傷心尚點絲綸簿
炙手還逢丞相嗔猶有憂時心未已
雞鳴風雨歎斯晨

其七

貫城西畔鐵城幽，紂絕陰宮抵夢游。側席深居
皆虎尾，負牆離立總牛頭。風傳暗柝千般恨，月
照圓狴別樣愁。謾道繁霜飛六月，葭沉灰冷轉
悠悠。

其八

聖世孤生忍自裁，夏臺頌繫比春臺。深慙黃霸
傳經至，傳給事右君胡行人雪田皆來執經。敢趣朱游和藥來，加
劔空餘檠水焰。持刀偏畏鼓聲催，書生何用憐
丈季。投匭於今厭草。

其九

訓狐白日向人呼，罔兩中有問影孤。有室端堪
容兩膝，無牀何處認雙趺。月窺圓戶如愁繫，風
送更籌似逐逋。唯有羈人甘索處，塊然窮鳥觸
籠隅。

其十

驕陽初伏正乘權，窟室薰蒸刺可憐。爍石只應
圍土爛，流金不見鐵圍穿。西天却受炎方苦，微語
指西曹大地都愁劫。火然獨有老夫誇，雙鑠更
思曳足看飛鳶。

其十一

三韓殘破似遼西，竝海緣邊盡鼓鼙。東國已非
箕子國，高驪今作下句驪。中華未必憂寒齒，羣
虜何當悔噬臍。莫倚居庸三路險，請封函谷一
丸泥。逆虜吞併高麗奪我
為國中朝置之不問

其十二

漫漫長夜旦何期，無復平分辨四時。苦雨淒風
差耐得，薄寒小病亦相宜。天荒地老餘園土，鬼
爛神焦見積屍。坐斷波吒真地獄，不繇羅刹不
慈悲。

其十三

四序司刑盡爽鳩，何須葉落始悲秋。心情好處
渾中惡，風月佳時不抵愁。送去紙錢新鬼市，汲
來井水伏屍流。八寒陰獄長如此，縱有陽春到
此休。

其十四

此中不省是何方，地絕天通限堵牆。玄鳥避巢
無四序，獄中燭龍迴駕少三光。枯骸每與人爭
坐白晝，頻看鬼亂行。唯有六時鐘鼓發燈殘，夢
斷也傍徨。

其十五

台星落落夜寥寥
咫尺垣墻貫口遙
大有羯奴侵上國
可無司馬相
中朝延登近日金甌易夢
卜頻年沙路鴛綸閣
園扉多故事與君分墀祭
臯陶入獄祭臯陶見范滂傳本朝小說亦載入閣祭臯陶事

其十六

易水波騰碣石翻
修羅一掌障乾坤
知交踧踖憂連坐
僮僕倉皇擬叫閹
美酒經時澆漢獄
愁腸終夜繞吳門
却憐痛定仍思痛
病悻頻將白首捫

其十七

霜慘雲繁鎖鐵扉
茶香酒事都非南
冠潦倒憐烏帽
獄卒踉蹌認白衣
人比籬花何許瘦
身如朔鴈幾時歸
遙知四海登高會
多指燕山酹夕暉九日

其十八

微道嚴更護棘叢
果然牢獄不通風
安知獄卒尊如此
始信吾生固有窮
白日可能迴地底
綠章何處達天中
斗魁直下天宇在
午夜依然繞帝宮

其十九

爨燖宿火焰黃昏
滅滅寒風打席門
每借愁端支水夜
都憑噩夢返羈魂
功名過眼篝燈在世
事從頭倒枕論睡
起情騰扶白首可知羅網是君恩

其二十

漁灣蟹舍互黃緣
萬樹寒梅罨畫船
嫩綠放檐依候足
竊紅出水受風偏
鈿車每惜飛花地
簾閣尤宜小雨天
夢斷江南好春事
與君獄底話神仙與劉敬仲談江南風景因文其韻

其二十一

黑獄沉沉白日昏
嚴更况復警重門
難尋伴侶憑形影
欲達音書托嚮言見晉書五行志
晷短蕭條逢滅劫
夢長迢遞迴歸魂
亦知遙夜相思處
燈燼香消半席溫

其二十二

廿年齊聽景陽鐘
投老冬冠此地逢
祝去詛來如有恨
單行卻立豈為恭獄中巷道狹隘相并遇者皆側立讓行驛頭會聚攢蜂牖接跡經過折蟻封卻笑凍蠅思附驥穴憲何日得從容

其二十三

欲隨短景斷愁腸，可耐嚴更又許長。
謝客蠟銷收冷戶，依人蟋蟀守空牀。
耗磨膏火三分漏，頽略寒威一番去。
霜傳語司空休起舞，鳴雞暗屬總堪傷。

其二十四

經年獄底阻艱危，狂鳥投籠馬就羈。
尊者夢中曾示現，十五年前茅多生為金馬道人與老僧
尊者說法以辨論故應受業報
海上已先知，丙子歲吳門王生謂普作有老僧
難不免，速歸報致公住因中當有王
一行也。蓬蒿環堵彈琴處，方丈毗耶宴坐時。
儒行宗風都會得，信知調伏是便宜。

其二十五

半椽恰受向隅人，矮屋還憎墊角中。
穴紙聲疎魚網舊，啄門響密雀羅新。
床多臥筆應知懶，架少繕書始覺貪。
最是催詩并問字，每於清夜惱比鄰。

其二十六

蕭辰嚴獄應彫枯，風急周廬警夕呼。
身老蟬衣穿尔雅，道窮蛛網閔陰符。
寒冰著面生稜角，饑火迴腸轉轆轤。
遙夜歌聲正三闕，始知回也是

吾徒夜聞傳石

其二十七

六街鼓息五更頭，葦席單衣萬事休。
已見騎驢臨獨柳，曾看走馬向長楸。
革膠一夜離肝腎，牙齒何年長觸髅。
東閣免歸西市死，夕陽亭下總悠悠。

其二十八

良友冥冥恨夜臺，寡妻稚子尺書來。
平生何限彈冠意，後死空餘挂劍哀。
千載汗青終有日，十年血碧未成灰。
白頭老淚西窗下，寂寞封題一鴈回。
命其子走書相唁

其二十九

溪柳冥濛比雪寒，竹堂月舫思漫漫。
柳溪竹堂皆先世第宅
也好花筆禿珊瑚，架惡草匙荒雲母盤。
斟雉羹調誰進，御持螯酒熟且加餐。
可憐警枕英雄老，夢斷湘靈瑟未闌。
皆吾家譜謀故事

其三十

皇覽揆余初度時，松醪春酒菊花枝。
千金稱壽慚親串，一物全生荷聖慈。
老眼畫圖行聚未，虛憲料敵坐圍棋。
成都桑樹街山芋，別盡寒燈

夜話遲九月二十六日劉尚書諸公醇酒為壽

送馬異倩歸會稽

諸公紛紛趨貫城子出我入如踐更子罷呼囚
我趣上恰如除日刊姓名多子僕行相問訊執
手顧視心怛怛天地為龍逝何所欲哭欲泣皆
不成是時當路正炙手同文之獄初煩興端禮
門前舊鐫刻格天閣下新題評羅緝吉網平錯
拒子虛烏有相枝撐杯裡無蛇我所悉水中有
蟹那能平和藥趣來手欲戰然友被溺目敢瞪
閉口捕舌豈容道排山壓卵孰與爭骸骨已分
填牢戶鬼夢猶想歸柴荆 聖主聰明祭庶獄
小臣愚闇偷殘生竈火撲滅乞兒散社樹斫伐
妖狐驚台階中圻卷舌曲丰閑索口還崢嶸與
子開口方一笑抗手即路難為情我為老寡坐
幽閉子如稚婦初歸寧蓬學姍婿不相似槌床
撫枕俱屏營原澤蕭蕭鴻鴈少江河悒悒多甲
兵登山臨水何處所送子目斷秋蓬征東中風
土良不惡弋釣採藥聊意行逸少故有濟世志
安石有忘東山盟西陵驛樓過騁望東土人士
多逢迎膾背何繇具書尺因風哽咽遙寄聲琅

瑤白首尚無恙為我炷香謝 聖明

題杏花宮人圖為傅右君

閒撥銅鑊看淚痕春風取次到長門監宮傳報
天顏喜紅杏花開滿禁垣

題畫二首為傅右君

策星夜動王良馬車騎紛紛滿郊野幽并好馬
胡兒騎迴鞭駝踏長城下今年雲中開馬市百
全一馬胡人喜金繒壓鞍革桐酒齊唱吳歌度
遼水老髯吳官立道傍佇看烙印黯悲傷莫輕
此馬為胡種曾秣天閑十二坊東奴掠我馬汰其皮驚者以于

西房西房即以入市太僕寺烙印宛然

右牧馬圖

南山白額毛蟲袒掉尾磨牙踞林莽噬人不肯
避豪賢狡獸輕禽敢余侮壯士髮植風蕭駭身
掠虎落禽咆哮應弦飲羽目一曠拉押雨血摧
風毛倒載欄班出叢薄山虞高眠野樵樂寄言
尋斧休放縱還為深山惜藜藿

右射虎圖

李將軍圖 挽詞二首

飛將名空在封侯事忍論死為明國法生敢負

君恩棄市沙場血吞胡厲鬼
菟古來推較者先與鑿凶門

其二

未見東奴滅其如西市何
國殤應會鼓虞殞已聞歌
獨石邊墻在中朝教蔭多
誰懸蕪街首酌酒向銅駝

咏雪三十韻

凜凜園中暮濛濛
雪下遲雲同天黯
凌霞集地離披肅氣金
方積巖威玉律宜
臺烏紛淺色林棘梢
絳枝帶殺來鳩署
分寒出鳳池猶嫌霜稜
去薄肯放日華滋
嘉石堆盈炬圓扉穴刺規刀
山尖轟轟鈴索墜
纍纍病栢封枯削孤篁壓倒
垂牛頭噴變赤鴿面
苦藏鷲厚集俄成陣輕飛
故薄惟酸風助
饕虐凍雨聚淋離清濁客露灑
乾坤任剗剗彌漫
巾地網簾頓駕空篩粉飾都
無隙快張鉅有涯
菊花何太苦柳絮恐非時
虎穴誠難滿孤踪
或暫夷漏壺冥且晦岸谷混
高平半塞仁羊徑
平填問馬岐橫空真跋
色失路亦迷離
淵劄那會避汚泥
總未差如何瓊玖質
翻作糞澗資瑩評
瑤臺碎清嗟玉尺墮
何當依

瑣闥重與集
呆恩繞徑行
防滑穿簾坐
苦危聽窻分
歎噫將策試
扶持悶想陪
鯉酒閑搜合
開詩槎
枰生肺腑
皎潔見鬚眉
屯甲恰毛蝟
封侯惜手龜
老夫堪一喙
臥憶蔡州師

雪夜次劉敬仲韻

冷壁寒燈焰
欲收卅年身
計一孤裘
雪花似掌難遮
恨風力如刀
不斷愁
驚攫高樓
仍拉摺鼠爭深
穴正啁啾
殘年大有拚身處
美酒盈船共拍浮

贈潞安孫道人詩并序

道人往游新安
却病起死其効如神
約友人程孟陽訪余於虞山
而不果
余復官赴闕
從新城王司馬沁水孫司農
問道人在所
二公許爲余延致之
亦不果
今年聞余有逮繫之禍
重滿千里
問余於請室
道故悲今相向歎息
且約候余南還策蹇追隨
共了還丹大事
余感其意
作是歌以贈之
并以訂其行焉

道人昔踏天都峯
倒吸黃海冷芙蓉
道人今居太行脊
手捫天井黃白石
今年訪我南冠囚
霜風裂面雪卷頭
墜馬折腰臥旅店
十日不食寒

無裏古來神仙多奇驚英雄迴首人閒事故驟
 老將青城客椎龍少年倉海使君今已作愚谷
 叟肝膽輪囷尚如斗蹇驢摺紙著巾箱鐵彈如
 風藏腦後君不見新城司馬氣食虎八十邊庭
 撫驕虜又不見沁水尚書磊落人顧盼霜稜起
 眉宇昔年執手禁城闈周廬旦復晨沁水
 每憂當路火新城欲購解飛人王司馬詢余欲購解飛人殺虜余舉王莽傳答之一笑而止我從二公問孫老擬學還丹事
 幽討二公笑我太早計擲却金蓮想火棗十載
 推移陵谷中可憐猿鶴與沙蟲宜雲屬虜填遼
 水澤潞知交酌朔風我得幽囚豈非幸尚有殘
 生坐督井耳豁依然箭著癩頭童恰似頸生癭
 羊羔酒熟歲云暮我心不留君且駐君如翔鷹
 我越鳥相將會逐南枝去虞山亦是一仙山丹
 井銀筒紫翠閉結宇平臨兩湖水朝飛丹鶴莫
 呼還

次韻劉敬仲寒夜六首

寂寂寒廬弔影孤咄嗟何計復彫枯心如抱杵
 頻春碓身似投驍未入壺憔悴移時枯樹賦淒
 涼繞屋北風圓長吟小飲猶堪樂愁坐書空定

不須

其二

小窻颯拉過歸鴉凍口銜寒陣不諱悶取青編
 占木稼閑梳白髮鬪霜華差池梁燕恒辭社落
 薄巢鳩不置家漫道雪飛如柳絮可隨離夢到
 天涯

其三

尚有乾坤容傲兀可無環堵置琴樽望衡對宇
 躬耕地流水青山獨樂園零雨故應悲在野停
 雲何必歎同昏縞衣夢斷梅千樹月落參橫與
 晤言

其四

故山松桂傍人閒不出林泉不閉關綠派水迴
 新竹逕紅欄橋繞舊漁灣穿雲臥石何曾鬧抹
 月批風也未閑有日隣僧共扶老緣溪略約試
 梅還

其五

皮島傳烽數夜驚綠林銅馬苦縱橫憐才可但
 旌當轍使過終須赦絕纓急繕棗街懸雜種更
 管京觀待長鯨 至尊自定金湯計作頌休誇

統萬城恭聞 聖駕聞
城落句漫記

其六

結蘭廷佇自幽幽解佩何當怨寒修驥驥生難
逃係維鯨鯢死不為吞鈞人閒有賦難名別天
上無方可寄愁拔老王官尋二士築亭吾亦記
休休

再次敬仲韻十二首

白髮盈頭不耐剛無才老子刺痴頑摩娑明鏡
看生面吟咀殘書理舊顏愧我勞人殊草草輸
他來者自閒閒江南路在春明外落日飛鴻山
外山

其二

不知何罪畫衣冠肯信眉於眼下安路入藕絲
行偏側身藏針孔坐艱難穴中烏鼠眠方穩水
底魚龍臥亦寒祇恐清宵又成夢幾迴撫枕到
更闌

其三

四壁霜華促曙光中腸結軫重增傷涉江楚頌
無井橘故室吳羹有稻梁逆水雙魚多撥刺退
風六鷁更迴翔劇冷世事兼身事咫尺殘燈意

渺茫

其四

誰將瓶缶餉虛空墻壁依然與我同生計烏枝
依曉月世情馬耳過東風柱樓鶯語當春半禪
榻花殘正酒中雪窖冰山無不可與君朝夕對
芳叢

其五

風輪轉地切為塵猶喜皇天判此身顧影自歌
將進酒窮冬還賦惜餘春端居有疾憂非鬼空
谷無聊喜似人比屋商聲出金石可知吾道未
為貧

其六

長安也向日邊看矮屋雞棲仰面難寬雪可令
長夜旦壺冰豈為一人寒蟻肝無復堪砧儿魚
尾何曾戀竹竿北叟南翁居接戶始知憂患果
無端

其七

鶴蓋成陰柳市頭金張趙李互經繇鄒陽下獄
悲金鑠陸賈逢時歎石浮浮石沉木見新語莫以鴉雛
價腐鼠好將鴻羽換沙鷗江東舊隱西湖畔數

折溪橋一宛丘

其八

交疏窻閣暗傷悲腸底車輪攪夢思滿鏡新粧
留半面堆奩濃黛約雙眉雪深深椽燭攤書夜酒
罷銀缸擁髻時歸日胡麻正堪飯更須量畝種
神芝

其九

心情蕭瑟稱初冬晝懶逢人夢亦慵日夕難堪
愁土室歲時脉柵羨村農絡頭是處皆牛馬假
足何人叱駟蚤紫栢聲聞都未了法堂依舊五
更鐘紫栢老人坐化獄中有偈云柢聲未續鈴
聲續誰是聲分誰是聞却憶法堂鐘鼓振
古來竟夢

其十

局趣真成轅下駒敢云世難恨為雋紛紛戎馬
羞稱老落落乾坤自覺孤雉雖有媒逢弩鏃鹿
生無命繫庖廚朝來盟蹟臨青鏡他日何慚魯
衛徒

其十一

丙舍經營拂水陽齋心筮易得歸藏漏春岸柳
迴殘綠破臘江梅發古香鴻鴈計周謀稻黍鷓

鷓枝穩稱飛翔耦耕重訂高人約一段茶窠百
本桑孟陽詩云何時鋤破東
本桑 阜雨一段茶窠百本桑

其十二

每頌新詩可樂饑連墻却喜竝圓扉焚膏東壁
分餘炤曝背西榮共夕暉落落比鄰如置社紛
紛朋好欲忘歸亦知昔夢聊相似銅鞮秋衾與
願違

續次敬仲韻四首 有序

余在請室與敬仲司空比屋而居昏夜得句扣
門索和僮僕相嘲曰乞火乎索米乎敬仲每屬
和輒出意表余告之曰不量彼已輕兵挑戰勇
而無剛屢為宿將所困天道後起者勝非獨戰
之罪也願公執螯孤先登僕謹厲兵秣馬以待
敬仲默默不應越數日忽出詩二十二首波騰
泉湧首尾爛然燒燈呵硯次第和之已而笑曰
敬仲之默而不應者示怯以誘我堅壁以老我
也已而連章累紙絡繹見示者重兵以壓我驟
出以窘我也敬仲於致師之法則巧矣黃池之
役昏而戒令雞鳴而壓晉軍王親執袍鼓三軍
譁鉦以振旅聲動天地吳可謂毒彥矣雖然盛

氣盡銳掩人不備固未可謂堂堂正正之師也
余不知兵法不勒部曲免冒大呼獨身搏戰雖
未能斬將搃旗視晉師之大駭不出周軍飭曷
則固有閒矣自今以往交綏而退偃旗息鼓以
避敬仲之顏行敬仲又將曰是其目動而言肆
乎當更用何法以肆我也丁丑十月十六日
跋足爭教欲上天筆床茶竈夢菰煙白蟬舊得
藏身訣黃妳新緡却老編爾雅蟲魚休辨鼠離
騷香草只宜荃丹鉛點勤紛成訟漏轉燈欵月
正圖

其二

偷得微生萬事慵
灰飛緹室候初冬
畢其風雨難憑准
柄鑿方圓費彌縫
北郭先生生已老
東家夫子子為恭
濁醪飽飯吾年事
莫以山林羨鼎鐘

其三

寒空雨雪正霏霏
枯坐西窻歎舉肥
園土冰深知地降
窮冬水涸與天違
屢能適足何須截
怕可蒙頭不解飛
莫向崦嵫悲晚晚
懸車猶足覽餘暉

其四

夜赤漫天巨曉
瞰關心象緯未堪論
兔知霜降先營窟
蟲馬苗蕃早蝕根
壁上畫龍成底事
夢中索鹿竟誰究
圓陞大有乾坤在
司寐無勞報夕昏

生日詩三首

孫吏部 昌齡

百年胡不樂斗酒且相於
莫歎山公啓今為城旦
書林風傳舊嘯窻
雪映新居零雨將為別題詩料子如

倪戶部 嘉慶

輓餉紆雙管
籌邊轉寸腸
風霜諳下吏
冰雪見清郎
却掃韋編淨
清齋梵筈香
看君仍仰屋
憂國意何長

劉司空 榮嗣

湛壁難遮客
寒茭幸告功
若為秦獄吏
來議漢司空
河伯憂方大
波臣論自公
憑將尊酒意一問
緯蕭翁

送何士龍南歸兼簡盧紫房一百十韻

崇禎聖天子帝德邁陶唐
疇咨若余采共咬亂

紀綱鈞黨窮部牒告計登蔽即羣小競趣走翁
 若中風狂峨峨格天閣沉沉偃月堂聚族謀旦
 晚鎖門算昏黃手繕女奴跡足摩膏史林諷指
 變鹿馬蜚語涕蜩蟬牢修既告變未竝復上章
 納言敢封駁投匭任披猖伊余退廢士杜門事
 耕桑十年守環堵一朝鎖銀鑄天威赫震電門
 戶破蒼黃詔紙疾若飛官吏什欲僵有母殯四
 載淒風吹盡荒有兒生九齡讀書未盈箱賓客
 鳥獸散親族憂以瘁或有疆近者懼累遺禍殃
 目笑復手笑堅坐看戲場或有狎伶者黠鼠而
 貪狼毀室謀取子壞垣隳我采御榆反皮高臨
 詠騰誹謗唯有負傭流弛擔語盡傷唯有寵眉
 叟戟手呼彼蒼市人馬罷市僧院各姓香我心
 鄙兒女刺刺問東裝暮持襖被出詰朝抵金閭
 門生與朋舊逢涌來四方執手語切切流襟淚
 浪浪惜我儻從弱念我道路長或云權倖門刺
 客如飛蝗穴頭不見血探頭入笑囊或云盤殮
 內鴛鴦寘稻梁七著一不慎墳裂脣肺腸誰與
 警昏夜誰與衛露霜誰與扶跋蹙誰與分助勸
 何生奮袖起雲也行所當闔門置新婦問寢辭

高堂典水買書劍首路何慨慷是時馮使君
 送我臨京江逝將解符印從我俱存亡敬子執
 高節再拜舉壺觴江流怒飛立三山擺雷礮白
 日忽西匿青天為低昂行行度淮水登頓相扶
 將予古漂母廟祈靈岱宗陽杜亭賢主人盧德
 亭有杜寄館仍異根不憚開車載不難復壁藏窺
 戶無停僕追踪多飲章歸死赴司敗垂頭就桁
 楊洵洵同文獄剝肌生瘡瘍共莊籍口語曾史
 主盜賊百死無一免引義自激昂囓累皮與肉
 堅忍技蒸榜多謝老頭願旦暮虎穴葬何生夜
 草疏奮欲排帝閭黯淡蚊撲紙傾欹剗成行殘
 燈焰明滅房心吐寒芒祖宗肅惚恍天心鑒明
 明眉山摘牙牌分宜放鈴岡執彼三屍蟲打殺
 銅駝傍孤臣獲更生朝市喜相慶吁嗟禍福交
 誰能保故書與會附蕭傳長終叛呂防何以見
 魯衛徒然痛陳臧歎子一逢掖眇小少不颺乘
 鎖乞收李舉慵請留陽擬子於何蕃譜謀誠有
 光益冬家書來念母心不遑有憂食三歎矧乃
 情與朔星言卷衣被別我歸故鄉我欲繫子駒
 顧視心俛便子行急師難子歸慰母望丹青或

可渝此義水不爽我欲送子去鐵門限堵牆圍
土無尺水何以當河梁我欲與子訣有如瞽失
相駢蛋一相背嚙負徒仿佯放思獄急日痛愈
撫鉅劍炙手勢轉熱彌天網高張叫閻遠萬里
引刀恥自戕和藥趣朱游呼囚到王章黑脂牢
獄苦爇蒸三伏燭矮柵棲鵝鴨糞壤轉蝓蟻臥
薰腐齒臭渴飲伏屍漿夜夜入針孔朝朝坐劔
鉞此日吾與爾志壹氣益強高論窮結繩和歌
出宮商人生如嗜味患難宜飽嘗阮陳良亦樂
在莒安可忘道遠兵甲阻歲暮雨雪芳單行寡
命侶寒驢艱服箱冰堅埽狐踪雪深埋鹿迹禽
獸猶躡躅子行慎跌踢我行亦不遠歸心急鵠
鷄介恃 聖明主數日離火湯縱使荷戈爻終
然及菽蔣買舟具笨箸結庵依枕椰矯志厲桑
榆與子共縹緲學詩辨四始識字探三倉頻年
苦病患學殖日以荒我欲師甯戚秉燭代日光
勿復慕富貴時世難頹頹引鏡看頭目豈是鼠
與鼯勿復憂貧賤順逆隨牛羊譬如死牢戶誰
以軀命償拂水有丙舍青山抱長廊老桂長新
枝江梅發古香君歸持此詩灑掃榻東廂解鞍

懋杜亭先以告紫房

渭南梁生爲余寫真題二絕句

顛悴南冠冰雪晨天庭黃色自生春憑君摹寫
胥靡樣可是商家夢裏人

其二

畫得漁翁貌不肥春愁鶴髮正依稀君家渭水
南頭住爲我平添舊釣磯

趙壁

趙壁連城貴蘭花有國香翁堪傳脂粉三十侍
中郎

送陳生崑良南歸

席帽疲驢問牖城風襲雪虐淚縱橫夜闌秉燭
知何地酒罷扶床感再生只有寒燈隨我住且
將歸夢伴君行棘林漸解滿天網道路悠悠莫
愴情

寄許文玉

敢謂前賢畏後生紀羣交誼古人情家庭實有
晨昏助鄉里虛傳月旦評賞酒悲歌憐北寺明
燈布席想南榮啼猿啜鶴君休歎并與嚶鳴作
友聲

寄侯豫瞻督學江西

水鑑清時吏部郎持衡專得典文章濯腸篆籀
吞江水炫目蛟龍騰斗芒勸俗蒸嘗先兩廟康即兩廟採風詞翰繼三王停車五乳峯前院為
我重拈一瓣香慈山大師并盧山五乳峯下

華州郭胤伯過訪

君是郭林宗水冠見慕同偶然來朔雪相對感
流風舊論城南在新圖冀比空嚴更憐促別愁
坐燭花紅

五芳井歌

丙子之秋虜番入旁午軍書刺閭急獨石邊牆
一夜墜赤縣黃圖少完邑定興小邑大如斗登
陣死為朝廷守羊馬城前礮火飛蝦蟇車上雷
聲吼肉薄登城踏積屍麗譙漂血巷流脂狼藉
滿城忠義鬼骨撐散拒知為誰君不見奉嘗鹿
大夫奮髯嚼齒詈羯奴戕冠整衣抗白刃至今
衫袖血模糊又不見范家五芳井婦姑母女同
素纓俄頃芳魂斷轆轤千古寒泉見形影胡兵
宵遁三輔清乳燕連窠枝半傾大開明堂論爵
賞惟籌廟算皆公卿朝家彝典有倫次先策功

勳後節義金貂石窠如等閑怒輪綽楔非容易
奉嘗碧血埋荒丘五芳井水空悠悠尚書不肯
判紙尾詞臣何處書詞頭吁嗟乎忠臣烈女心
赤苦覓魄猶思婦胡虜人聞金盃幸無恙并底
銀瓶何足數老夫觸事淚滂沱偪塞決瀾一放
歌此身不共奴酋死忍死幽囚可奈何

張將軍全昌挽詞二首

醜虜游魂在雄邊宿將稀將軍今又沒部曲竟
何依恨不沙場死還從馬革歸可憐畢某復猶
用舊征衣

其二

赤血真堪灑丹書未肯刊死填牢戶易生拔賊
營難不汗逾三日無錢買一棺蕭蕭廣柳出易
水正風寒

戲題萬戶部小像萬一目偏盲偏頭人故督師世德之子

目送歸鴻故自難傳神正向此中看荆州恰好
添飛白子夏何妨戴小冠公子秋風思北渚孤
臣落日望長安善邊蕩寇傳家事屈指沙陀舊
將壇

若活一百年

三春赴追捕皇皇喪家狗入夏禁牢獄兀兀困
械枉仰屋棲雞埒負墻坐土偶欲行雙其足欲
言暗其口朝發棘喉飯夕飲攢眉酒憂來頻辨
胃悻其輒捧首領嘗難管腰卯或不保酉如此
一歲生可抵一日否陰獄強過活鬼趣預消受
歲月良亦多此歲何必有六十甲子中譬如關
丁丑若活一百年只算九十九

如此過兩年

兀坐牢戶中日長苦迢遶四季皆慘悽六時自
鉗鉄三伏有煎熬八寒無代替有日天蒼涼無
風氣陰曠晷短方偃息夜永又吟嚶墻屋鼠啣
啾床第鬼排擠生憎日輪出長患天門閉牙頭
豈容浙戶限何當慈遙遙度一日當以一歲計
暫看杯度別嘗見銅人製二百八十日強半彭
祖世如此過兩年便算八百歲

昔我年十七

昔我年十七鼓篋游博士文章吐陸離袷帶垂
旖旎朝英啓夕秀粲若嫩花繁壯盛迫婚宦憂
患自茲始荏苒四十載隻身攢譽毀羅網高於
天性命薄於紙皇天可憐我如禾秋蕪蕪健如

積上樹壯若駒未齒今年五十六從頭自經紀
餘年爲再生故我如已死判將四十年捐付東
流水天道周而復明年十七耳

次韻答潘朗士員外投贈

物論喧呶混稀苓將車盡日歎冥冥誰思灼艾
醫龍病但解堆鹽刻虎形滅死蔡邕仍續史踰
冬劉向又傳經莫憐幽天論垂釣貫索中間有
客星

其二

圓扉地北限天南只似雲堂未放然一夜烏頭
虛變白三生鴻爪誤精藍小兒未許呼中令上
客真成解左驂宋玉可能傳帝筮修門客易向
江潭

新阡八景詩并序

拂水回龍

南條之龍萬里度江自沙山而香山而虞山結
爲縣治東爲馬鞍山其中枝繚拂水巖蜿蜒耳
伏落脉於此故曰拂水回龍

虞山南戒一枝來騰踊龍身萬里迴奔向馬鞍
鱗爪去點成鳥目眼睛開虞山一名合珠四海

濡泉壤銜燭千年焰夜臺長灑天河降時雨
雲膚寸起風雷

湖田舞鶴

尚湖之阜溝渚回復登山睇視儼如鶴舞
唳唳奮翮正向新阡父老有龜去鶴來之識
斯當之矣故曰湖田舞鶴

乳水神阜接墓田仙禽遺蛻正依然梳翎
彷彿飄蘆雪閣脰依微印渚煙華表月明
屹引丹丘雲白影相連在陰夜且占鳴和
鳳舞休論五百年

石城開幃

拂水巖之西厓石削成雉堞樓櫓形狀備
具所謂石城也列屏列幃尊嚴聳起阡之主
山也故曰石城開幃

石城峯下起佳城百仞丹厓見削成錯列垣
牆天市近紫迴閣道帝車行雲開雉堞曾
樓晚日落旌旗萬馬迎卻望朝山爭矗立
參差簪笏似天平

箭闕朝宗

陽山箭闕相望百里而遙插立天外如向
如拱

以圭景之法取之不失秒忽所謂真朝特來也
故曰箭闕朝宗

百里陽山拱墓門歎雲吐景候朝昏羣峯離立
兒孫秀大石中央几案尊箭闕風生旅矢報郊
臺月出火城繁陽山有吳王拜郊臺憑高窮覽南條勢江
漢朝宗為汝論

沓石參天

三沓石與石城諸峯錯峙沓石虛崦拂水懸流
其上又曰三台石亦主山之侍從也故曰沓石
參天

拂水高巖近斗魁下臨沓石倚崔嵬漏穿嵐影
晴飛雨噴薄泉流蟄起雷嶺駐龍車雲滃鬱峯
邀蟾駕月低迴綠草擬奏三階事午夜懸厓禮
上台

會湖浴日

西湖一曰尚湖師尚父垂釣處也彌望環帶綠
如周垣水遠雲從日月出入此明堂之巨觀也
故曰會湖浴日

浴日晴波漾六時丹淵若木影參差馮夷鼓起
義和馭尚父湖通潮汐池蕩沈慕頤消薄蝕養

成鳥羽作明離掛弓尚許清遼海欲向扶桑借一枝

團桂天香

桂叢有小閣斥為隧道八樹蒼蒼與松楸竝列
余少嘗夢臥月宮炤徹肌骨視其扁曰團桂閣
之所取名也故曰團桂天香

八桂團團霜露叢夢回禁扁映新宮三秋落子
金波裏一夜飄香玉魄中月斧自能修葺窈冰
輪端合炤青葱姮娥不惜分靈藥長發新枝助
化工

紫藤水錦

老藤連卷託根墻下穿穴面勢用為指南三四
月間紫花相繆炤曜豪客真吾家錦溪中物也
故曰紫藤水錦

溪藤迴伏類牛眠布萼飛英綺樹連落落松楸
如有喜紛紛羅蔓媿高懸天清羽葆施丹彩日
煖流蘇覆玉煙應笑婆留老孫子還將錦綉裹
山川

山莊八景詩 有序

錦峯晴曉

嚴文靖公之祖墓今為阡之左沙其傍有錦峯
書院去山莊一牛鳴地畫船蕭鼓游人絡繹而
三春尤盛

錦峯雲物近平泉鳥榜紅欄咽畫船籠柳嬌花
新節序採珠拾翠小神仙明粧影奪山頭樹急
管聲翻水底天語燕正忙鶯又轉莫辭中酒落
花前

香山晚翠

香山一名顧山去山莊三十餘里江上諸山皆
橫屬於山莊之西而香山為近虞山來龍處也
今又為護山

夕陽樓畔坐簾櫳橫抹香山暮靄濃江上餘霞
拖半紫雲頭落日逗殘紅秋原桑柘千村影春
社牛羊一笛風西嶗人家未昏黑席門燈火候
歸翁

春流觀瀑

山泉縣流自三脊石下垂奔注山莊匯為巨壩
今旋折為阡之界水遇風捍勒逆激而上則所
謂拂水也

拂水縣流萬壑連空山一夜響飛泉奔為疋練

垂三省挽作銀河向九天風急蛟龍看噴灑月
明琴筑聽潺湲老農未辨為霖手抱甕朝來省
灌田

秋原耦耕

山堂之名耦耕為余與孟陽結隱於此也今改
築於墓田之左仍揭其額以招孟陽

罷亞風吹百頃香秋原正面耜耕堂宿田為我
鉏根羨辛歲輸他獲稻梁黃犢烏健經國具水
車秧馬救時方輟耕斗酒還相勞耳熱休歌種
豆章

水閣雲嵐

秋水閣負山面湖山莊實經始於此今茲丙舍
盡改舊觀獨此閣歸然如故

月觀風亭夜半舟依然簾額夕陽樓江邊水寨
餘荒壘天際郊臺沒古丘梯几山容分向背凭
欄雲物變春秋釣磯只在漁灣畔閒看晴湖下
白鷗

月堤煙柳

墓之前有堤回抱折如肉環彎如弓月士女絡
繹嬉游如燈枝之走馬花柳蒙茸蔽虧如張帷

幕人呼為小蘇堤

月堤人竝大堤游墜粉飄香不斷頭最是桃花
能爛熳可憐楊柳正風流歌鶯鶯隊隊勾何滿舞
鴛雙雙趁莫愁簾閣瑣窗應倦倚紅闌橋外月
如鈎

梅園谿堂

秋水閣之後老梅數十株古幹蚪繆香雪浮動
今築堂以臨之左右有長廊修竹小橋石礧皆
梅之館宇也

梅花村落傍漁莊寂歷繁英占草堂雀啁寒煙
翻略約鷓鴣窺素豔繞迴廊過墻月亞疎枝影度
水風令別礧香傳語綠堤桃李樹好將穠麗報
年芳

酒樓花信

酒樓直山莊之東平田遠迤晴湖蕩漾北牖直
拂水巖寸人豆馬叅錯山椒紅粧翠袖移動簾
額月堤酒樓此吾山莊之勝與眾共之者也

花厭入高樓酒泛上危登樓共賦豔陽詩人閒
容易催花信天上分明掛酒旗中酒心情菜食
候看花伴侶好春時穠桃正倚新楊柳橫笛朱

欄莫放吹

歲暮懷孟陽

松栝藏門數畝宮，耦耕堂上兩衰翁。更無生計
千頭橘，尚有殘生半樹桐。堆積新愁黃葉雨，耗
磨舊事白楊風。天南地北相思處，約略寒燈一
盞紅。

除夜示楊郎之易是應山忠烈公長子

叫闌十載動宸旒，歲晚京華尚旅愁。爲問敵衣
淹邸舍，還如乞食上譙樓。青袍白馬誰家子，赤
旆朱提何處求。愧我空憐廉吏後，負薪歌罷自
搖頭。

牧齋初學集卷第十三

試拈詩集起十一年戊寅正月盡七月

獄漸解頌繫待放五月二十四日以火災肆
赦遂得出東坡蒙恩責授詩云却對酒杯渾
是夢試拈詩筆已如神故以試拈名集聊用
志喜

戊寅元日偶讀史記戲書紙尾

夢迴旭日射窻明，遷史才繙午箭更笑殺蕭何
與周勃，可將獄吏換公卿。

其二

續背千金獄始明，吹簫織薄可憐生。北軍左袒
倉皇日，七尺爭如冒絮輕。

其三

絳侯繫急漫嗟吁，又見工官坐亞夫。父子將兵
俱百萬，敢從獄吏鼓嚙胡。

其四

漢家爭道孝文明，左右臨朝問亦輕。絳灌但知
說賈誼，可思流汗愧陳平。

其五

秦時刀筆漢三章，械繫歸來兩鬢霜。聞道青門

方會客種瓜五色曜朝陽

其六

南鄰有客醉呼盧笑指圓狹作酒壚愧我不如
曹相國後園張飲應歌呼

華山廟碑歌題華州郭胤伯所藏西嶽華

山廟碑

關中汲古有二士郭髯趙岷俱嵯峨趙岷字子
岷字子
集錄金石著伊余南冠繫請室攤書晝臥如中
石壁講華 魔郭生示我華山碑欲比七發捐沉疴展碑撫
卷忽起坐再三嘆息仍摩挲桓靈之際文頗盛
六經刻石正繆譌開陽門外講室畔車輞觀寫
肩相摩鴻都學生競蟲鳥宣陵孝子羣鸛鵝石
渠白虎事已遠皇羲篇成世則邪此碑傳自延
熹載石經未立先鴛磨丈人行可逼秦相一飯
禮本先光和郭香香察未遑辨洪道云東漢儒
王莽之禁人無
二名郭香察書者察在他人之書
爾小歐陽以為郭香察所書非也但見濃點兼
織波鋒刀屈折陷鐵石嶄巖高下連嵯峨古來
書佐檀筆妙後代學士徒口吐久嗟石跌毀鼎
肩却喜紙本纏蛟蛇墨莊舊物落髯手如出周
鼎獲晉操身領僮奴雜裝治手與心眼爭煩撻

靈根相快巧純緣史明牙籤細刮磋志靈值史
明郭氏體
也收藏定可厭艱架鑿賞况復窮虞戈我昔違

祭人太學肅拜石鼓拂白科依稀二百七十字
維輿貫柳存無多晴窻歸撫古則卷文是趙古
家藏石鼓

本按節自誦昌黎歌去年登岱訪古蹟開元八
分半鬻舊俗書刊落許公頌欄班漫漶餘蝓蝸

風霜兵火恣殘蝕此本疑有神護訶聖世文章
就增熄珠囊儒雅失網羅舞書不顧經若典破

體豈論隸與蝌兔園邇老讓軒頤乳臭兒子評
丘軻躡駁指日還見十輩凌祀海寧先河少小

亦思略識字沉淪俗學悲喝峻况聞中原戰羣
盜盜竊名字紛云麼搜金別王碑屋壁崩崖焚

闕傾山河汲冢書門徧烽燧祈年岫嶮難經過
每憐耆舊委榛莽誰集金石凌坡陀郭髯連蹇

趙岷死老夫頭白空吟哦還碑拂几意倘悅髯
手髯乎奈爾何

松談閣印史歌為郭胤伯作

六書繆篆用摹刻大者符璽細印章崩崖古隄
取次出鏤金琢玉爭弄臧關中郭髯最好古十
年收討盈篋箱都居州亂作譜牒編次細帙盛

縹囊璀璨丹砂炤蟲鳥錯互金璫堆琳琅攷正
職官本二史貫穿訓故窮凡將竊取正用史家
法豈玩小物塗朱黃憶昔先朝席豐豫符瑞
紛沓徵禎祥河清鳳見屢奏賀王璽又報來臨
漳先帝親御文華門制詔臣下風四方千官
鶴列瞻負展衝牙雙瑤聲鏗鏘中官屹立當御
座插冠貂尾加金璫紫泥封圻青囊解金銀騰
組開輝煌臨軒手持四寸璽俯示陞城周兩旁
槃龍紐螭弄掌握衫袖炤燭回虹光侍臣代奉
傳國寶殿中不用尚玉郎鴻臚傳制百僚賀文
曰受命壽永昌朝罷君臣咸燕喜南面竝進南
山觴豈知瑞應不虛見中興天以授我皇郭
君此書精且良曷不首勒王璽圖訪問禮官摹
尚方如服有冕網有網蠅頭細字注幾行吾詩
附璽垂久長命曰印史非夸張春秋之義微而
彰

人日

人日嗟何日題詩憶草堂容顏獄吏惜時序老
夫傷好事如花少愁心竝柳長不知分勝侶若
箇話蕭郎

茗上吳子德輿次東坡獄中寄子由韻作
丁丑紀聞詩六首蓋悲余之逮繫而喜其
獄之漸解也感而和之亦如其前後之次
銀鐺影裏見殘春悵恨登朝未殺身禍遽隱章
知漢法行逢贈策感秦人途窮漫浪謫山鬼獄
急倉皇禮獄神金馬多生餘諍論欲臨流水證
前因

其二
酷日酸風竝慘悽路長人極馬頭低孤身豈合
投豺虎三物何當詛犬雞婉變更無臨市妾顛
狂猶有送行妻蒼茫汶泗交流地薄暮祇疑湘
沅西

其三
隕霜猶自望回春千極誰收趙壹身已分殘生
餘有幾更將窮命乞何人市朝到處逢魑魅狂
狴中閒仗鬼神不信古來鉤黨事刊章錄牒正
相因

其四
八寒陰獄夏淒淒破壁殘燈白首低一夜霜天
愁唳鶴五更風雨悔鳴雞捐生聶政今無母先

死王章尚有妻准擬圖形屈原廟墓門何用刻
征西

其五

刀頭劔首度冬春欲殺何當有百身信到憐君
猶作客詩成知我尚為人經繡北斗穰妖殺歌
闕南薰禮獄神如此繫臣無不可經年頌繫亦
何因

其六

餘年吟賞莫淒淒水閣玲瓏砌戶低茅屋每樓
春社燕山邨嘗報午時雞蓬頭豈必慙兒子染
髮祇應媚小妻歸去臨風謝知己扁舟應在五
湖西

做元微之何處生春早二十首

何處生春早春生美目中凝愁成淥水流笑與
光風微矚防眉覺會波託鏡通不堪朱碧思含
睇向芳叢

其二

何處生春早春生巧笑中開顏鶯曉脫失喜柳
慳慳蕙葉分多碧桃花破小紅如臯君肯御翳
雉候薰風

其三

何處生春早春生眉黛中笑能舒柳簇翠欲瑣
蘭叢秀色描偏淺愁痕掃不空劇憐粧鏡畔便
面又東風

其四

何處生春早春生鬢髮中柳眠全約略花安半
鬢髮鬢重和雲櫛梳輕向月攏更衣思籠在搔
首恨飛蓬

其五

何處生春早春生唇輔中含嬌頻送態薄怒乍
舒紅膩理停蘭澤流光轉蕙風施朱與著粉評
泊任墻東

其六

何處生春早春生好口中含桃欺齒白編貝逗
唇紅房露清歌引幽蘭絮語通畫長頻咳噎錯
莫喚雕籠

其七

何處生春早春生皓腕中含情向機杼抱影守
去房櫳峭倩寒葱削溫柔稚荀籠自憐工織素
纖指訴流風

其八

何處生春早春生素足中鳥交會滅燭展跼不
禁風草惹裙腰綠蓮移屐齒紅刀頭嗟未見新
月似鞋弓

其九

何處生春早春生睡起中蘭心方的的柳眼正
深深覓弱渾難定身蘇旋欲融不如還昵枕殘
夢在房櫳

其十

何處生春早春生新浴中煙凝腰柳碧雨注壓
桃紅脂澤流香煖鉛華濺水融竊窺猶未得况
復與君同

其十一

何處生春早春生翠袖中憑闌寒食雨却扇杏
花風掩抑紫飛絮低迴數落紅遠山看未足延
佇畫廊東

其十二

何處生春早春生羅帶中輕塵看出水促步想
當風錯互桂櫻飾禁持相服紅薄裝誰解得雜
珮正叢叢

其十三

何處生春早春生窮袴中明燈知護惜閨夢記
惺惚密意繁多帶驚魂託守官殷勤問啼鳥花
信幾枝紅

其十四

何處生春早春生錦被中芳香留半臂蘭露泛
薰籠一夜穠花發五更啼鳥空生憎唐畫史只
為獨眠工

其十五

何處生春早春生寶鏡中黛眉分鬪翠花靨互
呈紅韶罷愁相妬粧成訝許同巡簷聽鶯喜雲
髻欲新攏

其十六

何處生春早春生角枕中梢頭花簇簇拂鬢錦
叢叢面澤承權裏唇脂泣口融可如郎臂好轉
側任西東

其十七

何處生春早春生刺繡中停鍼花竝發初線鳥
相蒙密樹鋪重碧斜陽綠斷紅流黃慙久晦刀
尺為誰工

其十八

何處生春早春生簾幙中參差依蠟燭暮歷張
輕風鷺子能嗔妾楊花會惱公衫前復扇後閒
殺畫橋東

其十九

何處生春早春生小院中梨花能駐月蕙草欲
沈風拂水臨粧鏡香山薄綺櫳不愁桃杏盡塔
藥又翻紅

其二十

何處生春早春生畫舫中花迎千嶂碧柳菴小
橋紅溪女憐新霽菱歌愛晚風西施舊明月偏
照五湖東

書四靈詩集

語近意不遠骨癭髓亦枯誰云賈島佛終是邨
家奴

戲書梅花集句詩

本朝沈行童號
集各三百餘首

楊衣那得綴天吳折鐵精鏐共一鑪要與梅花

添火伴差排何遜配林逋

春夜讀漢書寄南海陳侍郎

殘書讀罷夜潭潭坐見辰星過劔函文帝自能

分代北賈生空復策淮南曲江羽扇何須嘆東
市朝衣更不堪且學袁絲能日飲牖城瘴海共
沈酣

題王孟端雙松圖為稼軒

落落長身對儼然撐雲臥壑竝千年叢生荆棘
何須問却怕柔藤蔓草纏

上元後二日聞諸公貶謫之作偶作

黃金臺畔夕陽紅衰草叢殘郭隗宮應是上林
春未足蕭蕭落葉滿東風

其二

無花無酒落燈天粥冷灰寒似禁煙我自中風
人暴病口喏目眙枉相憐

送傅給事元初歸晉安

客路桃花春水生都門祖帳藹新晴鑪香袖染
晨暉重袞職身違午夢輕青瑣洞門樓乳燕碧

梧高樹隱啼鶯金臺折贈新楊柳似南中橘
柚榮

送劉宮諭若辛奉詔覲省

詔許詞臣覲比堂桃花春水帶恩先承歡每說
天顏喜愛日遙聽禁漏長膝下錦袍供戲綵手

中色線補垂裳六宮正茂珩璜訓早晚肩輿內殿旁

贈夏童子端哥雲間夏舞仲之子

瑞郎信不同非我欲求蒙背誦隨人詰身書等
厥躬倒懷書論日信口欲生風燈盞調聲病棋
枰喻國工若令酬 聖主便可壓羣公不見軒
轅后天師稱小童

反風行

二月十日忽陰墮刮風吹沙暗天地長安市上
少人行司寇徒行來下吏司寇叮嚀顧屬吏老
臣自失 明主意老臣從此入請室凡百靖共
敬爾位焚香泥首拜臯陶獄門訣別咸流涕君
不見 天王聖明古無二雲開日霽須臾事明
朝片紙召復位天乃反風亦容易

送僧游峨眉

劍外徵兵羽檄忙傳烽火夜炤瞿塘雙峨大有
閒人在坐斷千林看佛光

借劉司空過應侍御小飲酒閒與來吏部

訂西陵之游

但遇招邀即勝游莫將春日殢春愁紅塵蔽榻

還過應紫陌看花况值劉炤眼緋桃驚屋角開
顏綠醕鬢肩頭前期共有西陵在露酒尊羹正
可求

贈胡泌水

甲第軒車互却迎萬人如海隱王城五侯席上
支頤坐丞相門前掉臂行突兀高樓看鼠墜嗟
峨老表真狸烹談天欲杜毘耶口午夜燃燈禮
淨名

送曲周路侍御之官中州路會抗疏為余
仲雪牽連謫官

臺栢空餘一院陰清時珥筆正如林靜臣豈為
移官慮 明主安知護法心客路孤花如我在
天涯芳草為君深梁園自古風流地顛顛休為
逐客吟

其二

舉綱謀成嘆彼驕抗章投劾荷清朝青衫去國
君思重白首全生物論昭海內灰心論碩果班
行指口戒川椒與君更有前期在汗簡牽連未
寂家

題宋徽宗杏花村圖

宜春小苑春風香宣和闕殿春晝長帝所神霄
換新誥江南花石催頭網至尊盤礴自游藝苑
是前身畫師製歲時婚嫁杏花村桑麻雞犬桃
源世杏花村中花冥冥紆千山雀羣飛鳴巾車
挈篋去何所無乃負檐趨青城君不見杏花寒
食錢塘路鬼燐燈檠風雨暮麥飯何人澆一盂
孤臣哭斷冬青樹

夢與李長蘅談詩長蘅口誦一絕句嘆其
清婉有味云是湖州董伯念登第後有寄

作也覺而記之

萬巢雙燕到依佛風入疎窻燭淚肥短雨輕寒
催曉夢夢中渾未著朝衣

徐娘歌

徐娘二十絕代無當場一曲千明珠小妹風生
拾三七輕粧薄悅雙雙出肩摩擔壓蒿櫓橫半
塘水沸山隄平清歌緩舞廣場寂千人石上無
人聲風流徐郎字夢雨徐子詩互見前卷一見蒐銷足
不舉油壁青驄竝載歸連枝共命交相許多情
多病轉堪憐最是清明寒食天楊柳風前行藥
坐海棠樹下對花眠相送却回凡幾度暗別偷

啼更無數玳重叮嚀囑歌扇護惜頻煩寄窮終
離筵我賦途春詩更與新翻柳絮詞津遠軒中
低唱夜初平石下踏歌時徐郎笑噱還相向在
旁惟爾曾知狀長將皎日留誓盟縱及黃泉肯
相忘豈知人世不相於共命拋離連理虛三秋
司馬纏綿病一紙蕭娘決絕書小樓意前齊女
墓婁江卽是天河路空餘白骨裹秋衾拌爲紅
顏卽朝露淒涼此事十餘春取次沉吟淚滿中
白楊荒草知何處况復嬌花帶酒人燕山糧艘
高於屋鶯梢燕乳樓船腹將軍組練白差差小
婦榴裙紅簇簇五日蒲榴正舉杯有人玉帳寄
聲來因知河上凌波女曾向江頭行雨回殷勤
慰問南冠客鬢髮新添幾莖白聊搏角黍祝團
圓更笑王餘勉餐食白頭殘客重咨嗟舊雨新
愁恨似麻已分歌殘吾谷樹更堪哭損馬塍花
十年一夢如宿昔往事如風豈堪摘小鳳公然
作阿婆夢雨荒庵更第宅我囚君嫁不爭多瑣
碎心情可奈何禁城暮雨瀟瀟夕還想吳娘一
曲歌

有感寄侯縉部

設羅門巷省誼譚公叔文成每自嗟謂朱公叔

對影攢頭如縮蝟向人張口似神鴉謂朱公叔養成叢棘

終為刺鋤過芳蘭可作花歎息要離墳畔土他

年真欲累侯芭

題大鳥圖五月二十四日出
微為居停主人題

漫道昆明有劫交蒲陶首偕至今我不知此日

乘槎客誰見條支大鳥來

本朝風紀出留臺况復臨軒御遣來攬轡風

生新諫草之官霜肅舊宮槐果恩高闕千年在

烽火西陵一夕迴吳志揚都賦注曰孫權時合
暮舉火西陵鼓三竟連吳群

雨月出衣冠猶在眼綠茸先許奏塔台

其二

帝遣雄班重鎬京一臺二妙遂先鳴旁求容易

招胥靡拔茹頻煩說彙征碩果摘餘嗟老圃豆

其落盡笑躬耕法星近炤江天畔寂寞衡茅覺

夜明二御史皆抗
味尉薦故云

五星順軌火不驕寇降虜警邊烽銷舜臣五人

同日奉廷登受策先聖朝平臺召見亦何意

疇咨不厭博且勞聖主清問霽顏色詹臣抗

對于雲霄禁中語秘世莫曉君門萬里真岩冕

但傳優容出天語君明臣直聞衡謠唐天

未許排門闥漢代誰當應鼓妖秦王學士時難

見金吾老將何寥寥嶙峋折檻何足羨平陵槐

里成蓬蒿窮巷悄然斷車馬流傳盛事心煩鶯

老夫未敢歎秋雨臥聽崖卷三重茅

次韻答項水心宮諭見贈

夕陽亭下車祛祛離筵班馬相躊躇爭看弱葉

墮煙海豈有腐草枝方輿離離秀在姬訾口綿

綿瓜蔓昆吾墟郢水膠清和狼毒蓬池繪美烹

蟲蛆瀛洲亭子開馬肆柯亭剗井今何如爰絲

居家隨走狗孫弘罷歸仍牧豬烏頭馬角何足

歎頭白始解看殘書齒折何當廢歌笑項稿正

可供耨粗松江蟹肥思魯望蘇臺木落悲靈胥

一籠天地敢踟躕兩九日月窮居諸招邀青山

入庭戶誘引秋水浮堦渠竹閒花下肯相訪預

戒老鶴迎巾車
玉堂雙燕行送劉晉卿趙景之兩太史謫

玉堂晝暖薰風香雙雙燕尾搖倉琅背飛竝映
銀花勝託宿交棲玳瑁梁感君恩重巢君幕顧
影呢喃前復却何當鳴梧比丹鳳且願銜花效
黃雀啁晰辭歸未忍歸差池掠羽試雙飛風迴
鈴索聲猶在日過花墀候已非珠簾十二秋風
促蘆雪蕪煙何處宿明年社日蚤歸來籬口街
泥補君屋

姬太僕墓道歌

華州城南七尺墳渭水紫紆遠墓門劈華巨靈
難深恨竝闕仙掌與招魂冢中碧血為乳潼扶
蒼松楸作梁棟秦地爭看下馬陵雒陽尚說思
鄉夢廬山起家竝崔魏雅門鼓琴何足哀冢側
正須何點住植花澆酒為君來

送楊侍御休沐還武林二首

鱸堂盛事記銜魚畫繡爭看者繡衣楚國椒蘭
資獻納秦人雞犬慰鄉閭辰山月白開醺酒酉
水雲深蘭洞書見說川源桃萬樹春來齊發子
雲居

其二

清時休澣有餘忠丹地青蒲夢寐中江漢鷺鳥

啼夜月沅湘香草哭秋風五溪水服雲山別三
楚兵車乘廣同莫待還朝方入告早襄黃閣奏
膚公侍御武陵樞相之叔也

送任侍御巡按吳中二首

鷹隼秋高利羽翎爭傳風簡下青冥遙看牛斗
消氛稜先向虛危候德星螟蟻化為霜靈氣魚
龍不動海波腥採風願奏吳趨曲聽馬歌謠處
處聽

其二

帝為東南減膳殮捐租加賦詔頻煩夏周七浦
資渠市單郊三江待討論析木帆檣輪北極扶
桑島激護東門吳宮稻蟹應無恙莫忘飛章慰
至尊

王郎行贈王為都尉

王郎謫來帝所賓瑤脯瓊枝國懿親黃扉近接
天孫館清構遙通婺女津晉陽甲興虜氛惡抗
顏掀髯壓臺閣吳王白頭悔舉事漢相頽顏羞
振落都尉掌宗人府力性唐藩之議政地釋之祇今七十仍壯年綠
髮方瞳陸地仙燒丹藥有君臣火好客囊無子
母錢王郎王郎亦癡絕衷腸千卷眉百結滿堂

歌吹慘不歡但爲匈奴猶未滅

題劉宮論畫三首

春山得春山氣長瀑布奔流幾千丈山僧澣衣古寺中行人拂面溪橋上噴壑奔雷日夜忙愁傾銀漢瀉天潢白雲衝斷青山在始信人閒有石梁

右春山觀瀑圖

秋光如水秋天半南山高稜見書案高樓圖史稱蕭閒下界丹黃自紛亂遠浦維舟傍夕曛兩翁相對話溪雲知無世事汗君耳樓上書聲聞不聞

右秋山讀書圖

幽都冰雪夜可有一枝春驛使何當發吾將贈美人

右墨梅

次韻答王芥庵戶部

舊雨悲將別新知樂未皇風雷徒自作弦朔正相望地肺虛靈異天心尚角芒南冠猶唁楚北牖獨歌商簡記輸王粲清評服許將涼風吹灑落白月炤清揚鹿訟嗟牽率難占笑苦傷山人

聊衣白使者或車黃酒券賒文籍詩場擅鼓黃慙無蔡邕贈執筆重傍徨

文中書啓美入直武英二首時上命侍

臣較正御屏輿圖兼改定琴譜

才子承恩供奉特抽毫長對萬年枝千門萬戶張衡賦盧橘蒲陶李白詞應制大官分酒膳賜金宮女損胭脂君王省識鑿坡事三嘆家聲在鳳池

其二

禁殿深嚴翰墨香地圖琴史卽封章屏開禹跡圍諸夏譜叶虞弦動四方聚米山川籌朔漠採風歌曲按伊涼金門尚有台階奏敢倚談諧侍漢皇

登封歌爲王芥庵贈其尊人

主稱千金客奉酬高歌擊筑燕市頭道心籬下見黃菊俠氣霜前凌素秋美君長髯不碌碌每笑齋儒何狗曲秋原俠少輸臂鷹春社兒郎解分肉嵩山王屋舊天壇小駐人閒亦未難他時天子登封日投謁驚看靖長官

牧齋初學集卷第十四

試拈詩集 七 戊寅八月盡一年

中秋夜餞馮爾賓使君於城西方閣老園

池感懷敘別賦詩八章特德州盧德水東

菜崔道母及馮五十躋仲俱集

置酒坐廣除白月挂我前纖雲解翳駁萬象吐

澄鮮月駕何方來先炤雙闕巔稍破閣道暗復

向天街圓飛光城南隅亦是尺五天可憐大圓

鏡移置小林泉明童泛玉卮素魄流朱顏嘆息

月中桂芬芳滿歲年

其二

年歲何促迫涼風鳴葛衣分張一尊酒共攬明

月暉君如高林隼刷羽秋怒飛我如繞樹鵲三

匝啼南枝舉酒向街北天狼角差差熒惑仍在

廟卷舌光未衰盈觴不成醉悵然生酒悲崔生

獨不飲印首看少微

其三

少微猶微茫尾箕正動杓漢殿方延登唐麻敢

擗裂盧携終絕吭張濬空掉舌玄菟貢仍至盧

龍賣未徹築宮種蒲萄棹酒契金屑尙嵐一亭

障何必煩俊傑 馮以遠才推奇嵐道未允 歛容向手版開顏

笑旌節蕭蕭幽易地風動植素髮誰知千黃金

不直一馬骨中坐慙不歡俯仰危涕雲

其四

雪涕亦何為念我建繫時逝將解符節徒跣偕

我馳傾身為朋友何况君與師在三節不敦相

鼠嗟有皮皎皎風烈人千古留須眉斬見魯衛

士忍與逆約私此義久不陳微君誰與規魯連

已蹈海平原徒繡絲君過丑父泉為我重嗟咨

其五

咨嗟思古人今有盧德水逆我檻車中開門納

行李漢吏捕亡命秦相搜客子洵洵蹤跡及盧

生若瑱耳却笑北海家闔門浪爭死杜亭三閭

屋軒車行至止或有磊落人定交複壁裏

其六

杜亭主人出居停有兩公 德水桐少陵及杜十郎顏曰杜亭

為浣花叟一為陽翟翁十郎不出戶臥陰楊柳

風杜二長羈旅屋茅卷三重人生非鹿麋安得

骨角同指爪旋滅沒有如踏雪鴻巫陽誰筮與

簪尹何去從且醉平原酒豁達開心胸

其七

心胸正鬱陶別君更忡忡君為希有鳥我如失
負瑩君有一介弟海內稱小馮新隸元龜君家五十
郎卓犖比敬通一家自師友咳唾生仁風我衰
困無徒行于坎陷中有心各如面昌衛非窮途
假面難笑啼借足不從容逝將歸故鄉獨身老
蒿蓬衡門塞兩版保此一畝官

其八

一畝良易保四海將何如清夜不能寐執手臨
前除 天王本聖明臣工自睢于鳴集皆鴻鴈
暇豫誰為鳥君行登岱宗吊古訪蒲車旗星大
如瓜東井弗安居東萊海甸甸將無見巨魚鹽
笑厘宵旰天下供軍儲試看次公論何似仲父
書馮赴山東
鹽運判官我聞靈臺占德星出危虛賦詩代
出祖一笑慰首塗

白溝河題張于度屋壁

于度名果中新城人明經篤行左魏

諸公志微
皆主其家

門外喧喧要路津
荻簾土鏽淨無塵
夕陽亭下頻留客
廣柳車中每貯人
北寺生還餘我在
南冠死別累君頻
臨岐苦語真難忘
鄭重車中七

尺身

戊寅九月初三日奉謁少師高陽公於里
第感舊述懷即席賦詩八章

忽漫樞衣拜此堂
心期如夢淚千行
更闌尚說三條燭
坐久真慙數仞墻
孔思周情新著作
禹糧堯韭舊耕桑
明燈促席親函丈
秋拆沈沈夜未央

其二

再鎮危關鎖鑰長
一歸奴寇總猖狂
心因憂國渾如醉
髯為論兵半有霜
椽筆携將分子姓
鞭刀留取壓文章
入郊先問躬耕地
簡較秋原幾樹桑

其三

倉皇出鎮便門東
單騎橫穿萬虜中
拊手關河歸舊服
側身天地荷成功
朝家議論三遺矢
社稷安危一畝官
聞道邊廷饒魏絳
早懸金石賞和戎

其四

廉攬即可當儲胥
鈴索長疑畏簡書
聽事祇堪容旋馬
講堂猶自見街魚
能文裴度差相似
健

飯張良正不如此較溫公還省事更無僮馬出門閣

其五

劔眉山鼻戟如鬚生面麒麟可即圖渭水師臣
為後輩金城老將作前驅婦清君側誠難事校
伏遼陽豈廟謨當享何煩三嘆所秋風吾已穩
菘蘆

其六

一從凌水罷兵還三輔三韓戰血殷種落盡收
沙漠部穹廬直抵賀蘭山紛紛嫚語金繪外往
往殘胡障燧閉一綫白溝如帶水煩公臥鎮草
橋關草橋關在高陽宋之三關也

其七

魁三氣象久迷離隱隱寒芒屬尾箕戴斗一星
兼將相朝天數語動華夷滄桑朝市論新局烽
火邊關覆舊棋燈炮漏殘吾欲別河閒早已拂
參旗

其八

高河水急朔風鳴再拜無言別淚盈海內公今
雙白鬢田閒我亦一蒼生詞林粥飯荒冰暑沙

路延登亂火城卅載師門何所效謹傳衣鉢事
歸耕

王師二首

捷書嘗若此振旅竟如何盜賊能逃死 王師
欲止戈彎弓滿矢在棄甲兇皮多信宿休皇處
吾 君候凱歌

其二

老弱猶鵝陳瘡痍自蝘行却看沙草色疑是戰
塵生雇募朝充伍扶携夜扎營歸來見 天子
身是內家兵

九月九日過德州不及登東壁樓於城西

旅店拾紙作詩屬魯瞻留題樓上四首

苦憶東樓上高天在上頭風雷殊不作日月迴

堪愁芳草迷吳會浮雲辯 帝州莫令千載後

題作望京樓

其二

苦憶東樓上初飛夏日霜一身容縲綬百尸累
刑章複壁蟲絲暗危簷雀語長單車今又過未
死重沾裳

其三

苦憶東樓上盧家送酒來偶拈詩一首暫撥悶
千迴慕驚愁相語簷花笑不閉至今秋夢裡昔
昔與徘徊

其四

苦憶東樓上驅車點筆時魚知釜已熟猿見檻
猶疑敢擬登樓賦聊當絕命辭多君憐芥壁還
與續殘碑

德州城西贈別謝太宰

禾黍秋風古廟旁驅車出餞意何長蒼生自不
忘安石白首誰能論少陽太白論錢少陽詩云
惟有一翁錢少陽

袖裏討論還啓事尊前談笑亦封章時危道遠
應相望記取臨岐兩鬢霜

汶上道中逢故人

衰林匹馬尚天涯寂寞山城菊自花逐客已非
周太史故人猶是魯朱家心如老鵲迎秋晚身
似賓鴻傍日斜悽愴朱梁舊祠墓汶陽田北看
歸鴉

曲阜道中二首

霜林蕭瑟敝車來宗國蒼茫正可哀泗水秋風
沉漢鼎魯丘落日起秦灰憂時慮與巢鳥切去

國心隨候鴈回惆悵闕宮偏泯滅郊原牧馬總
虺隤

其二

百里平鄉氣鬱葱奎婁近直素王宮人家紅柿
茅茨外野店黃花灌莽中日落郊桐瞻魯道霜
清場園繪幽風齋心午夜渾忘寢肅穆寒燈一
穗紅

崇禎十一年九月十五日謁

孔林越翼日謁

先聖廟恭述一百韻

魯甸千年國尼丘萬代師廟堂周制備秩祀漢
官為林殿遙相竝宮牆儼在斯乾川三代後日

月大明時舊里標歸德新宮叶會期東家辨記
云孔廟西

南二百步魯城有門曰歸德世傳四方駿奔如
諸侯慕先聖之德而至此門入

有事仰止遂吾私歷歷奎婁堦行行濟汶涯天

門開泰岱地脉導淄濰誕睿星精降襄公二十
二年冬十

月庚子日先聖生者五日有二龍繞徽符斗王垂

室五老降庭五老星五星之精

孔子修春秋孝經齋戒而北斗而拜告備于天

有赤虹自上而下化為黃玉有刻文孔子卒以

見宋書符瑞志佳城象緯合玄宅鬼神治丘壟

猶堂斧封竝竝鯉思室廬餘結構子貢廬家室
今尚在漢光

武生孔子講堂顧指子路室宋真註

封回在曰此吾大僕之室也宋真註

先序上今名駐蹕亭開闢藏元氣衣冠用羽儀

石壇皆禮器夔比宗彝皇覽禮方六尺與地

平異植中梁木殊名辨雜離以百數皆異植有

粉作律離女負護訶荆棘恭敬鳥禽知聖中

五味薨檢之樹不生荆棘及刺人革禽鳥不素節金天肅高林

教遺文顏子冢但無荆棘耳王肅高林

王露滋東瞻日觀近南指帝車移王勃廟碑帝

之祥無位聖人當出泗水秋風下防山夕焰

馳防山在孔林綢紅雲霞繡絨草葳蕤先聖

繫麟角及大野搜麟其尚在鳥習絃歌語林

傳治任悲天香流灌莽地籍警陵陵陂入孔子墓

之風異香展謁渾如夢低回詎忍辭已後後拜墓

事端門何哉某廟東南二里魯城有門曰端魯

道正逶迤孔里今直到斯文不在茲平生懷麗

埽一旦拜壇墀祕殿降婁直中階七曜窺周阿

帶陵阜飛閣壓城陴藻井端頭攬虹梁鳥翼楮

秋陽明象設白道麗采恩儼若龍蹲在寧云鳳
德衰華冠章甫飾象佩袞衣宜玄聖今當宁羣
賢舊攝齊顏會陪劔履亮禹接鬚眉法象星鈐
吐風雲準角搗偶形閑揖讓屋壁隱金絲頌禮

繆壇樹義文錯院枝先聖手植樹如萊槍身憑

曲几先聖廟像有就王杏幹俯緇帷廊廡丹青

剝觚棧風雨欺戟門徒轟立奎閣半撐支暗網

繁奏籍炎光煠漢碑褒成元始爵蓮豆太牢祠

射飲空亭并尊雷亦戲嬉高門猶女謁廟東南

門曰高門齊人遺齊幕自優苑入邑朝歌劇初

女樂陳于高門外聖公府第公請以女樂

筵屢舞傲行酒余力却之質明也講廟具飯命

小園歌以脩食力質明也講廟具飯命

席頻鈎拭琴書獨嘆噫可能長夜旦終感哲人

姜泯絕登床識恹惶曳杖辭三家無甲第六族

有餘黎麟野長蒼莽龜山故蔽虧預官蟠翠栢

射圃綻紅梨切火青陽冢山餘源碑在魯城西輪

風路寢基先聖先王因魯信也驅車良惝恍

立馬重嗟吞里宗國於斯文流俗提拓開

無倫 金鏡文奚喪珠囊道漸墮亦書符泰運縹

筆替洪規孔子周會未李行漫漣三年學榛蕪

九達達師承論玄豕文字變侏離王策爭塗乙

金編互點啞冥塗紛槌植錮疾弱淫詖誦法宗
無子奔趨廟有尸謀身灰釜切從政斗笄危下
彈引家語兩觀疏刀鋸三雍鼓吹介雞私室

關獲鴈野人嗜重錦隣爭覲封弓盜竊闕飲羊
羣狡槍穿狗竝狐疑網漏專車骨詆深一足雙

陽街愆雨備火歷過天司俎豆荒文事封疆失
死綏幾年通肅慎何計却萊夷釋甲公徒踞扶

任國俗滴矢矜三寸激弓傳六鈞奇負載非無
策踰溝亦有詞稷禾田賦盡風草竹刑靡復宇

論書許歸田數郵龜作宮還頌閱脩器請觀歌
南服包茅阻東郊犄馬疲詎聞停亦狄忍見長

黃池去去傷宗國悠悠泣路岐以下自叙生平
去國亦解引東

修容過鄒魯流涕問桓僖皓首懷鉛繫童
年憶佩鵬章編愁未絕丹漆夢相隨別細夢

孔于東行宣海乘桴逸十六國春秋魯人從海先津
其說神異魯人尚能言之昌門曳練披憂心

無才能擇木有智不如葵累繼吾窮矣迷陽遂
已而人呼為喪狗自笑似蒙俱棄落朋徒在河

流道路彌楚弓亡可得魯寶載安之朽木容雕
飾殘生畏涅緇詠歸聊點爾學稼亦樊遲詎敢

偷懷壁用丹書男子張伯懷壁事終然守誦圭紀雲徵外史
問日比羣兒龍室藏誰守麟臺筆可追禮亡棉

最近書亂玉杯遺河碓行鈎擿魯相史吳利孔
掃雜却授未熟孝經春秋既成孔子皆備于天
此其也堯塙許誦惟九家陳篋衍七略奏笙篳原

室惟環堵顏瓢可樂饑願同齊隱士齊宿拜書
詩見南齊書

濟上逢嘉禾項仲展
相逢無後問乘車執手潛然涕淚初劔外官人

君若此山頭廷尉我何如形容變盡風霜在軀
命偷回肉骨餘南國總看驚鷓羽東門方擬祀

爰居淒風易撼巢枝鳥逆浪偏衝失水魚忽漫
又看成別去低回更復嘆歸與黃花著雨秋英

老紅柿經霜碩果餘長祝清潤如汶濟郵筒頻
寄一行書

淮上舟中
好在長淮問渡時秋風今日是歸期雨中燈火

揚州近夢裡蕭茄楚戍移去國慣如秋燕急還
家慵比暮鴉遲可憐跨下橋邊水淮口東流不

盡悲
高郵道上家人挈舟相迎喜而有作
甃社湖頭暮槳催長風却送布帆開如依拂水

垂楊生似載西湖明月來綠水茶煙偏蕩漾紅
闌燭影故低回榜人欲奏同舟曲鄰笛斜陽莫
漫哀

十月朔日抵廣陵二首

隋苑荒臺葉不飛竹西歌吹正依稀流螢尚作
蕪城夢跨鶴真同華表歸舊事月明空在眼新
愁水調欲沾衣策籬灣畔孤墳在萬點寒鴉送
落暉故人顧所建夏國公
動衛也 墓在策籬灣

其二

晚歲生還喜劇悲故人執手淚先垂共嗟餞訣
雷塘路恰是逢迎蜀井期幕裡芙蓉人似玉廣
興起宗在郵潛
春使君幕中渡頭楊柳髯如絲市橋殘酒瓜
洲笛明日京江繫我思

硯山詩為華山道閉上人賦

雲生搖筆處月駐點經時硯北何人見壺中自
可窺坡陀懸石鼓空翠涌天池舉似華山老蓮
峯倘在茲

送蕭季子公歸秦和

無計留君住停杯且一歌江湖鴻鴈闊天地甲
兵多歲晚孤舟別寒空片帆過遠行須吉日期

子慎風波

次韻答金壇于惠生二首

千重地肺一溪雲便闕東窻隔世氛五百年前
逢薊子三層閣上禮茅君曲城已種交梨樹連
石新栽倒薤文咫尺慧車栖隱地滿頭白髮愧
續紛

其二

菰苑誰能先子鳴難將斗石量才情相如錦繡
堪為質子美波瀾獨老成欲折江梅傷歲暮相
思春草喚愁生無緣重酌論文酒自詠殘編啜
菜羹

戊寅除夕偕孟陽守歲時蕭伯玉倚居春

彈園

歸來喜得共茅蓬又餞流年爆竹中繞屋松楸
停早雪綠堤桃李遲春風梅憐分張衝寒白燈
惜團圓破曉紅明日還尋抱關叟以蕭望之
喻伯玉
驢應過小橋東

牧齋初學集卷第十四

牧齋初學集卷第十五

丙舍詩集上

起十二年巳卯正月盡一序

巳卯元日次除夕韻

衡門兩版啓蒿蓬世事年光在眼中
礪水欲寒經快雪梅花未落受輕風
畿南候火千烽赤闕下祥雲五朵紅
報傳闕下有五彩紅雲見為如滅之占蚤約鄰翁占上歲共看幡信到牆東

次前韻簡伯玉

廿年踪跡兩飄蓬忽漫因依昔夢中
地近牛鳴俱隔歲身如鷁羽各驚風
鏡奩減藥鉛華白齋閣添經蠟炬紅
礪戶餘寒人寂歷憶君疑在虎谿東

次韻答東鄰李孟芳

度阡越陌最情親乞米分甘念我貧
七尺艱難歸故里百金容易買芳鄰
爭教麋鹿為生客互與松蘿作主人
黃閣勳名休借問驪龍領下已三巡

立春日喜蕭季公却迴兼示伯玉孟陽次

除夕韻

江天歲晚憶孤蓬却喜回舟似剡中
將子能來

如暮雪與君俱到有春風數株嫩莖催頭白
一握衰顏發酒紅扶杖策驢看我輩畫圖應在谷林東

壘前韻有寄

世情翻覆總飛蓬萬事輪君高臥中
下若溪邊沽酒雪大寒山畔採茶風
春來池草生新綠雨後庭梅綻小紅
遼落江天回首處藝香堂下石城東

題陸叔平滄桑對奕圖贈稼軒五十初度

去年琅瑯燕山頭天荒地老神鬼愁
今年燕喜虞山陽風恬雲暖化日長
眼中陵谷有如此何異揚塵看海水
花深西野列長筵瓜熟東臯會鄰里
高堂擊鼓吹笙芋觥籌交錯絲肉俱蓬山瀛海挂四壁就中忽見滄桑圖
君不見仙家日月非歲年滄海倏忽成
桑田洞中之樂比橘裏兩翁對奕知誰先
一翁斂手欲却顧沉吟猶恐一著誤
一翁超然似晏處目無棋枰手不舉
斜飛殘角未為促自古英雄少全局局裏滄桑人不知
推枰一笑何榮辱與君酌酒莫遑巡
紛紛朝市又生塵夜露未晞賓既醉人閒已有爛柯

人

歸來泉歌答金壇于惠生曹汝真

老夫幽繫經歲年歸來舍下新流泉以歸名泉
聊自慰扶杖閒吟歸來篇何緣此泉落人口述
異搜奇到吾友于公作頌如清風曹子歌詩比
瓊玖哦詩奏頌泉之畔真珠瑟瑟相凌亂清音
逸響聞絲竹拂水飛流起天半去年大旱山欲
泐土膏焦枯砌道圻崇朝雲雨長佇望舊井汙
泥空歎息山僮報我泉眼開一縷看從砌底迴
泐濡乍與針芒應渾沸俄隨鋤鏗來人言此泉
神所子天與歸人相勞苦湧出真堪薄醴醪餘
潤猶能長毛羽再拜謝客君毋庸老夫詎敢貪
天功皇天老眼大如許豈為區區一裸蟲若言
為我出此泉向來早涸誰使然偶因鑽火符昔
夢敢擬車錫稱前緣小桃舒紅落梅白小寒山
中茶欲摘松風徐吹石火新鑪煙輕颺紗帽側
遲君雙屐到漁灣嘯咏新泉古砌閒騰將詩筆
評泉品何似匡山與惠山

晉安徐興公過訪山中贈

衰衣應杖到松蘿清曉柴門散雀羅古砌寒生

流水靜閒庭客到落花多偉長舊著推中論孝

穆新聲入豔歌興公子存永能為豔詩聞道五車仍挿架

載書何日許重過

海寧張元喆偕許元忠過訪

回首清江古渡邊夕陽戀別又三年人閒芳草

生樵徑風定梅花落釣船尊酒細論思舊雨後

堂深坐聽新泉歸與投老終何恨吾黨于今亦

斐然

曲江歌十絕句奉寄香山何相公

風度祠前春草多漁陽鼙鼓復如何請看嶺海

生明月全鏡於今尚不磨

其二

賦成白羽若為工團扇依然在篋中莫為提攜

感移奪君恩容易比秋風

其三

孤榮歲晚見庭梅仙禁曾傳紅藥詩庾嶺梅花

千萬樹春風還在向南枝于青曾於紫微庭分賦芍藥香山亦有闕

中杜丹詩一時傳誦

其四

偃月堂深仗馬閒一鵬雙兔竝朝班書生漫自

誇前識只恨胡雛乳拳山雙兔指公與茂苑文相公一船蓋有所屬

其五

曲江祠畔乳蕉黃春社雙歸鷺語長莫向水晶宮裏去月堂無復舊雕梁昔人名吳興為水晶宮

其六

乘春海鷺又飛迴鷹隼而今已罷猜爾日銜泥誰省識舊巢仍向玉堂開

其七

梨園曲斷雨淋淋望祭江干淚滿襟還道遺恩輸越相鐵胎那得比黃金唐子西云張相窮鐵胎詔人相傳以馬明皇悔時所鑄此詩專傷茂苑而作

其八

荔子休嗟命不工桐枝黛葉薦薰風雕盤省見京華色五嶠還思進九重子壽荔枝賦云亭十里分莫致門九重今

其九

開元典冊頌龍池勃律金城畫詔時惆悵暮年雲路永有人煙艇問殘碑

其十

碣石崢嶸氣未降帝思風度更無雙蟬冠右

地頻虛席莫以香山擬曲江

寄督漕張御史二首

匝地烽煙避海漕普天飛輓湧雲濤羯奴豈識放倉計庾氏徒煩仰屋勞川瀆效靈輸萬斛魚龍銜尾護千艘至尊肝食隔東渭鼓吹延君建節旄

其二

漁陽遼海尚紛拏粳稻東吳歲運賒鐵甕雲帆連折木金堤春水泛桃花過淮燕賞兼歌杜抵潑風光正及瓜一石幾鍾憑奏報忍今膏血等泥沙

太和蕭伯玉自白下過訪假館稼軒西園

過從促數且有判年之約忽焉告別驪駒在門板留不皇分張多感賦詩十章以當折贈云爾

折贈云爾

忽漫竟成別悽惶無奈何已知當飲餞不忍唱驪歌水國春風晚離亭落日多暮年客鬢在且莫歎蹉跎

其二

楊柳繁離思桃花綻祖筵不堪臨遠道况值好

春天言別俄分手相留憶判年
匆匆來又去錯莫總堪憐

其三

南浦漁灣畔東亭水閣前
眼猶牽解纜心欲刺歸舩
離緒多春草愁懷黯夕煙
若論疇昔事小別已千年

其四

婉孌將分袂蒼黃欲灑衣
送君傷水綠怨別詛花飛
檣燕連兵氣竿烏見息機
白頭波浪裏安穩布帆歸

其五

吳粵升平地攜家信短蓬
船窻楊柳月帆背杏花風
兵火愁眉外江湖冷節中
羽書頻阻絕停檝問郵筒

其六

屈指行藏計君其問水濱
東游還有伴西笑更無人
泛艇隨漁婢浮家逐鴈
扁舟誰省記南斗一孤臣

其七

指點歸帆地春浮百畝園
水天為界限雲樹作

籬樊夜雨蕭齋靜秋聲竹
逕繁相思何處切初月在東軒

其八

來往無多地經過不速期
寒驢溪女笑藜杖野人知
應氏樵蘇日龐家作黍時
春盤生菜好節物重相思

其九

南國無衣賦中原板蕩憂
臨河能不歎蹈海亦堪羞
生計東風菜前期夜雪舟
還須憑快閣極目攬神州

其十

古人嗟贈處斯義在今朝
馬肆長宜閉羊裘莫浪招
時清危部黨世難穩漁樵
共飽殘年飯音書慰寂寥

羽林老僧

戒刀中夜響軍持禪杖
渾疑削鐵為殺盡羯奴
如殺草老僧原是羽林兒

春夜看真武殿點燈次璧甫韻

春燈萬樹亂雲蘿粧點
升平樂事多紺殿香煙
浮水齋朱樓絃管沸巖
阿緣堤語笑花開出促

席芳塵暗裡過歡飲莫辭今夕醉垂楊已蘸翅
塵波

上巳日卽事

煙靄空濛歷翠微春郊上巳澹芳菲祓除正愛
清流好霑濕何妨急雨飛新柳碧堪浮酒面小
桃紅欲上人衣乘簡士女看相謔芍藥爭教折
贈歸

寒食偕孟陽璧甫山行飯破山寺

肩輿作伴覽新晴綠樹紅芳艷復清週雨煙巒
如拂拭穿雲礪瀑故回縈頻於流水喧中坐儘
向春山好處行記取今年作寒食僧房麥飯午
鐘聲

清明河陽山上冢感歎而作

清明山色滿河陽麥飢依然祀享嘗尚有餘生
上丘墓能無老淚灑衣裳村童放學風箏急野
叟迎神社鼓忙莫忘先人遺畝畝太平今日在
江鄉

陽美相公枉駕山居卽事賦呈四首

閣老行春至山翁上冢回袞衣爭聚看棋局漫
相陪樂飲傾村釀和羹折野梅綠堤桃李樹一

一爲公開

其二

黑頭方壯盛綠野正優游月滿孫弘閣風輕傳
說舟鷗夷看後乘戎馬問前籌側席煩明主
東山自可求

其三

堤柳眠風翠樓花笑日紅穠華欺冷節妖豔仗
天工舟楫浮春水車茵愛晚風暫時憂國淚莫
灑畫橋東

其四

若問山東事將無畏簡書白衣悲命駕紅袖泣
登車甲第功誰奏歌鐘賞尚虛安危有公在一
笑偃蓬廬

山中得范質公司馬削籍報聞將卜居吳
下喜而有作

空山小雨破春寒秋水樓頭正倚闌見說范公
新去國恰如貢禹舊彈冠旋呼鶴使催花信更
掃漁灣整釣竿老屋三間幾兩履相將同入畫
圖看

其二

春深草碧闔閭城夢裏華胥自玉京杖卜名花
勾舞蝶銓除密樹引流鶯槍旗盤底觀茶戰幟
燕尊前試酒兵莫學鴟夷變名姓五湖蝦菜有
誰爭

四月初六日送春作

今年送春誰最歡疊臣生還樓故園驚心軟紅
付塵夢炤服柔綠開清尊今年送春誰最惡燕
齊鳥烏巢虜幕壯士白骨枝戰場內人紅袖歸
沙漠人生若不開口笑束縛山岡倩誰弔請看
今日又春歸試問何時再年少牀頭滄酒猶滿
甕屋下新泉似酒清桃笙竹几疎窻好疊石移
花略約成春歸懊惱如何遣半是蕭閒半游宴
清陰午夜卷殘書小院風輕試歌扇憑君莫唱
渭城歌舞蝶啼鶯奈爾何處處落花三月少年
年芳草送春多東風勸爾一杯酒莫以如新怨
白首明年把酒迎早春仍是今年送春叟

拂水競渡曲十首

招屈亭前沅水迴千年魚腹有餘哀兒童不解
靈均苦拂水巖前競渡來

其二

喧呼招屈閭悲傷擊汰揚桴楚些長何事南翁
三戶裡更無人弔楚懷王

其三

五月沅江夾綵旗楚人終古弔三閭吳儂自抱
鴟夷恨權把前潮坐子胥

其四

小小吳船裊龍張鱗掉尾鬪玲瓏吳兒也學
蛟龍樣滅沒翻身高浪中

其五

共駕龍舟戲晚風揚旗鼓浪自為雄羣兒不省
船頭畫只道青龍見水中

其六

脚踏潮頭口唱歌吳兒從小狎風波自家身命
渾如擲却為他人數鴨鵝

其七

長鬣三呼作水嬉餘皇出沒弄蛟螭乘潮踏浪
渾閑事難道吳兒遜楚兒

其八

呼噪兒童口尚黃爭標奪采鬪身強須臾鼓罷
龍舟退脫却黃衫便下場

其九

亂流齊進咽通津
畫舫垂楊不動塵
咫尺白頭波浪裡
水邊人看水中人

其十

船夾蛟螭水怒飛
紅闌橋外雨霏微
龍舟唱斷菱歌起
日暮安流蕩漿歸

大雨後顧九疇侍郎過訪山中

戲撞頭上擲身難
贏得空山一笑看
竟日向餘憂國淚
百年同飽腐儒餐
朝賢去似春花盡
羯虜歸如夏雨殘
却望西湖垂釣處
蒹葭落日照漁竿

二哀詩二首

劉司空敬仲榮嗣曲周人

儒雅風流一俊人
死填牢戶亦前因
爾留留豈意同囚鬼
臯復應須喚獄神
青簡詩章拋糞土
紫芝眉宇漫交塵
精靈料得如精衛
河上年年泣負薪

傅給事右君朝佑臨川人

數載梧垣抗疏聲
兩年棘土作書生
授經註點窮門面
唱曲消磨苦性情
于君效黃霸授經於每月夜行歌編掛

中 傲骨可憐緹騎杖
芳魂猶喜諍臣名
長安門外春深草
一片朱殷血染成

次韻茅孝若無題二首

曲房砥舍夜珠來
璧月分明入鏡臺
網戶有情絲罽屨
穿簾無分燕低迴
眉頭黛簇雙心結
酒面花浮竝口杯
玉樹作枝君未見
疏窻先亞一株梅

其二

舊思今寵故依然
桃葉楊枝盡可憐
蘭坼芳心因曉露
柳含啼眼為朝煙
天涯蕩子輕紅粉
日夕佳人惜翠鈿
但得容華竝桃李
春風長肯在花前

荷葉鼎詩

屏石上人讀古人詩云
飯炊荷葉鼎遂以意為之
以荷葉裹米浙而炊之
須臾而熟香美與嘗飯已
卯七月過山堂試之戲作詩記其事

荷葉田田不可整
持荷作鏡難
炤影但聞楚客集
為裳豈料山僧炊
作鼎長腰玉粒雲子如汲泉
釋米手滌除露荷新葉與包裹
松風活火頻

吹噓須臾荷香炊旋熟軟美無煩更淘漉逡巡
應比仙人酒咄嗟不羨豪士粥山僧長享粥飯
供折脚鑪邊有誰共聊將弱葉戲鼎足更借新
炊喚殘夢老夫飯罷飽撐腸更有吳羹和稻梁
却笑阿師將客粵綠荷包飴赴虛忙師將游粵西訪劉漁仲

八月十三夜

高秋雲物映池臺綽約雙娥逐月來爭見青天
飛玉鏡拚將銀漢寫金杯閑愁恰為清歌緩殘
漏偏教急管催共惜嬋娟又三五相期更刺酒
船回

十四夜

湖山卷畫倚秋空綠浪紅闌清露中光瑩地將
塵世換便娟人與月華同河傾酒面天方醉漏
殘歌心夜未終信宿西園阻游宴應知不樂為
車公石門司成邀宴西園以病不果

十五夜

青天絳角月舒波銀漢無聲秋露多自倚白頭
還縱酒偶攜紅袖為聽歌兔疑皓魄深藏窟蟾
惜清光旋入河悵望桂輪今夕滿莫令尋斧近

姮娥

十六夜

花殘燭暗坐深更午夜依然是玉京急雨破除
應有意微雲點綴亦多情露描翠黛雙蛾重風
拍紅牙一串輕誰竝姮娥穿月窟桂枝深處定
分明

十八夜

蕭蕭風雨閣樓臺好是吳孃一曲催裙汗綠痕
都未浣袖粘紅淚半成灰可憐狼籍秋光去誰
復招邀月駕來傳語姮娥亦惆悵沙才董白二妓
名一時回

重題斷句八首

桂華歌斷碧雲閒癡澤猶從笑語還明月西沉
人亦散只留秋雨伴空山

其二

水雲煙樹半依稀紅袖雙雙下翠微更向碧天
歌一曲無人不道月中歸

其三

曲宴清歌三五期離筵恰是月殘時生憎一片
中秋月又綰逢迎又別離

其四

烏鵲驚飛促織催松街半月影徘徊期君莫作
今宵月一墮西巖不再迴

其五

來如明月去如風燭滅香銷一番空何似嫦娥
有行止長依桂樹在蟾宮

其六

簇簇雙蛾向別杯當風羅袖欲低迴回頭却望
秋池水賸有紅蓮一朵開

其七

意錢才罷又迷藏馬髻弓腰百樣狂月下風前
難忘却留他別後相思量

其八

霜林紅葉趁裙紅屈指停車十月中安得天公
肯橫篴便禁丹桂作丹楓

聽青琴理弦子

小窻紅燭淚盈盈絃索初調撥撥清彈到西風
黃葉處青琴指下泛秋聲

瑤臺歌

蔣家女兒字瑤臺瑤草瓊花天上來月地雲堦

檀芳澤輕紅澹粉隨塵埃桂梁蘭室盧家婦流

黃機畔長相守自矜容鬢在花前不管年華歸

燕後郎從何處悅傾城鄭重停車問小名未開

繡戶心先許才捲珠簾自已成江城靈風海雲

黑郎逐銀鑰去京國齊女猶傳馬角生齊女墓

東嶺其上有亭燕姬浪說烏頭白祇憑片語斷

烟緣約略歸期好判年春草茫茫如妾思秋衾

昔昔在郎邊相思難避如逃瘡一味文無是良

藥判無棺木待儂開留取衫襦與歡著生憎女

伴笑孤眠不憤秀人說可憐預愁妾老勤照鏡

暗祝郎歸恰數錢烏啼夜半報郎歸及至歸時

聲影稀三春花鳥成遼闊經歲青書果是非傳

郎三心復兩意賤妾何妨自捐棄又恐人言是

鬼言翻今好事成虛事郎心妾意兩蹉跎似夢

如風可若何拂水山高竝巫峽琴川河水即天

河天河橫斜昏復曉若比郎心還易了空將求

匹問蠶絲苦恨為媒憑鴛鳥一朝決絕不繇人

空裏游絲路上塵斗酒雖然付溝水寸腸終自

轉車輪為郎碎却圍棋局拋擲絲絃罷度曲空

局應知無見期急絃更恐憂思促阿誰傳語到

狂夫河水東西剪得無已分一身非白璧長垂
 雙淚抵明珠小窻夜聽青琴說四壁吟蛩助悽
 切漏滴銅壺恨正長淚燒紅燭心猶熱我聞瑤
 去每沉吟秋燕春花總不禁豈知石闕悲啼處
 辜負山枝感悅心却過盧家舊亭館粉紅暈碧
 空凌亂檐前楊柳故低垂簾外鷓哥還錯喚聞
 君住近斷橋頭莫過西陵古驛樓鑑曲荷花今
 已盡濤江風浪使人愁嫁與東家莫酸楚一船
 兩槳誰迎汝况復羅敷自有夫難道息媽終不
 語好在瑤臺月下時且翻新曲唱歌辭憑將懷
 袖三年字也寄迴文一首詩

九日寄華州郭胤伯

江東渭北相望處一鴈南來見汝情書劔可憐
 秦逐客衣冠空羨魯諸生梯山每笑邀天博勞
 華真愁與地爭素滄登高安穩未干戈猶傍國
 西營

長筵歌為錢後人稱壽君以九月二十七
 日生後余誕辰一日

與君俱是神仙後君方渥顏我皓首與君排日
 作生辰長筵齊醉洞庭春君不見昌門甲第煙

流瓦賀客駢闐奉玉罕共羨養雛成大鶴更期
 官貴施行馬前堂伐鼓吹笙篴後堂度曲調清
 絲玄霜舊藥餐雲母玉樹新聲付雪兒又不見
 漁灣老人散髮眠寂寞山中草木年計口却添
 喂鶴料浮家長傍釣漁船田家瓦盆起為壽鄰
 翁爭席時被肘黃花滿地開金錢霜葉千林點
 紅袖人生但解逍遙意大鵬尺鷃何曾異揮金
 何處買蕭閒乘燭祇應辦游戲祝君長把菊花
 杯歲歲高歌獻壽詩莫學彭翁年八百繫腰觀
 井受人嗤

于廣文挽詩

巷蓋成陰戶屢連餘尊北牖尚依然未應夫子
 乘桴去還道先生枕麴眠廷尉門高猶駟馬廣
 文官冷自寒壇一盃誰擬招魂處只在梅花古
 壩邊

送黃二子羽今新都

萬里星橋路之官亦壯哉勒銘看劔閣為政想
 琴臺烏蠅于今在蠶叢自古開經過襄漢地為
 訪臥龍才

其二

知爾彈琴日高齋雪嶺前質成休訟芋絃誦壓
啼鵲花鳥新詩句菖蒲小樣箋好將官製錦同
卷寄吳船

陳眉公挽詞

怨鶴啼猿共法然少微星象隱江天買山空復
推支遁蹈海何當識魯連載酒人過揚子宅澆
花自掃秣陵阡雲間父老如嵩少尚說汾陰望
幸年

歲暮雜懷八首

十畝之間一老民衰遲自分百年身未舒岸柳
應愁我欲放江梅又笑人故紙丹鉛離腐骨虛
窻燈火勘窮塵空山一笑無人會落木蕭蕭下
水濱

其二

殘年樂事總迷離似病如魔我自知謝客且為
無事飲過江聊作有情癡花間歌好聞鶯處柳
外粧殘墮馬時寂寞紙窻書几夜寒燈一穗雨
如絲

其三

駘蕩春心老更癡渾如中酒落花時天桃贏得

看人面衰柳何妨惹鬢絲小院光風歸緩緩大
堤明月上遲遲早梅又恐經寒勒急倩高樓玉
笛吹

其四

寂歷蓬門啓曙煙層頭簡盡轉蕭然殺青事業
修山史垂白生涯種石田呼婦鳩諧求屋計養
雛鶴算賣文錢閒房日暮松風裡臥聽青琴撥
五絃

其五

續鳧斷鶴枉人謀萬事終輸鬼一籌微省風催
紅藥晚槐廳響斷白楊秋南都新書古槐夜有
入相者俗謂
之音聲樹侯鯖榮指慙調鼎任釣驚心笑曲
鈞日暮山陽何處是一聲羌笛起漁舟

其六

藏舟夜半事茫茫北斗南箕盡可傷無復舊交
論罕國空令新詠削山王沙堤路畔看京尹杜
府中羅舊尹沙道尚依然唐京尹
多宰相私人今取馬揮戴之譽武庫墳前葬
智囊淵明詩云一旦百歲後相與還北
於一樽里能知兩天子之宮吏我墓而終不免
五七鼓柝放歌餘我在釣魚灣水即滄浪

其七

駘蕩春心老更癡渾如中酒落花時天桃贏得

卒歲閒門有雀羅流年但謝意如何看花伴侶

青春少種菜英雄白首多佩劍定須懸舊壘明

珠只合換新歌劇憐渭水垂綸叟未應非熊鬢

已睡

其八

涿泗居庸王氣全玉衣石馬自千年賊流關陝

如遺跡奴入高麗且息肩誰使犬羊蟠漢地忍

同戎羯戴唐天延登受策安危在羸得菰蘆坦

腹眠

已卯除夕偕孟陽守歲崇德郁振公吳可

黃二先輩俱集

盍簪列炬草堂前管領梅花又一年歲晚樵蘇

漁釣侶夜深燈火孝廉舩流光颯沓將過客世

事朦朧欲曙天却喜鄰僧相慰問朝來新送佛

燈錢

牧齋初學集卷第十六

丙舍詩集

起十三年庚辰正月盡二月

庚辰元日次除夕韻

就煖風光在臘前布袍芒屨稱新年園梅約略

迎歌扇門柳蕭疎引畫船遠浦煙銷看白鶴谿

厓雲過見青天鶯花絃管尋嘗有只合囊中辦

酒錢

得曹能始見懷詩次韻却寄二首

院竹漢雲入庭花野雀窺憶君題扇日已是歲

殘時細雨篝燈早輕寒命酒遲即看堤上柳春

月想容姿

其二

年來淪故事只合與君論伏臘先人冢樵漁聖

主恩詩來期晚歲吟罷倚柴門歎息庭梅樹天

涯共一尊

觀美人手跡戲題絕句七首

油素朝樨帖丹鉛夜較書來禽晉內史盧橘漢

相如

其二

花飛朱戶網燕蹴綺窻塵挾瑟歌盧女臨池寫

雜神

其三

蘭室桂為梁蠶書學採桑幾番雲母紙都惹鬱

金香金奎記益書秋胡妻玩蠶而作

其四

芳樹風情在簪花體格新可知王逸少不及衛

夫人

其五

賤紙劈桃花銀鈞整復斜却憐波磔好破體不

成瓜李羣玉詩瓜字初分碧玉年

其六

書樓新寶架經卷舊金箱定有千年靈能分紙

上香用上官昭宮書樓及高唐宮人寫心經事

其七

好鳥難同命芳蓮寡竝頭生憎綠沈管王指鎮

雙鈞

題武林鄒孟陽所藏李長蘅臥游畫冊

李生騎鯨去莫板畫本散落流人寰鄒生所藏

尤神逸叅差畫出江南山初從武林寫游跡西

湖潑墨流瀉浚六橋雨中每放艇雲棲月下頻

扣關山僧追游負囊來妓女乞畫敲銅緩意中

煙景亟追取興來筆墨不可剛虎丘天竺總腳

底山泉秀絕勤躋攀靈巖廊邊山盡響虎山橋

頭月幾彎西山梅花千萬樹盤螭光福爭回環

聚塢楊梅亞紺紫洞庭朱實垂朱殷巾車擢舟

窮夏夏命觴染翰銷餘閒白頭荏苒好友盡青

山潦倒樂事慳鐵山寒梅空炤眼六浮閣址埋

草菅山堂懷人更感舊摩娑畫冊流涕潛山中

宿昔共游燕酒痕墨瀟猶班班惜哉不見此卜

築點染尺幅看爛塌石田詩句拂雲浪大痴粉

本留孱顏潦收漁莊淥炤水霜酣寶巖紅滿灣

海山雲氣互吞吐羽人仙客時往還石田大癡

尚未死共捉麈尾戴白綸顧我與子不見耳安

知李生今不游其閒嗚呼安知李生今不游其

閒

小築詩十章為鄒孟陽作

小築維何鄒氏之廬湖山回環水木翳如偕彼

朋好博我詩書斯晨斯夕以息以娛其日月不

居但年悠悠邈矣物化零落山丘山窻鳥啼砌

戶水流伐木丁丁友聲曷求其懷人撰德允構

斯堂我師我友木主相望馮方輝連祭酒開之

揚聞鴈行武休名士揚附以寓公維李及王嘉

李長蘅虞其寒食重九佳節良辰薦此山蕨侑

以湘萼湖山舊主風月新賓神具醉止載矚載

欣其五依依杖函落落硯席燈瑩殘膏傑傲遺跡

床橫清琴鄰奏暮笛庭戶愴然如聞嘆噫六其

昔蘇公守官于杭惠勤僧舍會哭歐陽六一之

泉芬於椒漿兩高歸然斯義不亡七其凡今之人

豈無師友崇朝烏集日中免走何如矢心况念

攜手哭絕陳根墳鮮漬酒八其抑抑鄒生陳義不

渝小築雖小孤山不孤春秋之日昔酒一壺載

滌載酌以祝吾徒九其吾徒烝哉冠裳楚楚焉弓

為治爾父爾祖湖波潮汐林木仰俯有風肅然

馮以告汝十其斯人之徒昔我同羣安得促地相

彼明禋作焉此詩誨爾諄諄先民之思以勗後

次韻和徐二爾從散遣歌兒之作二首

華堂人散只空屏搔首祇餘兩鬢星花好便判

辭舊樹絮飛終自作浮萍誰家榜世歌青翰幾

處彈爭怨白翎惟有啼鶯并語燕尚留殘曲與

君聽

其二

歌舞偏隨夢短長黃金白髮正相妨誰傳一曲

高樓上却聽三聲客舍傍林木無情還激越梁

塵何苦尚飛揚燈殘月落君須記贏得西齋一

炷香

寄江上李次公故侍御仲達之父

黃田港口足煙波席帽山頭明月多舊事總歸

風伯訟新聲都付雪兒歌香灣夜雨催桃李釣

浦春風動綺羅花塢藥闌應吹第好留昔酒待

經過

迎春曲春夜別陽羨蔣澤鼎

去年春歸苦寂寞撫檻題詩對紅藥送春恰似

別好友情事惜騰數日惡今年獻歲春始迴山

翁迎春開春醅雪花盈堦梅繞屋好友又逐春

風來與君結髮俱壯游取次逢春二十秋年年

春恨如流水歲歲春風旋白頭與君就花移酒

海歎息風光不相待南翔青蘭猶未沫吳門黃

閨今何在謂李長蘅與君莫漫羨朱門朱門春

多白日昏瓊櫺夜月愁眉樣屈鄰屏風舞袖寬

不若春宵酌春酒促席行杯遞爲壽明燈蕭管
度新曲夜雨盤餐剪春韭惜君別去殊草草春
來未幾君去早却憐君去似春歸但願春來比
君好今年元夜兩冰輪料理三春作四春莫放
梅花隨臘雪更栽桃樹待春人

雪中楊伯祥館丈擬過訪山堂卽事贈別

去年燕山雪如掌巢車雪暗胡塵上紫髯參軍
足馬嘶黑頭總理韉刀響今年江南春雪飛雪
花滿頭來款扉蟲舊燈前談戰壘梅花樹下看
征衣自從替史持漢節替人周元忠以琵琶出
入奴營邊廷倚以講款
金繪輦載邊庭血虜騎爭誇曳落河廟堂自倚
中行說翰林飛書叫帝閭至尊感激模御
床但令中使催房瑄指盧肯爲金人縛李綱指伯
祥賈莊戰血高樓槽元戎堂堂狗旗鼓周處詎
死齊萬年指晉韓愈寧作孔巢父指伯匣天鋒
刀一頭顱鬼護神橋九死餘秦庭自效無衣哭
漢黨終慙舉網疎明發堂中酌君酒笑問于思
無恙否神州幸免犬羊族太史何妨牛馬走酒
闌耳熱夜散分錯莫同雲是陣雲紅袖白衣猶
未返彤弓絃矢竟何云江天漫漫失山樹雪柱

冰車塞行路江南老翁鬢如雲擁鼻吟詩送君
去

寄西蜀尹子求使君二首

歌殘棋罷曲廊東笑語依然洞戶空萬里音書
燈火外十年身世雨聲中黃楊節比餘生在特
閒正苦笋心期晚歲同約略封題重搔首併將
花信寄春風

其二

簾閣焚香道氣和雷琴晉帖手摩抄詩依歲月
借蒼老才與功名未折磨秋水每將河伯笑春
風自度雪兒歌輕紅重碧猶能賦惆悵難隨鳥
翼過

尹西有棄官歸觀僑居成都賦長句寄訊
西有嘗爲余上萬言書於政地不見省納
故有感慨之言西有子求之子也

官滿曾無擔石裝傳家共羨漢循良談兵磊落
如師魯謀國頻煩論少陽髀裏何當悲老大膝
前應復念疎狂勒銘壽筆須公等莫戀西郊一
草堂

題女郎楚秀畫二首

曼綠輕紅約略分墨華凝碧澱羅裙煙嵐一抹
看多少知是吳雲是楚雲

其二

小艇疎簾水墨閒落梅風過點朱顏欲看粉本
頻臨鏡自掃脩眉盡遠山

送會霖寰使君左遷還里二首

流言且莫問操戈節鉞名高即網羅海內正人
當路少年來清吏左官多落梅幾瓣添行李新
柳千絲挽去波詆蕩天門無路撼白頭野老自
悲歌

其二

珠投璧抵亦何妨國論愴收重可傷浮疎科偏
收卓異考功法為中循良十州鑄鐵看他錯徑
寸鎔金笑我狂從此山中老樗櫟因君嘉譽比
甘棠

張玉筍中丞撫吳七載晉秩少司空總河

奉 旨召見枉別山堂漬酒先隴于其行

也賦長句送之兼以為贈四首

喧呼節鉞開蒿萊卷畫旌旗沼水隈伏臘村翁
看上冢弓刀小隊候登臺橋邊彩仗差新柳花

外金鞍糝落梅衰晚慙思兼悵別葦閒自權釣
船迴

其二

吳關楚望上游賒天塹真成隻手遮東海雲帆
輸北極西陵候火到南沙發兵每見頭須白憂
國還看鬢髮華早晚丹青傳畫像為君點筆繼
乖厓

其三

金陵鐵甕賴忻懽新領河堤節鎮同橘柚秋苞
長向日桃花春水正分風馬銜沈璧開前路龍
護攫珠徒舊宮千里洪河才一曲思波取次到
江東

其四

秘殿傳宣畫詔餘材官傳遽趣鋒車少陳南服
瘡痍狀徐奏東封暇豫書漏刻從容成故事天
章筆札久單疎頻年側席勞 明主莫訝神鈴
撼直廬

送林自名憲使歸閩二首

以君移疾意正值左官時不耐歸心切翻嫌吏
議遲江花愁解纜堤柳笑牽絲獨有君山石猶

存墮淚碑

其二

晚晚誰憐我倉皇又送君不堪垂老別長恐此生分
鴈塔嗟前夢驪歌愴暮雲天涯雙鬢髮能不白紛紛

春夜聽歌贈秀姬十首

煙娥掩斂睡痕輕撼起朦朧意態生無那泥人腸
斷處似醒如夢最關情

其二

情騰夢起逗春寒薄鬢叢叢宿粉殘臺上爭傳尋
夢好恰留殘夢與君看

其三

依約新鴛乍轉喉含情含睇總含羞一聲遊驛
嬌歌發玉裂珠跳不自繇

其四

當歌解得唱歌情無限情從歌裏生唱到夫憐
絃管急就中簇拍更分明

其五

一曲霓裳教一迴九歌天上少人猜明珠萬顆
歌喉裏不信明珠換得來

其六

口叶官商耳辨詞一聲偷誤恰先知安歌顧曲
誰兼得驚倒當筵老曲師

其七

歌聲搖曳發陽阿急雪停雲舞袖多骨節會歌
聲解舞請君評泊道如何

其八

燭花偏趁舞僂僂畫鼓銀箏揭豔歌只有瓊
瑤不解語勾留紅袖似迴波

其九

闌缸如晝夜烏棲漏點歌聲簇簇齊一曲未闌
郎未醉莫教明月過花西

其十

歌罷輕身下舞筵歌場如月舞如煙儂今也解
尋他夢三日歌聲在耳邊

乞蘭詩示西隱長老

山僧養秋蘭蔚蔚青與綠聞香嫌破戒挿鬢苦
頭秃譬如絕代人寂寥守空谷榮悴向秋風何
異凡草木實得十千錢三徑離松菊酒肉相薰
染珠翠竝攢簇譬如漢明妃嫁與胡虜族終當

刈作新遑恤美如王藹藹五畝園幽幽讀書屋
既脫蔬荀酸不受腥腐屏清歌特激颺纖手助
膏沐新婦配叅軍豈不得所欲山僧聞我言一
笑覆齋粥趣移蘭若蘭長伴竹里竹

廣陵鄭超宗園中忽放黃牡丹一枝羣賢

題詠爛然聊復效颺遂得四首

王鈞堂下見姚黃占斷春風舊苑墻但許卿雲
來側畔即看湛露在中央菊從土色論三正葵
讓檀心向太陽作貢會須重置驛取晉家恩公
貢姚黃亦兼
用道驛
之事軒轅天子正垂裳

其二

鄭圃繁華似雒陽斬新一萼御袍黃后皇定許
移栽植青帝知誰作主張旄貌花神刊譜牒檀
心香國與文章若論魏紫應為匹月夕依稀想
鞠裳

其三

一枝紅豔笑沈香道貌文心兩擅場富貴看誰
誇火齊妖饒任爾媚青陽閉尊正愛鴉兒色拂
檻偏憐杏子粧此是鄭花人未識無雙亭畔為
評量宋人呼玉環為楊花亦曰
鄭花云即廣陵瘦花也

其四

綉轂春風美雒陽小闌何意見維揚仙人鶴騎
來雲表玉女香車駐道旁十里珠簾迴燕賞萬
花紅燭換風光竹西歌吹雷塘路夢裏華胥日
正長

次韻答茅孝若見訪五首

孝若托脫時事
思以布衣召見

故有諷
止之言

綃頭還戀闕塵尾且升堂地僻禽魚貴春深草
木香灰心看蠟燭矢口問壺觴錯莫恩仇事蕭
蕭與白楊

其二

蝸牛亦有廬鬪蟻上堦除林宿驚絃鳥池游失
網魚五行占退鷄八祀記爰居載筆非吾事陽
秋待子書

其三

養生原有主齊物是吾宗掉尾羞鹽虎垂頭美
酒龍鳥還多暇豫魚出正從容日暮柴荆外樵
歌伴老農

其四

世事看如許君今已悟不商歌何處達說夢豈

能求善觸兼防鹿知機并畏鷗永懷河渚客暗
默古今優

其五

夏馥為傭雇蘇翁事灌園天人猶反覆筆舌敢
逐喧薄俗安繩墨清時許耐髡君看懸磔水汨
汨到波渾

有客

有客雄談抵夕曛又看銀燭刻三分君才如海
真難敵我病如喑了不聞有口未緘祇可飲此
身已隱更何云山堂近有三章約即報除書罵
鬼文

牧齋初學集卷第十六

牧齋初學集卷第十七

移居詩集 起庚辰三月盡十月

移居八首

殘生天與慰途窮是處雲霞媚此翁卜宅已居
青嶂裏移家仍在翠微中映門楊柳萋迷綠卷
戶桃花匝匝紅但放秦人雞犬去也應識路似
新豐

其二

未剪茅茨一畝宮斬新書架插西東襟襟自笑
般薑鼠堆積人啗墳蠟蟲典庫收藏三篋在中
箱裝載五車同縹囊細帙紛如畫好著移居物
色中

其三

傾筐倒屣正紛然甕醬瓶齋亦播遷稚子提携
收茗具小姬拊當拾箏絃長須赤脚分魚艇白
犬丹雞配鶴舩若比洪厓作圖繪便教人說是
登仙

其四

松楸少別淚沾裾况是清明挂紙餘鄰里依依
留馬牧諸生落落從牛車裝輕使鶴移家具僮

乏教猿守庫書回首墓門初日裏杏園如雪柳
煙疎

其五

負郭茅堂陰女蘿考槃仍在此巖阿亦知磻戶
西山少其奈鶯聲北嶺多

度山北麓饒黃鶯
西山絕少故云

柳池臺邀好客落花絃管遲嬌歌西園明月東
軒酒雙鬢蕭鬢儘折磨

其六

邛居市隱各蕭閒阜背溪回只此山杜氏草堂
元兩地陸家老屋總三閒水南還往緣行藥雲

北經過亦閉關共是仙源人未識碧桃花外即
塵寰

其七

榆柳交加灌木清携家卜築就黃鸝何當折閱
千金價但愛閒關百轉聲月下有人諳摸曲花

閒幾處合吹笙老夫更向春風笑斷送頻年反
舌鳴

其八

北山如玦抱吾廬近市依然隱者居却婦何須
愁剝啄蕭閒并可謝樵漁日斜竹磻收碁局月

焰苔塔把道書有宅一區吾事足客嘲楊子定
何如

雜憶詩十首次韻

海燕西飛不轉頭河中流水却東流莫愁湖上
春愁女總為愁多字莫愁

其二

綠陰晝寂榻凝塵憔悴孤花一病身滿眼葵榴
閑落盡不知何事又傷春

其三

石榴深院背花眠梅雨淙淙到耳邊六扇紗窻
三尺枕為郎消受熟梅天

其四

梅子黃時晝掩門雙棲海燕又黃昏宵來梅雨
知多少自撥薰籠看淚痕

其五

金經小字聚銀鈎繡佛香燈焰綺樓自得蕭郎
花下信懽騰三月不梳頭

其六

夢裏相逢覺又分夢闌無那淚紛紛如今夜短
何會睡贏得適宵不夢君

其七

炤眼榴花淚幾行五絲那得比愁腸可憐續命
絲千縷不為愁人續斷腸

其八

丹砂鏤就合歡卮斟酌長憐玉手持莫訝脂香
傳竝口朱唇噙過不多時

其九

紫莖綠葉想橫陳淡墨幽窻自寫真題扇寄郎
還借問崔徽可是卷中人

其十

載得湘蘭餉莫愁桂梁蘭室思悠悠若為化作
青青葉長護芳心度九秋

五月望夜汎西湖歸山莊作

輕雲如帷月如燭滿載江蘭汎湖曲吳娃向月
吹短簫月色簫聲竝如玉玉簫聲中蘭氣香月
炤蘭舟如洞房清歌一曲夜山曉十里山塘抵
許長

得盧德水宿遷書却寄六十四韻

自君持斧來輒訂銜孟約三春候倏過三年夢
猶壘合桃已褪紅綠竹旋解籜始泛南徐舟共

躡北固僑淮海勢鬱盤江山氣磊落於茲見偉
人執手向寥廓置席忘寒溫開顏匪嗔噉試飲
京口酒還想平原酌清尊見須眉明燈炤離索
行杯笑持耳失喜嗟頓脚我欲傾百觚君已醉
三爵小戶殊激昂大敵乃前却柳榆山僧晒絕
倒候吏鄂酒闌始道故停杯語叅錯回風動江
臯舊雨響廉箔綠浪東樓樹紅燈杜亭藥依依
夢復壁惻惻念館棗迷離死生交婉孌妻子託
肆救綸竿雞重歸華表鶴孫賓輕百口季布重
一諾死骨羞姦說生氣激頑薄窮命脫網羅微
名耐咀嚼幸解雉兔災方信鳥鳥樂丙舍聊晏
息丁田自耕鑿樵斧斫白雲漁歌和青箬詩酒
長留連絃管亦閒作客帆識簷窻戶屢問籬落
解朝仍自笑罵鬼不為虐醉狂如中風老顛任
落魄豈復美休汝何敢附居雒鳳德覽盛衰龍
性異潛躍我為雌伏鳥君為鷺立鷺冰廳方舍
香霜臺俄荷棄柱下何堂堂班心正誇誇王師
猶在野轉運急焚灼帝曰汝往哉漕事汝經
度轉漕起東南輦輸向幽朔江淮千萬艘銜尾
類繩約萬國皆陸海神京為谷壑江楚來輻輳

燕齊到繹絡江東棋腹腴九塞局邊角讐如恒
山蛇首尾相攫搏羯奴割遼海妖氛橫格澤深

憂據放倉每恨填松漠君銜督漕命雄才恣揮

霍坐嘯飛羽檄舉盃見方略萬艇朝建牙千旗

夜傳柝債帥洗手掌悻卒戟肩膊五月燕過河

諸侯大合樂酒肉視淮坻嘉會假鐘鐔四海畢

飛輓六軍仰升禽庾氏看露積羽林思絕幕

至尊臨東渭延佇勞驅薄方當鼓吹迎未用舳

艫爵日得宿遷書使節尚淹泊尺符趣軍輿扁

舟問民瘼信知王事勞更想別懷惡花殘向吳

亭柳暗潤州郭淒清瓜州笛縹緲廣陵角江南

水蒼茫直北天錯莫柁樓頻登頓帆幡五戍削

高吟誰唱和痛飲自酬酢白頭苟非新黃髮會

如昨還期河漢近無嘆叅辰各

得書之夕夢與德水共簡書苟得徐武功

告天文一紙因口占贈德水有與我並閑

千畝竹為君長嘯一愆風之句覺而成之

并寄德水河上

銀漢無聲碧落空夜山樓閣氣葱朧正聞玉管
參差裏誰啓金滕夢寐中與我並閑千畝竹為

君長嘯一愆風五更殘月紗幮外也昭黃河古
岸東

送孫光甫再守泉州

棠陰秋來正蔚然兒童竹馬又喧闐遠城桐葉

新幡戟夾路松聲舊管弦問俗不須停早蓋之

官仍是酌清泉他時溫詔如徵拜記取重臨似

潁川

寄答閩中陳先輩

秋堂過雨一燈涼秋士書來意苦傷落第君應

悲失馬休官吾已笑亡羊漸拋團扇恩情在欲

採芙蓉道路長廿載相思頻命駕不成一水限

河梁

其二

屠龍誰子正縱橫談虎何人不震驚 聖代又

聞收放士老夫彌欲感餘生昆岡燔後山仍在

砥柱鐫來水自平騰欲與君論信宿涼風先已

欵柴荆

哭魏三叔子

銘旌仍未換頭銜玉立長髯散木函落第尚誇

新綵筆蓋棺終恨舊青衫叫闈有路天應泣澆

土無兒鬼亦饒人世于君荼毒甚招鬼逝莫下
巫咸越絕書云度山至咸所出

其二

無官無後又無年蛛網煤塵旅櫬邊襁祿兒先
從地下惟堂女不到床前分荆弟料三閒屋索
債僧焚一陌錢截髮可憐餘老妾異時為繼晚
寒篇晚香寒色海寧張靜之二妾無子而自誓者沈啓南為作詩

鄭節母詩四首

梯几高堂燕喜時槐山眉樹柏舟詩月波樓下
波千頃好是夫人浴月池

其二

自將彤管教文章織斷機絲夜未央廿載青燈
萬行淚儘添膏火與兒郎

其三

讀書堆畔出樵車花月亭邊草不鋤惟有鄭家
通德里烏頭綽楔映金書

其四

一母將雛六翮成堂前三鳳正和鳴肩輿上殿
他年事扶侍爭傳曳履聲

茅止生挽詞十首

東便門開匹馬東橫穿奴虜護元戎憑君莫話
修文事掣電擊雲從此翕記已巳十一月十八日從高陽公赴通事

其二

武備新編奏王除牙籤乙夜不會虛文華後殿
屏風裏綈几依然進御書

其三

一麾萬石貳髻時指困英風更讓誰若使江東
無伯業也應魯肅是狂兒止生總角時發粟萬石廉荒太守陳勿學中老人皆不如也

其四

千貌貅擁一書生小袖雲藍結隊行鞍馬少休
歌舞歌西玄青鳥恰相迎君有西玄青鳥記其事叶之其妾陶楚生登真降

其五

一番下吏一勤王抵死終然足不僵落得奴會
也乾笑中華有此白癡郎

其六

閩江樓畔水蒼茫誰竝英魂覽大荒溫嶠謝玄
應執手與君只合關身強

其七

四海交游汗漫雲面啼日笑正紛紛惟餘百口
孫賓石北海亭前又哭君容城孫微士舟逢高陽公之門人君之死也友

其八

明月西園客散時錢刀意氣總堪悲白頭寂寞
文君在淚濕芙蓉製誄詞鍾山楊宛叔製石民詳詞甚工

其九

豐頤巨額稱三公鴨步鵝行亦富翁田宅凋殘
皮骨盡廿年來只為遼東

其十

家祭叮嚀匡復勳放翁死後又悲君過車腹痛
他年約長白山頭酌暮雲

次韻茅四孝若七夕納姬二首

花橋還勝鵲橋無河漢盈盈漏水但可應早嫁
歌盧女莫以無郎嘆小姑赤鳳巧偏栖玉樹烏
龍狂欲滅金鋪詩人老似張公子賤妾應為燕

燕雛

其二

花橋還勝鵲橋無歷歷星河近白榆曉鏡全粧
檉嫩柳秋食半草暖新蒲西陵拍下猶啼眼李

蘇小小歌幽南國瓜時旋破膚聞道袖書如太
史何妨石室貯清娛隨清娛司馬選之妾也見補河南墓誌

題畫贈香山何相公

嶺表山川規外星扶胥海口界青冥為園五畝
無多地元氣堂臨落日亭

姚叔祥過明發堂共論近代詞人戲作絕
句十六首

姚叟論文更不疑孟陽詩律是吾師溪南詩老
今程老莫怪低頭元裕之元裕之謂辛敬之論詩如法吏斷獄如老

曾得正法服吾於孟陽亦云

其二

一代詞章孰建鏤近從萬曆數今朝挽回大雅
還誰事嗤點前賢豈我曹

其三

崢嶸湯義出臨川小賦新詞許並傳何事後生
饒筆舌偏將詩律讓前賢

其四

高楊文沈久沉埋溢繆盈湘糞土堆今體尚餘
王百穀百年香豔未成灰

其五

玄宰天然翰墨香半庵祥符王惟博雅擅青箱
殘膏賸馥依然在約略流風近子昂

其六

楚國三袁季絕塵公安袁中道白眉誰與仲良倫新野
馬之過都歷塊皆神駿秋駕何當與細論

其七

當筵縱筆曹能始學簾閣焚香尹子求仲蜀道
閩山難接席眼中二老竝風流

其八

畫筆南翔妙入神李長晚年篇翰更清新和陶
近愛歸昌世也是風流澹蕩人

其九

關隴英才未易量剗磨何季競丹黃吳中往往
饒才筆也炷婁江一瓣香

其十

石言鴈字竝紛如點鬼窮時又祭魚臺閣詞章
衣鉢在柯亭劉井半丘墟李西涯翰林後堂詩

淨王佩空遺響

其十一

不服丈夫勝婦人昭容一語是天真呂和叔書

樓歌云自言才藝是天王微楊宛為詞客肯與
鍾譚作後塵

其十二

草衣家住斷橋東王微自稱好句清如湖上風
近日西陵誇柳隱桃花得氣美人中西湖詩云

繡簾東鶯閣殘枝蝶趁風最是西陵寒食路桃花得氣美人中

其十三

掃花剛竹吳橋句范質公詩掃花便欲觀苔坐
食葉游魚楊補詩余愛楊無補閉魚食葉如游

書之便西安得屏風譜佳什且將團扇寫清詞

其十四

安期則承下筆無停手元歎徐檄毫正苦心贏
得老夫雙眼飽授箱拂壁每長吟

其十五

王績鄉人笑子虛兔園典罔竟何如朱仲晦有
王無功詩見考亭全集中憑君若問金條脫解

詩歸箋云是東臯好友也道南華是解書

其十六

梁溪欣賞似南村甲乙丹鉛靜夜論麗句清詞
堪大嚼老夫只合過屠門梁溪華問修黃心齋

中秋大雨 永遇樂

三五中秋一場敗興雨淋風裂問訊嫦娥今宵
此夜幽悶如何說輝寒玉臂光凝翠黛長是孤
眠時節任淒涼免掩蟾遮免炤半床愁髮 晚
來粧了插花看鏡恍似身臨瑤闕燭滅香殘暗
風吹雨冤夢空淒切月宮深鎖桂輪何處莫被
愁人攀折應自恨青天碧海茫茫奔月

十六夜見月

雨脚千重雲頭萬疊剛風吹裂昨夜昏霾今宵
軒豁好向嫦娥說天公試手浴堂金殿瞥見清
明時節好時中朝新有大好喜天邊穆穆金波重炤
蕭蕭華髮 桂枝易老冰輪難駐見此又愁圓
闕斗轉參橫高樓思婦織錦方悲切棄砧安在
栖鳥不定應為刀環心折須記取當歌對酒明
明如月

十六夜有感再次前韻

銀漢紅墻浮雲隔斷玉簫吹裂白玉堂前鴛鴦
六六誰與王昌說今宵二八清輝香霧遠憶破
瓜時節劇堪憐明鏡青天獨炤長門鬢髮 莫
愁未老嫦娥孤另相向共嗟圓闕長嘆憑闌低

吟擁髻暗與陰蛩切單樓海燕東流河水十二
金釵敲折何日裏竝肩携手雙雙拜月

十七夜

白髮盈頭清光炤眼老顛思裂折簡徵歌醪錢
置酒漫浪從他說銀華畫鼓翠眉檀板恰稱合
歡佳節隔船窻暗笑低顰一縷歌喉如髮 生
公石上周遭雲樹遮掩一分殘闕天上霓裳人
閒桂樹曲調都清切干戈滿地烏驚鶴繞一寸
此時心折憑誰把青天淨洗長留皓月

九日宴集含暉閣醉歌一首用樂天九日

二十四韻

賓鴻之月為重陽昔人登臨多感傷人生如鴻
誰非客忍對佳節空壺觴登高望遠不出戶連
山小閣臨莽蒼翠微欲上齊女墓綠淨遙分老
子堂白雲女墻作山帶紅闌橋水含湖光日影
漏穿出觀閣炊煙全鬱浮街坊西原東樓差足
擬龍山馬臺知誰強山椒白衣竝馬立樹杪紅
袖如人長須臾急雨灑飄瞥穿林觸石走欲僵
崇朝陰晴忽如此良辰燕樂安可嘗况復閑筵
有佳客豈可命酒無紅粧清歌迭奏奮綠竹談

諧閒作兼笙簧吳娃行酒語啁啾鄭老度曲聲
悠颺銀燈熒熒雨籠燭胡琴嘈嘈風刮廊坐中
合歡爭笑噉老夫霑酒仍激昂離邊誰送九日
酒海內共知雙鬢霜莫嘆暮年裂風景已勝窮
命縣銀瑤試問中書傳仰藥何似上蔡行牽黃
吟殘自綴菊花朵醉後細把茱萸房小婦盤餐
具羸羸兒子雜誦聽雷礪簾下侍兒舞鳴鴛掌
上姬人歌鳳凰舞酣歌想悲壯頭童吹帽嗟
風狂百年未滿會不死九日一笑庸何妨樂天
作達猶未達比較登高更幾場白詩云須知菊
酒登高會從此
十場二

短歌送林銓之吳門

君不見山陰劉念臺橫經籍書門不開白袍生
徒戶屢接登飫亭午生浮埃又不見閩客林六
長手持劉札來相訪經年臥病虞山頭三旬九
食斷還往林君窮誠良可惜多君不愧山陰客
蕭條樓被何所之况值天高風急時昨夜郵中
傳片紙清漳孤臣幸不死君聞此言揮手別一
笑眉間黃色起

九月望日得石齋館文午日見懷詩次韻

却寄

敢云吾道大相顧此生微土室青燈火柴門白
版扉垂綸收釣具鍊石補漁磯小艇西湖曲延
綠候汝歸

其二

丹地披肝日彤墀灑血時 帝容伸頰舌天與
護須眉榎楚寧非教桁楊亦我師授書并續史
幽繫頰相宜

其三

衰鳳巢何在亡羊徑欲迷已知慙稷契寧忍愧
夷齊世事蕉中夢人情季下蹊夕陽亭畔路只
在帝城西

其四

以尔銀鐺日追余桔蓐年詞林原有敘園土亦
推先泣夏懷明德踰冬憶古賢天涯明發思炯
炯一燈前

冬日嘉興舟中戲示惠香二首

畫閣蘭橈取次同蕩舟客與過垂虹波如人面
輕浮碧日似殘粧旋褪紅理曲近憐鶯胆水弄
花遙惜馬塍風可憐平望亭前鳥雙宿雙飛每

一叢

其二

依然吳越舊陂塘粉剝脂殘水尚香已分西苑
隨范蠡拌將蘇小賽真娘鈴華散落露香棧絃
管交加近筆床昨日虎丘西畔過女墳湖水似
鴛鴦

宿鴛湖偶題

煙水迢迢與夢長一般燈火兩般霜鴛鴦湖上
人相竝燕子樓中夜未央

王店吊李玄白還泊南湖有感

歲暮孤舟易損神霜清寒薄總蕭辰窮思挂劍
酬知己老長生芻帛故人落日閃金村破暝宿
雲屯絮水生塵延緣便欲追漁父蘆雨菰煙寄
此身

題南湖勺園

寒園竹樹正蕭蕭几席南湖影動搖有雨雲嵐
渾欲長無山翠靄不曾消波深地角生朝氣水
落天根見春潮樓上何人看煙雨為君杖策上
溪橋

牧齋初學集卷第十七

牧齋初學集卷第十八

東山詩集一起庚辰十一月盡
十四年辛巳三月

庚辰仲冬河東君至止半野堂有長句之

贈次韻奉答

文君放誕想流風臉際眉間訝許同枉自夢刀
思燕婉還將搏土問鴻濛太白樂府詩云女媧
散作六合間露花文室何會榮折柳章臺也自
雄但似王昌消息好履箱擊了便相從河中之
水擊云

平頭叔子
學篋箱

半野堂初贈詩 河東柳是字如是

聲名真似漢扶風妙理玄規更不同一室茶
香開澹黯千行墨妙破冥濛竺西瓶拂因緣
在江左風流物論雄今日沾沾誠御李東山
蔥嶺莫辭從集名東山取
此詩句也

次韻 程嘉燾

居然林下有家風誰謂千金一笑同杯近仙
源花激激半野堂近
源明故云雲來神峽雨濛濛
絲吹竹吟偏好挾石錐沙畫更雄詩酒已無
驅使分熏鑪茗盃得相從

冬日泛舟有贈

冰心玉色正含愁寒日多情炤拖樓萬里何當
乘小艇五湖已許辦扁舟每臨青鏡憎紅粉莫
爲朱顏歎白頭苦愛赤闌橋畔柳探春仍放舊
風流

次日疊前韻再贈

新詩吟罷半凝愁斜日當風似倚樓爭得三年
才一笑可憐今日與同舟輕車漫憶西陵路斗
酒休論溝水頭還勝客兒乘素舸迢迢明月詠
緣流

次韻奉答

河東以後詩
並附見

誰家樂府唱無愁望斷浮雲西北樓漢珮敢
同神女贈越歌聊感鄂君舟春前柳欲窺青
眼雪裏山應想白頭莫爲盧家怨銀漢年年
河水向東流

次韻

嘉燧

蚤聞南國翠娥愁曾見書飛故國樓遠客寒
天須秉燭美人清夜恰同舟玉臺傳得詩千
首金管吹來坐兩頭從此煙波好乘興萬山
春雪五湖流

寒夕文讌再疊前韻是日我聞室落成

清尊細雨不知愁鶴引遙空鳳下樓紅燭恍如
花月夜絲窻還似木蘭舟曲中楊柳齊舒眼詩
裏芙蓉亦竝頭河東新賦今夕梅菟共誰語任
茲頭連詩他疎影蘼寒流河東寒柳詞云待約蘼菟
黃昏月淡與伊深憐低語

半野堂夜集惜別

嘉燧

何處珠簾掩莫愁笛床歌席近書樓金鑪銀
燭平原酒遠滴寒星刻曲舟望裏青山仍北
郭行時溝水向東頭老懷不爲生離苦雙淚
無端只自流

冬至日感述示孫愛

鄉人重亞歲羔黍薦履長婦女獻履襪兒孫備
蒸嘗自我失慈母於今八星霜四載哭苦塊兩
年繫銀獰歸來守丙舍尚未拜影堂豈不想愴
歎何忍覩容光怛怛杵撞胃戚戚刀俸腸泣下
誰能啜悲來不可詳劊鉅痛愈逢躅躅還回翔
再拜強自割遣汝代裸將庸敢怠顧饗聊以費
毀傷有故則使人禮不廢舊坊昔者晉二鍾起
宅千萬強荀勗負宿憾潛往畫門堂須眉儼太
傅衣冠坐堂皇入門大感慟終令此宅荒梧楸
痛口澤蓼莪廢篇章我雖慙古賢終慕詎敢忘

我昔晚生子視汝如圭璋汝之老祖母襁葆親
扶將兒饑午不食兒啼夜徬徨我年逾五十猶
在阿母旁與汝共乳哺與汝同袴襦母慈如負
債再世方了償名汝曰孫愛所以志不忘阿母

彌留時汝頭才及床今日拜家廟已能整襟裳
幼者長駸駸老者逝茫茫哀哉阿母墳宿草兼
白楊我生長頗領于世靡短長仕宦三十年但
餘書滿牀儘可與汝讀俾汝無面牆濟濟造門

士學問多老蒼文筆規歐蘇風雅論三唐汝如
念阿母夙夜勉就將落實咀其華誰能禁翱翔
我衰不足學師友咸激叩孝友慕慈水慈水謂馮兩廣兄弟也
忠壯企高陽應山與臨邑臨邑故大司馬王公和仲風

義何雷礪人生不矜奮百歲空黍蝗勗哉男兒
志無愧弟子行今朝日南至緹幔夾低昂願汝
崇陽德排陰自開張陽生象敦復閉關養微芒
戒汝勿凌躁一線隨日長年至人古老歲晏天

滄浪嗟我至下心祝汝小歲腸何不如杜陵有
作成一囊何不效阿宜一月讀一箱卓哉杜牧
詩苦語箴育汝其日三復書紳庶子張
迎春日偕河東君泛舟東郊作

番畫山城畫舫開春人春日探春來簾前宿暈
猶眠柳鏡裏新粧欲笑梅花信早隨簪髻發歲
華徐逐蕩舟回綠尊紅燭殘年事傳語東風莫
漫催

河東君春日詩有夢裡愁端之句憐其作
憔悴之語聊廣其意

芳顏淑景思漫漫南國何人更倚闌已借鈴華
催曙色更裁紅碧助春盤早梅半面留殘臘新
柳全身耐曉寒從此風光長九十莫將花月等
閒看

春日我聞室作

裁紅暈碧淚漫漫南國春來正薄寒也去柳
花如夢裡向來煙月是愁端畫堂消息何人
曉翠帳容顏獨自看珍重君家蘭桂室東風
取次一憑闌

除夕山莊探梅口占報河東君

數日西山踏早梅東風昨夜斬新開停車未許
傾杯酒走馬先須報鏡臺冷紫正宜簾閣笑繁
花還仗剪刀催衫襠攜得寒香在飄管從君嗅
一回

庚辰除夜偕河東君守歲我聞室中

除夜無如此夜良合尊促席餞流光深深簾幙
殘年火小小房櫳滿院香雪色霏微侵白髮燭
花依約戀紅粧知君守歲多佳思欲進椒花頌
幾行

次韻

合尊餞歲羨長良綺席羅帷暈曙光小院圍
爐如白晝兩人隱几自焚香縈窻急雪催殘
漏炤室華鐙促豔粧明日珠簾侵曉卷鴛鴦
羅列已成行

辛巳元日

新年轉自惜年芳茗椀薰爐殫曲房雪裏白頭
看鬢髮風前翠袖見容光官梅一樹催人老官
柳三眠引我狂西蹟監輿南浦權春來只爲兩
人忙

元日次韻

蘼蕪新葉報芬芳彩鳳和鸞戲紫房已覺綺
窗迴淑氣還憑青鏡縮流光參差旅鬢從花
妬錯莫春風爲柳狂料理香車并畫幟翻鶯
度鸞信他忙

新正二日偕河東君過拂水山莊梅花半

閒春條乍放喜而有作

東風吹水碧於苔柳靨梅菟取次迴爲有香車
今日到儘教玉笛一時催萬條綽約和腰瘦數
朵芳華約鬢來最是春人愛春節詠花攀樹故
徘徊

上元夜泊舟虎丘西溪小飲沈壁甫齋中

西丘小築省誼闌微雪疎簾鑪火前玉女共依
方丈室金床仍見雨花天寒輕人面如春淺曲
轉蕭聲竝月圓明日吳城傳好事千門誰不避
芳妍

次韻

絃管聲停笑語闌清尊促席小闌前已疑月
避張燈夜更似花輪舞雪天玉縈禁春如我
瘦銀缸當夕爲君圓新詩穠豔催桃李行雨
流風莫妬妍

次韻示河東君

三市從他車馬闐焚枯笑語紙窻前晚粧素袖
張燈候薄病輕寒禁酒天梅縈放春何處好燭
花如月向人圓新詩恰似初楊柳邀勒東風與

鬪妍

有美一百韻晦日駕湖舟中作

有美生南國清芬翰墨傳河東論氏族天上問
 星躔漢殿三眠貴吳宮萬縷連星榆長歷落月
 桂竝踞躡鬱鬱崑山畔青青谷水啜託根來淨
 域移植自芳年生小為嬌女容華及麗娟詩戰
 應口答書讀等身便細快攻文選綈囊貫史編
 摘詞徵綺合記事見珠聯入代觀升降三唐辨
 泝冷盡窺羽陵蠹芳及諾臯優花草於芝擷蟲
 魚喜注箋部居分甲乙讎正雜丹鉛餘曲迴風
 後新社落月前蘭膏燈燭繼翠羽筆床縣博士
 慙厨麗兒童愧刻鐫瑤光朝孕碧玉氣夜生玄
 隴水應連類唐山可及肩織練詩自好擣素賦
 尤賢錦上文回復盤中字蜿蜒清詞嘗滿篋新
 製每連篇芍藥翻風艷芙蓉出水鮮頌椒良不
 黍詠樹亦何慙文賦傳鄉國詞章述祖先採蘋
 新藻麗種柳舊風煙字脚元和樣文心樂曲駢
 千番雲母紙小幅浣花牋吟詠朱樓遍封題亦
 續逸流風殊放誕被教異婢娟度曲窮分判當
 歌妙折旋吹蕭羸女得協律李家專畫奪丹青

妙琴知斷續絃細腰宜鞞弱骨稱鞞韃天為
 投壺笑人從爭博願修眉紆遠翠薄髻安鳴蟬
 向月水方空當風帶旋旋行塵膏寂寂展齒自
 姍姍舞袖嫌櫻拂弓鞋笑足纏盈盈還妬影的
 的會移妍妙麗傾城國塵埃落市塵真堪陳甲
 帳還儼畫甘泉楊柳嗟板折蘼蕪惜棄捐西家
 殊婉約北里正誼閭豪貴爭除道兒郎學墜鞭
 迎車千錦帳輪函一金錢句踐獻西施於吳王夫差幸之每入市人頗見者先輸金錢一百兩門闌咽三刀夢寐瘴
 蘇堤渾倒踏黟水欲平填皎潔火中玉芬芳泥
 裏蓮閉門如入道沈醉欲逃禪未許千金買何
 當一笑媽釘心從作惡唾面可除痛蜂蝶行隨
 遠金珠却載還勒名雕琬琰換骨飲珉瑤枉自
 求蒲葦徒勞卜筮算軒車聞至止雜珮意茫然
 錯莫翻如許追陪果有焉初疑渡河駕復似泛
 湖舫榜棹歌心說中流笑語嬉江淵風颯香雒
 浦水潺湲疎影新詞麗忘憂別館偏華筵開玳
 瑁綺席豔神儂銀燭光三五金尊價十千蠟花
 催免育鼉鼓促烏遷法曲煩聲奏哀箏促柱宜
 步搖窺宋玉條脫贈羊權點筆餘香粉繙書雜

翠鈿綠蔥和月掩紅燭帶花寒
蘇海已蠲凝明嘆亦好溶漾坐堪憐
酒輕寒未折綿清愁長約略微笑與遷延
若火閒房活爐香小院全日高情未起月出皎難眠
授色偏含睇藏闔互握拳屏圍燈焰直坐促笑
聲圓朔氣除簾箔流光度毳氈相將行樂地共
趁討春天未索梅花笑徒聞火樹燃半塘春漢
漢西寺草芊芊南浦菟何黯東山約已堅自應
隨李白敢儼伴伶玄密意容挑卓微詞托感甄
楊枝今婉嬾桃葉昔因緣灞岸偏縈別章臺易
惹顛娉婷臨廣陌婀娜點晴川眉懶誰堪畫腰
纖孰與孺藏鴉休蒼藹拂馬莫纏綿絮怕粘泥
重花愛放雪蓋芳塵和藥減春病共愁煎目逆
歸巢燕心傷叫樹鶻惜衣鶯覩脫粉蝶翩翩
攜手期弦望沈吟念陌阡覽游非契闊小別正
流連卽席留詩苦當杯出涕泣茸城車轆轤駕
浦櫂黃綠去水迴香篆歸帆激矢弦寄憂分悄
悄贈淚裹漣漣迎汝雙安槩愁予獨扣舷從今
吳榜夢昔昔在君邊

駕湖舟中送牧翁之新安

夢裏招招盡舫催駕湖鴛翼若爲開此時對
月虛琴水何處看雲過釣臺惜別已同鶯久
駐銜知應有鶯重來祇憐不得因風去飄拂
征衫比落梅

棲水訪卓去病

一官落簿賦歸來華髮蕭騷棲水隈陶令門前
惟綠柳江淹宅畔只青苔三間老屋談經座兩
版荆扉避債臺贏得他時青史在儒林廉吏竝
崔嵬

夜集胡休復庶嘗故第

第宅蕭條不稱春空堂寂寂網蛛塵惟餘寡婦
持門戶更倩窮交作主賓休復無子去病代爲主人燈火共
憐長夜客履聲猶憶下樓人廿年舊事東風裏
梁燕歸來又一巡

西溪永興寺看綠萼梅有懷梅二株螺蚌

可愛是馮祭酒手植

略約綠溪一徑斜寒梅偏占老僧家共憐祭酒
風流在未惜看花道路賒繞樹繁英團小閣迴
舟玉雪漾晴沙道人未醒羅浮夢正憶新粧萼
綠華

二月九日再過永興看梅花爛發髻
有懷適吾家仲芳以畫冊索題遂作短歌
書於紙尾

西溪梅花千萬樹低亞凝香塞行路永興兩樹
最綽約素豔孤榮自相顧飄黃拂綠傍香樓春
寒日暮含清愁依然翠袖修林裏遙憶美人溪
水頭徙倚沈吟正愁絕見君畫冊思飄瞥開懷
落落生雲山觸眼紛紛縱香雪羨君畫高神亦
閒趣在蒼茫近遠閒伸圭殘墨潑武水子久粉
本留虞山我將梅花比君畫月地雲塔吐光怪
乞君揮灑墨汁餘向我蕭閒草堂挂草堂深柳
淨無塵淡墨疎窻會賞真還將玉雪橫斜意舉
似凌風却月人

西溪鄭庵為濟舟長老題壁

老僧能具四威儀稽首雲棲是本師頻炷香燈
頻掃地不拈佛法不談詩落梅風裡經聲遠修
竹陰中梵響遲飯罷松窻重回首夕陽花塢下
山時

西溪湖水看梅贈吳仁和

湖水尋梅共扣舷兒童齊指令君賢皎如疎影

通斜月瑩比繁英濯曉煙晴昊早看幽谷變寒
香偏借一枝傳西湖花竝河陽縣爭似西溪萬
樹妍

橫山汪氏書樓

人言此地是琴臺小院題詩闕綠苔稚閣正臨
流水曲鏡奩偏向遠山閒印餘屐齒生芳草行
處香塵度早梅日暮碧雲殊有意故應曾伴美
人來

二月十二春分日橫山晚歸作

杏園邨店酒旗新度竹穿林踏好春南浦舟中
會計日西溪樓下又經旬殘梅糝雪飄香粉新
柳含風漾麴塵最是花朝并春半與君遙夜共
芳辰

橫山題江道闇蝶庵

疏丘架壑置柴關冢筆巢書斷往還盡攬煙巒
歸几上不教雲物到人閒蕭疎屋宇松頭石峭
舊風期竹外山莫殢蝶庵成蝶夢似君龍臥未
應閒

餘杭道中望天目山

東西天目兩峯垂會與高人約采芝故愁山大師王孟風

朱白人世但餘青嶂在此生空有白雲期雪中
樵徑流泉記兩外禪燈去鳥知舊事撞胃如水
隄停車惆悵立多時

發於潛簡昌化方明府

餘杭西去盡山城攬樹奔泉處處生雙目地形
垂乳下一枝天柱入雲平溪因確激春撞勢石
與車爭拳確聲借得坡公詩贈汝亂山深處長
官清

陌上花樂府三首東坡記吳越王妃事也
臨安道中感而和之和其詞而反其意以

有寄焉

陌上花開正掩扉茸城草綠雉媒肥狂夫不合
堂堂去小婦翻歌緩緩歸

其二

陌上花開鷺子飛柳條初撲翅塵水請看石鏡
明明在忍撇粧臺緩緩歸

其三

陌上花開音信稀暗將紅淚裏春花開容易
紛紛落春煖休教緩緩歸

奉和陌上花

陌上花開炤版扉駕湖水漲綠波肥班駝雪
後遲遲去油壁風前緩緩歸

其二

陌上花開一片飛還留片片點即衣雲山好
處亭亭去風月佳時緩緩歸

其三

陌上花開花信稀棟花風煖颺羅衣殘花和
夢垂垂謝弱柳如人緩緩歸

響雪閣新安商山

綺窻阿閣赤山湄想像憑闌點筆時簾捲春波
塵寂寂歌傳石瀨響遲遲清齋每憶桃花米素
扇爭題楊柳詞日夕汀洲聊騁望澧蘭沉芷正
相思

登齊雲巖四首

二月晦日循桃花磻歷虎巖觀真珠泉抵
天門宿榔梅菴

梯迴磴複躡雲根白岳居然配極尊地折井幹
窺帝座屋刺星雷啓天門累空重巖排松障界
壁飛流破蘚痕石室水池何處所桃花磻底是
仙源

三月朔日謁玄天太素宮是 世廟祿祀
所建

先帝祈年盼靈聞紫壇降節正氤氳金莖上直
虛危位銀榜親書天地文東海幾經龍漢切北
宮長列羽林軍綠章祕祝無多語願指靈旗蕩
稜氛

繇天門登文昌閣望五老三姑獨聳諸峯
巖欲游石橋巖未果

平臨雲氣俯崔嵬黔水黃山一抹開近巖紆煙
留翠駐遙峯排浪湧青迴巖空陰壑生孳賴太
古陽崖闕鮮苔咫尺石橋成異境青巖應自笑
空來

宮之右有桃源洞天壁間有故揚州太守
劉鐸訪張躡蹋詩版

別館玄都小洞天劉郎詩版尚依然會聞魯國
為兵解又恐嵇康未學仙流水落花看小劫免
葵鷲麥記前緣留題聊示桃源叟遇問津人莫
漫傳

牧齋初學集卷第十八

